



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

91.99

5-37





A 6886.

Mars.

Ե Փ Ի Մ Է

(ՄՈՌԱՑՈՒԱԾԻ ՅԻՇԱՏԱԿԱՐԱՆԻՑ)

Հրատ. Յ. Յովսէփեան:

Վ Է Պ Ի Կ



Բ Ա Գ Ո Ւ
Տ պ ա ռ ա ն « Ա ռ օ Ր »
1903.

19 NOV 2011

891.99

Ս-37

այս

Mars.

Ե Փ Ի Մ Է

(ՄՈՌԱՑՈՒԱԾԻ ՅԻՇԱՏԱԿԱՐԱՆԻՑ)

Հրատ. Յ. Յովսէփեանի:

60976
1001

Վ Է Պ Ի Կ



Բ Ա Գ Ո Ւ

Տ պ ա ր ա ն ՝ Ա ր օ ՞

1903.

26.06.2013

42795

376M

Վ Մ Գ Փ Գ

Дозволено цензурою, 26 Октября 1902 г. гор. Тифлисъ.

ՄՈՌԱՅՈՒԱԾԻ ՅԻՇՍՏԱԿԱՐԱՆԻՑ

ՆԵՐԱԾՈՒԹԻՒՆ

Առաջին անգամն էր, որ արտասահման էի գնում: Յունիս ամսի տասին, շաբաթ օրը, երեկոցեան ժամը մօտ չորսին, Ռուսական ընկերութեան „Ռոստով“ շոգենաւը, Բոսֆորի օձապտոյտ և զեղաղուարձ նեղուցը նագածեմ անցնելով, կանգ առաւ Ոսկեղջիւրի մէջ, Ղալաթիայի առաջ:

Պատմական Բիւզանդիոնը, իւր հսկայ շէնքերով, մզկիթների հարիւրաւոր մինարէթներով, զեղնագոյն ընդարձակ զօրանոցներով և սքանչելի ճարտարապետութեամբ կառուցած վիթխարի պալատներով, — աչքիս առջևն էր: Անկարիլի էր մանել այդ նեղուցը և չը հիանալ: Բնութիւնը՝ Մարմարեան և Սև ծովերը միմեանց խառնելու ժամանակ, կարծես աչքի առաջէ ունեցել մահկանացու մարդուն հիացում պատճառելու միակ միտքը, որի առաջ կանգնողը ականայ խոստովանում է իւր մտքի, իւր կարողութեան և ուժերի անսահման ոչնչութիւնը:

Ես արդէն մոռացել էի հինգ օր շարունակ կրած նեղութիւններս շոգենաւում, նաւապետի հետ ունեցած վէճ ու կռիւներս, շոգենաւի ծաղիւծուկերը լցուած մէկքա զնացող պարսիկ ուխտաւորների պատճառած զարշահոտութիւնները և վերջապէս, այն ամենը, ինչ որ սպասելի է մի շոգենաւային ընկերութիւնից, որ իւր շահերին զոհում է ճանապարհորդների հանգստութիւնն ու առողջապահութիւնը: Այո՛, ես մոռացել էի այդ ամենը և միտքս բոլորովին յափշտակուած էր շրջակայ տեսարաններով, որոնք՝ թէև անծանօթ էին ինձ, բայց սքանչացնում էին:

Հազիւ թէ շոգենաւը խարխիս էր ձգել, երբ հարիւրաւոր նաւակներ շրջապատեցին նրան: Եւ տեղի ունեցաւ մի սարսափելի իրարանցում: Ճանապարհորդները, հրդեհից կամ հեղեղից փախչողների նման, միմիանց հրելով ու բռնելով անցնում էին առաջ, խնւում սանդուխտի վրայ, որ տեղից կարծես գլորւում էին ուղղակի նաւակների մէջ: Նաւակավարներն իրենց կողորդի լայնութեամբ և աշխարհիս բոլոր լեզուներով յաճախորդներ էին կանչում. որին երբեմն յաջորդում էր դուարճալի տուր ու թմրոց:

Այս վայրենի աղաղակները մի բուսեցում ցրեցին քաղցր տպաւորութիւններս և ստիպուած եղայ մտածելու, թէ պէտքէ ցամաք դուրս գալ: Բայց ո՞ւր գնայի: Ես արդեն աչքովս տեսել էի Բոսֆորի մի ծայրից մինչև միւս ծայրը երկարող քաղաքը և տեսնում էի շուրջս տիրող խառնաշփոթութիւնը, վայրենի աղաղակը, հայհոյանքերն և՛ ի լրումն այս ամենի, առաջնորդ կամ ուղեցոյց կոչուած պարոնների անխեղճ կեղեքումները միամիտ ճանապարհորդներին:

«Ո՞ւր գնամ, ինչպէս ինքս ինձ յանձնեմ այս անծանօթ կեղեքիչներին, ո՞ւր իջևանեմ, որ կեանքիս վտանգ չսպառնայ»... անդադար մտածում էի ես և շէի համարձակում կանգնած տեղիցս մի քայլ անգամ առաջ շարժուել: Ես շատ բան էի լսել Եւրոպայի ժողովիների մասին. լսել էի որ օրը ցերեկով մարդուս կօշիկները ոտքից դուրս են քաշում, թէ փողպատը արձակում են վզից, թէ խլում են վերաբկուն, թէ... և այլ հաղար ու մի անհաւատալի բաներ, որոնց վախնում էի հանդիպել Պոլսում: Լսել ու կարդացել էի նաև հուշակաւոր Ենիշէրիների մասին, որոնք դուրս գալով իրենց գերեզմաններից պատկերացել էին աչքիս: Ինձ թուումէր, թէ տեսնում եմ նրանց հսկայ հասակները, ահարկու դէմքերը, գաղանային աչքերն ու արիւնլուայ ձերքերը: Եւ տիրում էր ինձ մի անծանօթ սարսափ: Պատրանքն այնքան կենդանի էր, որ՝ պաշտպանողական դիրք բռնած, մի քայլ յետ գնացի:

Այդ ժամանակ ինձ մօտեցաւ մի անծանօթ մարդ: Չնայե-

լով ֆէսի տակից երկարող ալեխառն մազերին, նրա դէմքը դեռ առոյգ էր, ուր՝ որպէս ազգային մի փառաւոր յատկանիշ, փայլում էր նրա յաղթական քիթը:

Ոտիցս մինչև գլուխս մի լաւ չափելուց յետոյ հարցրեց:

— Դուք ո՞րանեղացի էք, պարոն:

— Կովկասցի եմ, պատասխանեցի ես, սակայն Հնայելում, որ հայերէն էր խօսում և հայկական քիթ կրում իւր դէմքին, այնուամենայնիւ աչքիցս չփախցրի նրա ոչ մի շարժումը:

«Միթէ չկան հայերի մէջ ժողովիներ» մտածեցի ես և զգուշութեան համար ինքս ինձ մի քիչ հեռու պահեցի:

— Առաջին անգամն է օտարութիւն էք դուրս գալիս, կրկնեց իւր հարցը, շարունակելով միշտ նոյն նայուածքով դիտել ինձ:

— Ո՛չ... Ռուսաստանում շատ եմ պտտել:

— Ի հարկէ վաճառականութեամբ...

«Քննի՛չ է, ինչէ, ասացի ես մտքումս և նախազգուշութեան համար որոշեցի ճանապարհորդութեանս բուն նպատակը թաղցնել նրանից:

Ո՛չ, Ամերիկայ եմ գնում գործ որոնելու:

— Հապա ինչու չէք դուրս գալիս, ինչու էք շուտրել, ամենքն էլ գնացին,

— Խնդրեմ ասացէ՛ք, դուք ո՞վ էք, նախ քան նրա վերջին հարցին պատասխանելը, հարցրի ես

— Ես Հաջին եմ, չէք լսել, պատասխանեց նա այնքան ինքնավստահ շեշտով, որպէս թէ ինքը Բիսմարկը լինէր, գէթ որի անունը պէտքէ որ ամենքը լրած լինէին:

— Ես ալէքսանդրապոլցի Հաջին եմ, Ռուսսկի մաղաղայի մարդը, — շարունակեց նա նոյն ինքնավստահութեամբ. — պ. Մանթաշեանը, Բաթումի Տէր Կոստին, կապիտան Վարձելով և շատ չատերն ինձ ճանաչում են: Պարիզի պօղիսիօն զննացողներից շատերն էլ ծանօթ են, իսկ դուք չէք լսել...

Հաջու խօսակցութեան եղանակը ինձ շատ դիւր եկաւ:

Որքան կարողացել էի նկատել, կեղծ, իրենք իրենց վրայ վստահութիւն չունեցող մարդիկ չեն կարող այսպիսի շեշտով խօսել:

«Ուրեմն չա՛յին լաւ մարդ է, վստահելի մարդ է, եթէ ժողովուրդեան արհեստը ոսկի մեղայրով աւարտողներէն չէ», մտածեցի ես և պատմեցի կանգնելու պատճառը:

Չա՛յին խօսքիս վրայ բարձր ծիծաղեց ու նկատեց:

— Կարգացողները միշտ այդպէս են, Բարեւոն չեն գնում, կարծելով թէ աշտարակը մինչև այսօր էլ քանդուած է:

Չա՛յու միտքը ես լաւ էի հասկանում. նա ուզում էր ասել, թէ կարգացողներն ամեն բան գրքի խօսքերովն են չափում ու դատում, թէ և գրքի ու իրականութեան մէջ միշտ ահագին տարբերութիւն է լինում: Օրինակ. ես կարգացել էի Կ. Պոլսոյ, Բոսֆօրի և Ոսկեղջիւրի մասին դանաղան աշխարհագրական սեղեկութիւններ և այլ նկարագրութիւններ, որոնց ազդեցութեան տակ կազմել էի իմ մտապատկերը: Բայց այժմ տեսնում էի, որ կարգացածիս ու իրականութեան մէջ սչինչ նմանութիւն չկայ կամ շատ քիչ նմանութիւն կայ...

— Մի վախենար, աւելացրեց Չա՛յին.— սա առաջուայ Պոլիսը չէ, որ օրը ցերեկով մարդիկ էին կողոպտում ու մորթում... Ուրէ՛ ձեր փրթիները. եթէ այդքան վախուկ էք, ես էլ ձեզ հետ կը գամ...

Չա՛յին յանկարծ խօսքն ընդմիջելով, ֆէսն առաւ և բարեկեց մեր մօտից անցնող նաւապետին, որը բարեհաճեց հարցնել Չա՛յու որպիսութիւնը և թէ ինչ է բերել վաճառելու: Չա՛յին պատասխանեց նրան ինչ-որ ռուս-չինական լեզուով և կրկին դարձաւ ինձ:

— Ձեզ մի լաւ և աժան օտել կը տանեմ. իսկ յետոյ, եթէ կուզէք, կը ծանօթացնեմ ձեր դեմ լիա կենքից մեկի հետ, որ մի շատ լաւ մարդ է:

Վերջին խոստումն ինձ աւելի ուրախացրեց. պատրաստ էի Չա՛յու շրթունքը համրուրել, եթէ՛ իրաւ՝ դեմ կեակս նրա ասածի չափ լաւ մարդ դուրս գար:

Առնելով ճանապարհորդական իրեղեններս կամ՝ չա՛յու խօսքով, փրթիներս, իջայ նաւակ և անցազրի մասին մի կարգ խիստ գործողութիւններ յաջողութեամբ կատարելուց յետոյ, սենեակ վարձեցի նաւամատոյցին մօտիկ մի հիւրանոցում: Այս բոլոր անհրաժեշտ գործողութիւնները կատարելուց յետոյ, Չա՛յին առաջնորդեց ինձ երկրացու տունը, միշտ կրկնելով թէ՛ շատ լաւ մարդ է, թէ՛ չպէտքէ զղջամ նրա հետ ծանօթանալու համար:

Երկրացիս կամ՝ աւելի ճիշտ ասած՝ համաքաղաքացիս մի միջահասակ, թուխ դէմքով և համակրելի արտայայտութեամբ տղամարդ էր: Առաջին տպաւորութիւնը, որ թողեց վրաս, այն էր,— որ կեանքի դառնութիւնները ճաշակած մի մարդ էր: Այդ բանն ավացուցանում էր հենց նրա դեմքի արտայայտութիւնը և ժամանակից առաջ մորթը ակոսող բարակ կիճիւնները: Սակայն այդ դէմքի վրայ փայլում էին մի դոյզ կրակոտ աչքեր, որոնցով միայն ճանաչեցի համաքաղաքացուս: Իսկ երբ մենք ձեռք մեկնեցինք միմիանց, կրկնելով մեր անունները, տեսայ, որ չեմ սխալուել:

Այն, նա ինքն էր. մոռացուած մարդը:

Չափադանցութիւն արած կամ երկրացու համեստութիւնը վիրատորած չեմ լինիլ; եթէ ասեմ— շատ քիչ երիտասարդների կարող է յաջողել անձնական արժանիքներով միայն հասարակութեան մէջ գրաւել այն դիրքը, վայելել այն անկեղծ յարգանքը և խօսեցնել տալ իւր մասին, որպէս երկրացիս: Ընկերութիւնների կամ ընտանիքների շրջանում նրա մասին խօսում էին միշտ լաւ, միշտ գովասանքով և յարգանքով: Մի խօսքով՝ ամբողջ երիտասարդութեան մէջ եթէ կային իրենց սեփական արժանիքներով աչքի զարկող մի քանի հոգի, նրանցից մէկը, եթէ ոչ առաջինը, նա էր: :

Բայց հասարակութեան, տգէտ ու նենգամիտ հասարակութեան աչքը չվերցրեց այդ. «Ո՛վէ նա սր մեկիքի որդին, ինչ հարստութեան տէր, որ այդքան խօսում են» ասում էր հասարակութեան տէր, որ այդքան խօսում են:

քակութեան այդ շարամիտ դասը և չէր կարողանում հաշտուել այն մտքի հետ թէ, հասարակ ծագումից, հասարակ մարդու որդին, առանց հարստութեան ու տիտղոսի արժանի լինէր ուշադրութեան: Քծնում էին նրա առաջ շատերը, բայց հտեից հոր էին քանդում նրա համար: Եւ բանն այն տեղը հասաւ, որ խորտակուեց նա որպէս մի նորակառոյց շէնք, որի հիմքը գրուած էր հայրենասիրական և մարդասիրական գաղափարներէ վրայ, գաղափարներ, որոնք հիմք կազմելու համար դեռ շատ խախուտ էին:

Այն, ընկաւ նա և այլևս ոտք չկոխեց իւր այնքան սիրած հայրենիքը՝ չգիտեմ, իւր ամօթապարտ գէմքը հասարակութեան ցոյց չտալով, թէ նոյն հասարակութեան սև երեսն ինքը չտեսնելու համար:

Եւ շուտով մոռացուեց նա: Մոռացան նրան իւր բազմաթիւ ընկերները, սրտակեցններն ու ծանօթները, մոռացաւ նաև ժողովրդի այն մասը, որ բացառութիւն էր կազմում միւս շարամիտներից:

Ես էլ մոռացել էի...

Բայց ահա, հանդամանքներն օտարութեան մէջ, այն էլ անսպասելի կերպով հանդիպեցնում են ինձ վաղճւց մոռացուած մարդուն: Դա երազ չէ, պատրանք չէ, ես կանգնած եմ նրա առաջև. նայում եմ խորտակուած մարդու ուրուականին, որ սակայն ինձ վրայ թողնում է նոյն վիհ և նոյն պատկառելի տպաւորութիւնը:

Եւ ուրախութեանս չափ չկայ, պատրաստեմ Հաջու վզով փարելով համբուրելու նրան, որ բերեց ինձ հայրենակցիս մօտ:

— Ահա, այսպէս, Հաջի շէնք շնորքով հայրենակիցներիս միշտ մօտս բեր, որի համար շնոհակալ կը լինեմ... չգիտես ո՞րքան ուրախանում եմ... դրանով առնում 'եմ հայրենիքիս կարօտը:

Ասաց նա Հաջուն և դառնալով ինձ աւելացրեց՝

— Հաջին գործի մարդ է, նա կարող է դնալ ընտանիքի համար հաց վաստակելու: Իսկ դուք կը մնաք ինձ մօտ...

— Աւելի լաւ չի՞ լինել, որ ուրիշ անգամ գամ, ասացի:

Ի՞նչու... իսոթ յոգնած էք... երևի Գովկասից Գոլիս ոտքով էք եկել:

— Ո՛չ. ես յոգնած չեմ, բայց տեսնում եմ, որ մենք խանգարեցինք ձեզ: Բացի այդ Գոլսոյ ոլորպտոյտ փողոցներին դեռ անծանօթ եմ և առանց Հաջու դժուար կը լինի վերադառնալ:

— Գարապ խօսքեր, այսօր միասին կնթրենք, իսկ երբ քնել ուզենաք, ձեզ կառաջնորդեմ ձեր հիւրանոցը:

Հաջին, որ մեր խօսակցութիւնից օգտուելով դուրս էր գնացել. կրկին ներս մտաւ, գրկում ունենալով մի փոքրիկ, բայց ժիր երեխայ, որը հօրը տեսնելուն պէս, առանց ինձնից քաշուելու, հնչին ձայնով կանչեց «պապա, պապա» ու քիչ մնաց դուրս թռչէր Հաջու գրկից:

— Ահա աղջիկս, առաց նա գրկելով,— սրա թոթոված իւրաքանչիւր մի բառը անսահման բերկրանքով ողողում է սիրտս և վարդ է ցանում կեանքիս փշոտ ճանապարհի վրայ: Վիկտոր Հիւզօն ասում է «Մանուկները հրեշտակների լիզուով են խօսում, իսկ հրեշտակները՝ Աստուծոյ» իսկ ինձ թւում է թէ մանկական լիզուով կարծես նախախնամութիւնը մի բան է ուզում ասել մեզ: Սա անդրանիկս է: Ըուտով առիթ կունենաք մօր հետ էլ ծանօթանալու: Գիտէք՝ մենք ո՛չ ծառայ ունենք, ո՛չ աղախին. ընտանիքի կառավարութեան հոգսը մենք բաժանել ենք մեր մէջ և իւրաքանչիւրը մեզանից անարտունջ կատարում է իւր պարտականութիւնը: Հակառակ այն մեծ աղմուկին... որ յարուցուած է կանանց հարցի շուրջը— մենք նրան արդէն լուծել ենք: Դժուար չէ գուշակել, թէ բնութիւնը մեզանից իւրաքանչիւրին ի՛նչի համար է ստեղծել և որպէսի իրաւունքներով... Այժմ նա որպէս խոհարարուհի, խոհանոցումն է, իսկ երբ իւր գործը կաւարտի, այն ժամանակ որպէս ընտանիքի իշխանուհի, կը նստի մեզ հետ սեղան: Մենք բոլորս պարտաւոր ենք հնազանդուելու նրա բոլոր կարգադրութիւններին, որովհետեւ բնութիւնը այդ իրաւունքը նրան է տուել...

Ես նրա խօսքերը լսում էի առանձին յափշտակութեամբ,

որովհետեւ դա ինձ համար նորութիւն էր: Եւ միշտ կրկնում էի մտքումս:

«Ահա ընտանեկան բուն երջանկութիւնը, ահա այդ երջանկութեան յոգիական, որ անծանօթ է մինչև անգամ բարձր դասակարգի ընտանիքներից շատ շատերին»:

Ջնորհակալութեանս հետ միասին նաև վարձատրելով Հաջուն, ճանապարհ գրի: Մենք մնացինք մենակ: Նա սկսեց իւր տարրեր հարցերով ողողել ինձ: Նա հարցրեց ժողովրդի կեանքի, նրա նիստ ու կացի, ներքին և արտաքին պայմանների մասին. նրա նիւթական կացութեան և մտաւոր ու բարոյական առաջադիմութեան մասին. դպրոցների և այլ կրթական հաստատութիւնների մասին. ընդհանուր վաճառականութեան, արհեստների և սրանց մէջ տեղի ունեցող մրցութիւնների մասին և այլ բազմաթիւ հարցերի մասին, որոնցով ինչպէս երևում էր, չափազանց հետաքրքրում էր նա:

— Հարցնելու շատ բան ունեմ, սակայն չեմ ուզում միանգամից ձանձրացնել ձեզ, աւելացրեց նա.— բացի այդ ես էլ մի քիչ գրելիք ունեմ. խնդրեմ հանգստացէք, մինչև որ գործս վերջացնեմ: Չատ չի քաշի. բնդամինը մի քառորդ ժամ. յետոյ ազատ կերպով կը խօսենք:

Ու նստեց սեղանի առաջ մեր ներկայութեամբ ընդհատուած ինչ-որ հաշուական գրութիւնները վերջացնելու: Իսկ ես մի քիչ հեռու դրած տաճկական օթոցի վրայ նստելով, սկսեցի շուրջս դիտել: Տան մի անկիւնում դրած գրագրանը, որ լիքն էր փառակազմ ու խիստ ճաշակով դարսուած գրքերով, ուշադրութիւնս գրաւեց:

— Ներեցէք, կարո՞ղ եմ ձեր գրքերը նայել. հարցրի:

— Ինչո՞ւ չէ, ձեր տրամադրութեան տակ են:

Մօտեցայ գրագրանին ու նախ կարդացի նրանց անունները, որ ոսկի տառերով տպուած էին կազմի ետևում: Նրանցից մեծ մասը ֆրանսերէն էին: Ռուսերէն գրքերի մէջ աչքի էին ըրկնում Տուրգենեւի, Լերմոնտովի, Գոնչարովի, Դոստոևսկու և այլ ռուսական գրականութեան փայլուն տաղանդատերի անուն-

ները: Չնորհիւ տեղային պայմանների հայ ինքնուրոյն հեղինակութիւններ շատ քիչ կային. մնացածներից մեծ մասն էլ թարգմանութիւններ էին, որոնց մէջ առաջին տեղը բւնում էր Վիկտոր Հիւգոյի «Թշուառները»: Ես դուրս քաշեցի այս վերջինիս առաջին հատորը, բայց չնայելով իմ ծայրահեղ ուշադրութեան, նրա հետ դուրս եկաւ և մի ձեռագիր տետրակ, որ դրուած էր Ա. և Բ. հատորների մէջտեղում: Այդ ձեռագրի վրայ աչքիս ընկաւ հետեւալը՝ «Եփիմէ. (մի պատկեր իմ կեանքից)»:

«Եփիմէ՛ անունը յիշողութեանս մէջ զարթեցրեց մի ամբողջ դէպք, որ իւր ժամանակին բաւական զբաղեցրել էր մեր քաղաքացոյ: «Արդեօք այն դէպքն է գրի առել» մտածեցի ես և հայեացքս ակամայ դարձաւ նրան: Նա էլ ինձ էր նայում, որով տեսած լինելս թագցնել այլ ևս կարելի չէր:

— Ներեցէք... գրքի հետ դուրս եկաւ, կրմիլմացի ես. — սակայն խոստովանում եմ, որ շատ հետաքրքրեց ինձ հերոսուհու անունը, որով կնքած է այս փոքրիկ գործի ճակատը:

Նա ժպտաց ու հարցրեց.

— Մի՞թէ ծանօթ է ձեզ այդ անունը:

— Կարծեմ՝ այո՛, մանաւանդ երբ ձեր գրքերի մէջ է՞ գտնուում:

Նա զլուխը քարշ ձգեց ու խորին կերպով հառաչեց: Ինձ թւաց թէ այդ հառաչանքի ձայնը լսում եմ մի շատ խոր անդունդից կամ շատ շատ հեռուից, որքան հեռու անցեալում կատարուել էր այն դէպքը:

— Կարո՞ղ եմ կարդալ, հարցրի, զգալով միևնոյն ժամանակ, որ արածս չափազանցութիւն է և համաքաղաքացուս հիւրասիրութիւնն ի շարն եմ գործ դնում:

— Խնդրեմ. այժմ ոչ մի արգելք չկայ... տարիներ են անցել վրայից. ժամանակն ու պայմանները փոխուել են, որով անցել են այն վտանգները, որ կարող էին առաջ գալ և անախորժ աղմուկ յարուցանել իւր ժամանակին:

Նա շատ երկար չէր և գրուած էր շատ որոշ ու մաքուր

ձեռքով, իսկ տակին դրած իւր անունը: «Արդեօք կարելի չէ տպագրել տալ» անցաւ մտքովս, բայց այս միտքը յայտնեցի նրան մի քանի ամիս յետոյ, երբ համոզուեցի թէ՛ քիչ ու շատ գրաւել եմ իւր վստահութիւնը:

Նա մի քիչ տատանուելոց յետոյ հաւանութիւն տուեց, միայն այն պայմանով, որ գործող անձերի անունները փոխուեն, գործողութեան տեղն ու ժամանակը չյիշուի և իւր անունը յիշուի միայն դերանունով:

Եւ ես այս օր յանձնում եմ տպագրութեան յարգելով իւր առաջարկած բոլոր պայմանները:

Ե Փ Ի Մ Է

Ա.

Երկար չպէտք է պատմեմ, թէ՛ ինչպէս թողնելով դպրոցական նստարանները, վիճակուեց իեձ նստել ոսկերչութեան դ ա ղ գ ե ա հ ի առաջ և գիրք ու գրչի տեղ ձեռքս առնել ոսկի ու արծատ, չաք ու ճ ու զ ն դ ա ն:

Բաւական է ասել թէ՛ հենց այդ տարին վախճանուեց հայրս, մեզ որը թողնելով: Թէև փոքր էի, դեռ յոր լրացել էր տասնուհինգ տարիս, բայց տան երէց սրբին լինելով, պարտական էի փոխարինել հօրս, որով վեց հոգուց բաղկացած ընտանիքի հոգալը ծանրացաւ վրաս:

Այդքան փոքր հասակից ընտանեկան հոգսերով ծանրա-

քեռնուելու առաւելութիւնները և իմ մտաւոր ու բարոյական զարգացողութեանս վրայ գործած ազդեցութիւնը ես շատ տարիներ յետոյ միայն հասկացայ:

Պայմանների տյսպէս անսպասելի փոփոխութիւնից մի քանի ամիս յետոյ վշտացած սրտով ասացի մօրս.

— Մայրիկ, հանգուցեալ հայրս խոստանում էր ինձ համալսարան ուղարկել, կրթութիւնս առնելու ու յայտնի մարդ դարձնել... բայց ընդհակառակը պատահեց... ես թաղուած եմ խորին անյայտութեան մէջ. ամենքն էլ խեղճ աչքով են նայում վրաս, շատերը ծիծաղում են ձեռք ու երեսս մրոտ տեսնելով. հին դասընկերներս անգամ այժմ մի տեսակ արհամարանքով են նայում վրաս և տեսնելիս երես են դարձնում, կարծես ամաչում են մինչև անգամ բարեկէ:

Մայրս քնքշաբար դուլիս շոյեց և հաստատուն շեշտով պատասխանեց:

— Դու միշտ անյայտ չես մնալ, եթէ քաջութիւն ունենաս համբերութեամբ առաջադիմելու: Կեանքը աւելի մեծ դպրոցն է, ուր աշխատողը կարող է զարգանալ, իսկ արհեստանոցը նոյնպիսի մի համալսարան է, որտեղից դուրս են դալիս բժշկիների ու փաստարանների նման մասնագէտներ: Աշխատիր, համբերութեամբ աշխատիր ե կը տեսնես, որ ասածս ճիշտ է:

Մեր թաղի մէջ ամենքն էլ մօրս համարում էին որպէս մի շատ խելօք կին: Այդ ես լսել էի շատերից, որպէս և հանգուցեալ հօրիցս: Ուրեմն իմ մանուկ ուղիղը ուրիշ տեսակ հասկացողութիւն ունենալ նրա մասին չէր կարող: Այդ պատճառով նրա քաջայերական խօսքերը, որպէս մի սրբազան պատգամ, անջնջելի կերպով գրոշմուցեցին ուղիղիս մէջ: Այնուհետև այլևս ուշադրութիւն չդարձրի շատերի արհամարանքին և հոգով սրտով նուիրուեցի արհեստին, որ այդ ժամանակ նահապետական յետադէմ վիճակի մէջ էր և չկար մէկը, որ գոհ լինէր իւր ար-

հետսից, որ արհեստը կարողանար ապահովել արհեստավորի գէթ օրական պարէնը:

Այնժամանակ ես դրա պատճառը շքիտէի, բայց յետոյ փորձը ինձ ապացուցեց, որ մեղավորը իրենք՝ արհեստավորներն են եղել, որ արհեստը, պարագլուխը չէ մարդին բարձրանողն, այլ մարդն ինքն է թէ իրեն և թէ արհեստին, պարագլուխը բարձրացնողը:

Արհեստանոց մանկուս օրից անցել էր մօտ հինգ տարի: Ես դարձել էի խելահաս պատանի, գոհ էի իմ վիճակից, գոհ էի նաև արհեստի արտադրած արդիւնքից: Քաղաքում տրդէն վաղուց խօսում էին իմ մասին, իսկ յաճախորդներս օր օրի վրայ աւելանում էին: Բանն այնտեղ էր հասել, որ քաղաքի հարուստ և ինտելիգէնտ դասը ոչ միայն չէր քաշում հետս յարաբերութիւն ունենալուց, այլ ընդհակառակը նիւթապէս ու բարոյապէս էլ քաջալերում էր ինձ: Իհարկէ դեռ գտնւում էին մարդիկ, որոնք խօսակցութեան ծամանակ «էհ, արհեստավոր է, էլի» ասում ու արհամարանքով շքում էին երեսները, սակայն սրանք էլ շուտով հաշտուեցին հանգամանքների հետ: Հաշտուեցին նաև արհեստակիցներս, սրանք առաջ ծաղրում էին ինձ «գլորոցի աշակերտ» կոչելով այն համոզմամբ թէ՛ դպրոցականից արհեստավոր դուրս գալ չի կարող, թէ՛ արհեստավոր լինելու համար արհեստավոր պէտքէ ծնուել, այսինքն փոքր հասակից պէտքէ սկսել փարպեաի կօշիկները սրբելուց և հասնել վարպետութեան: Սակայն փորձով տեսած, որ սխալուած են, որ գլորոցում մշակուած ուղեղն աւելի ընդունակ է արհեստի գաղտնիքն ըմբռնելու և նրա մէջ թափանցելու, քան տղէտ վարպեաի կոպիտ բռունցքի տակ ըթացած ուղեղը:

Պէտքէ ասեմ, որ այս աշկարայ երևոյթներին այն կողմ ես ոչինչ չէի տեսնում, որովհետև ամբողջ օրն զբաղուած լինելով, ազատ ժամանակ չունէի: Ասացի, որ իմ մասին արդէն սկսել էին խօսիլ.— այդ ես գիտէի, բայց ինչ էին խօսում, ինչով էին հետաքրքրուած— ես այդ չգիտէի: Ես դեռ այն կար-

ծիքին էի, թէ ինչ էլ լինեմ— արհեստավոր եմ, սահմանափակ շրջանակի մէջ. որտեղից դուրս գալ չեմ կարող, որ հասարակութեան աչքում կտրող եմ լաւ արհեստավոր լինել, բայց չեմ կարող յայտնի մարդ լինել, որ կազմում էր իմ մտածութեան միակ առարկան կամ՝ մոդայական բառով՝ իդէալս:

Ամեն անգամ երբ մտածում էի այս մասին, մի տեսակ յուռահատութիւն էր գալիս վրաս և գլուխս ու ձեռքերս հրաժարւում էին գործել: Բայց միևնոյն վարկենին հնչում էր ականջիս մօրս խօսքը՝ «Դու անյայտ չես մնալ, եթէ քաջութիւն ունենաս համբերութեամբ առաջագիմելու»...

Ու կրկին ողևորում էի և մի ինչ-որ նոր ու թարմ ուժերով սկսում էի աշխատել:

Ռուս-թրքական պատերազմը կարծեմ դեռ վերջացած չէր, երբ մի օր տեղական X-եան օրիորդաց դպրոցի տեսչի կողմից մի նամակ ստացայ: Պէտքէ ասած, դա ինձ համար նորութիւն չէր. տարեկան մի քանի անգամ այդպիսի նամակներ ստանում էի. Դժբաղդ հանգամանքների բերմամբ ուսումս թերի թողնելուց և արտատուալից աշքերով դպրոցին ակամայ հրաժեշտ տալուց յետոյ էլ՝ սիրտս անքակտելի կապերով կապուած էր մնացել այդ հաստատութիւնների հետ: Ես սիրում էի նրանց այնպէս որպէս կարող է սիրել մէկը իւր սրբութիւնը, իւր իդէալը կազմող առարկան: Եւ ինքս ինձ ճանաչած օրից սկսած, աշխատում էի կարողութեանս չափ թէ՛ նիւթական և թէ՛ բարոյական տեսակէտից օգտակար հանդիսանալ յիշեալ հաստատութիւններին: Այս բանի մէջ ես գտնում էի այն մեծ սփոփանքը, որպիսի սփոփանք որդեկորոյս մայրը որոնում է սիրած զաւակի գերեզմանի վրայ թափած ջերմ արտասուքի մէջ:

Իհարկէ իմ այս տրամադրութիւնը անծանօթ չէր դպրոցի տեսչին ու հոգաբարձութեանը: Եւ սրանք երբեմն դիմում էին ինձ դրամի խնդիրքով, շատ անգամ էլ դպրոցական այս կամ այն հանդիսին ներկայ գտնուելու համար:

Ենթադրում էի թէ վերջին նամակն էլ մի այդպիսի բան

պիտի բովանդակելիս լինէր, սակայն որքան մեծ եղաւ զարմանքըս եբբ կարգացի:

Ահա թէ ի՞նչ էր զրած:

«Պարոն Ռ... Ռ...»

«Աչքի առաջ ունենալով, որ դուք ոչ մի առիթ չէք փախցրել օգտակար հանդիսանալու ձեր սիրած դպրոցներին, թատերասէրների խումբը, որոնց ստորագրութիւնը կը կարգաք ստորեւ, խոնարհաբար խնդրումէ՛ք բարեհաճէ՛ք ներկայ դաճուելու երեկոյեան ժամը 8-ին տեղի ունենալիք ժողովին և որևէ մի դեր ընդունելու «Ջուշանիկ» ողբերգութիւնից, որ տրուելու է յօգուտ X-եան օրհորդական դպրոցի»:

Սոյն համառօտ նամակի տակ դրուած էր նախ՝ նոյն դպրոցի տեսչի և ապա՝ թատերասէրների ստորագրութիւնը, տեղային երիտասարդութիւնից բաղկացած:

Ե՞ս ու թատրոն և այն որպէս ղերասան,—սա շատ տարօրինակ բան էր:

Այստեղ աւելորդ չեմ համարում անել մի այնպիսի խոստովանութիւն, որպիսին ինձ նման շատ շատերը մեծ խնամքով կը ծածկէին, լսողի ծիծաղը չը շարժելու համար: Այդ այն է, որ չնայելով ես արդէն բսան ասրիս անցրել էի, որպիսի տարիքում ուրիշները կեանքի բոլոր բովերից ու խաւերից անցած են լինում.— ես կեանքիս մէջ ոչ միայն թատրոնի երես չէի տեսել, այլև նրա մասին ամենահասարակ ու տարրական հասկացողութիւն էլ չունէի: Գիտեմ, որ սա մի ծանր խոստովանութիւն է, որ ուրիշները ձեզ կը հաւատացնէին, որ ձէքսպերի Համլետը իրենց մօր արգանդում եղած ժամանակ անգիր գիտէին—բայց ես իրողութիւնը չեմ սւզում կեղծել: Որքան յիշում եմ, սրանից շատ տարիներ առաջ, երբ, ի հարկէ ես գեռ փոքր էի, թատրոն անունը ականջովս ընկել էր, որ՝ կարծեմ տեղի էր ունեցել թեմական դպրոցում: Բայց թէ ի՞նչ բան էր նա՝ ուտելիք թէ խաղալիք—այդ բացարձակապէս չգիտէի: Իսկ այնուհետև մեր

քաղաքում ոչ թատրոն էր գոյութիւն ունեցել, ոչ էլ առիթ ունենայի նրա մասին լսելու:

Եւ այժմ հրաւիրում էին ինձ դոնէ ոչ որպէս պարզ հանդիսատես, այլ որպէս ղերասան, որ շատ տարօրինակ էր գալիս ինձ: Դրա մասին որոշումս տալուց առաջ, մտածեցի խորհրդակցել մեր տանը. թէ և շատ էլ յոյս չունէի, թէ մայրս թոյլ կը աայ: Բայց որքան զարմացայ երբ նա ոչ միայն հաւանութիւն տուեց ու համառօտակի բացատրեց թատրոնի ինչ լինելը, այլև ասաց, որ արդէն ժամանակ է, որ ես հասարակութեան մէջ երևամ...

— Տեսնո՞ր, որ արհեստի մէջ էլ մարդն անյայտ չի մնալ, նկատեց մայրս ծիծաղելով և աւելացրեց. — միայն ամօթխած չպէտքէ լինել, ապա թէ ոչ կը խայտառակուես:

Աւելորդ եմ համարում նսել, թէ առաջին անգամ յանձնեցին մի շատ փոքրիկ դեր: Այնուամենայնիւ ես ծանօթօցայ թատրոնի ու նրա պայմանների հետ, ու սիրելով շարունակեցի մասնակցել: Չնորհիւ գէպի թատրոնը տածած մասնաւոր սիրոյս, այնքան ընտելացայ բեմին, որ խումբը սկսեց յանձնել ինձ աւելի պատասխանատու դերեր այնժամանակուայ աղքատիկ պիէսներից, որոնք վաղուց արդէն կորցրել են իրենց հետաքրքրութիւնը:

Այդ օրից սկսած կեանքիս եղանակը մասամբ փոխուեց: Ես ճանաչեցի շատերին, շատերն էլ ճանաչեցին ինձ: Ստիպուեցայ ընդունելու հրաւերներ սրա ու նրա մօտ, որպէս և հրաւիրել սրան ու նրան:

Ընկերներիս ու ծանօթներիս շրջանն անհամեմատ լայնացաւ: Մասնակցում էի ընտանեկան հանդէսներին, խնջոյքներին ու երեկոյթներին, որոնց մէջ գանուում էին և քաղաքի յայտնի ընտանիքներից:

Նախ դպրոցի և ապա արհեստանոցի փակ, միակողմանի կեանքից դուրս գալով, յանկարծ ինքս ինձ զգացի բուն կեանքի հոսանքի մէջ, կեանքի բազմակողմանի վայելքների, շքեղու-

Թիւնների ու հմայքների առաջև կանգնած ճակատ առ ճակատ. Կարծես վանդակում ծնուած ու մեծացած Թուշուն լինէի, որ դուրս թողած ժամանակ, մի քանի րոպէ շուարում է, չզիտնալով դէպի ուր գնայ, կրկին դէպի վանդակը թէ՛ սաւառնի աղատ եթերըրում:

Կեանքի այս նոր եղանակն սկզբներում ինձ շատ խորթ ու անյարմար էր երևում. զգում էի՝ որ զգայարանքներս սաստիկ յոգնում են, մի տեսակ թմրութիւն է գալիս վրաս: Աղմկալից կեանքի գինովութեան րոպէներում մտածում էի խոյս տալ այդ աղմուկից և վերադառնալ իմ սովորական խաղաղ կեանքի գիրկը—բայց չէր յաջողում ինձ: Ես՝ որ միշտ և ամեն դէպքում իշխող էի հանդիսացել կամքիս վրայ, սանձել էի բմահաճողքներս, այժմ տեսնում էի որ կամք ասածդ բանն իմ մէջ երես էր առել և ես անզօր, շատ անզօր էի դիմադրելու նրա անսանձ ձգտումներին: Զգում էի, որ ուժերս կսմայց կսմայց թուլանում են, որ հակառակ իմ կամքի նրանք տեղի են տալիս ինչ-որ սարբեր ոյժի: Իհարկէ այդ բոլորը տեղի ունեցաւ սկզբներում, բայց վերջապէս ընտելացայ աղմկալից կեանքին կամ աւելի ճիշտն ասած, ինքս ինձ յանձնեցի մարդկութիւնը ողողող կեանքի յորձանքին:

Այս բոլորը յիշելուս գլխաւոր պատճառն այն է, որ սրանք կազմում էին այն նշանաւոր դէպքերը, որոնք ահագին ազդեցութիւն ունեցան վրաս, ինձ տարան բոլորովին ուրիշ ճանապարհով, որ գուցէ երբէք չգնայի, եթէ դուրս չգայի արհեստանոցի փակ պատերից:

Արդէն գրութեանս գլխաւոր նպատակը հենց այդ դէպքերի ամփոփումն է, որոնց գրի առնելով, որպէս կենդանի և իրական օրինակներ, կուզեմ աչքիս առաջև ունենալ մինչև կեանքիս վերջը: Մարդը բաղադրուած է այնքան փափուկ ու ճկուն տարրերից և շրջապատուած է այնպիսի խարուսիկ երևոյթներով, այնքան խտտորեցուցիչ պայմաններով, որ սխալանքները միշտ անխուսափելի են: Սակայն ճշմարիտ է և այն, որ նոյն մարդն աւելի քիչ կսխալուի, եթէ իւր անցեալը պատկերացրած ունենայ աչքի

առջև: Մարդուս այսօրուայ քայլը վաղուայ քայլի փորձը պէտք է լինի, վաղուանը՝ միւս օրուայ և այսպէս միշտ և յաւիտեան, մինչև որ նա կհասկանայ իւր արածի հետեանքն ու արժէքը...

Բայց ես շեղուեցի:

Մի օր ծանօթներիցս մէկը հրախրեց ինձ իւր հարսանեաց հանդիսին ներկայ գանուելու:

Ես չմերժեցի, որովհետև արդէն սովորել էի շմերժել: Պէտք է նկատեմ որ այսպիսի նուիրական հանդէսները մեր քաղաքում կատարում են մեծ շքով և վերջանում են ճոխ ճաշկերոյթով ու լիառատ հիւրասիրութիւնով: Սա՛ իհարկէ՛ մնացորդ է նախնական սովորութեան, իսկ սովորութիւնը հիմնուած հայ ժողովրդի աւանդական հիւրասիրութեան վրայ, որ ոչ գոյրուող տարիները, ոչ արիւնահեղ պատերազմները, ոչ գերութիւն, հալածանք, ջարդ և ոչ որևէ այլ տխուր հանգամանք չեն կարողացել հայ սրտերից ջնջել պատերից ժառանգած այդ նուիրական սովորութիւնը: Թէև այդ հանդէսները նիւթական մեծ զըրկանքների են մասնում ժողովրդին, սակայն դրանք ունեն նաև իրենց բարոյական օգուտները: Այսպիսի համախմբումները մի տեսակ պարտաւորեցուցիչ չփում են առաջ բերում, որտեղից ծագում է փոխադարձ սիրոյ և յարգանքի զգացում: Սրանք լայնացնում են ծանօթների, բարեկամների շրջանը, կապում են միմեանց զանազան կողմնակի կապերով, կազմելով մի ահագին ընտանիք: Այս գեղեցիկ սովորութիւնը կարող էր աւելի մեծ օգուտ բերել, եթէ նա մնալով հանդերձ, ծախքերը կրճատուէին:

Յիշեալ հարսանեաց հանդէսը նոյնքան շքեղ էր ու մեծածախք: Երկուսն հիւրերի մի ահագին բազմութիւն լցրել էր հարսանքատունը: Ասիական դափ ու դուռնան զղրդեցնում էր ամբողջ թաղը, արձագանք տալով նաև հեռաւոր թաղերում: Զուրնա-նաղտարային դաշնակցում էին հանդիսականների խլացուցիչ ծափերն ու բացականչութիւնները:

Սենեակի օդը ծանրացել էր բազմութեան արտաշնչութիւններով: Անսովոր մարդը մի րոպէ չէր կարող նստել այդ ապակահուած օդում: Մենք մի քանի հոգով գտնուում էինք պատըշգամբում և մէկը մեզինից խօսում էր այդ տարուայ անսովոր թանգութիւնների մասին, որը սով էր սպառնում քաղաքի բնակիչներին, մանաւանդ աղքատ դասակարգին, որ առանց այն էլ հազիւ կարողանում էր իւր թշուառ գոյութիւնը պահպանել:

Խօսակիցներից մէկը, որ ուրախ ու անհոգ բնաւորութեամբ մի երիտասարդ էր և երբէք սովորութիւն չուներ վաղուայ մասին մտածելու, երկի տեղի ունեցող խօսակցութիւնից ձանձրացած, առաջարկեց ինձ գնալ կանանց բաժանմունքը, ուր տիկիներն ու օրիորդները պարում էին:

Քանի որ միջանկեալ խօսեցի աւանդական գեղեցիկ սովորութեան մասին, ուրիմն աւելորդ չի լինիլ մի քանի խօսք ասել նաև հարեմական մի կարգ սովորութիւնների մասին, որոնք ժառանգական լինելով հանդերձ շատ խոր արմատներ են գցել հասարակութեան մէջ: Երկու սեռի մարդիկ, բացի մօտիկ ազգականներից շեն կարող միասին նստել, միևնոյն սեղանին մասնակցել, միասին խօսել: Այդ ամօթ է, անպատշաճ է, շատ դէպքում մահացու մեղք է որպէս հայ-կնոջ, նոյնպէս հայ-տղամարդի համար: Ուստի կանանց սենեակը, նրանց սեղանը միշտ դատ է լինում տղամարդկանց սենեակից ու սեղանից, մի բան, որ քաղաքակրթութեան արգելք դառնալով հանգերձ, ամենևին արգելք չի դառնում անբարոյականութեան մուտք դործելուն:

Այնուամենայնիւ ես մերժեցի կանանց բաժանմունքը գնալ ի նկատի առնելով տիրապետող կարգերը:

— Այդ ոչինչ. մենք նրանց մօտ չենք գնայ, այլ զրնից կը նայենք պարերին:

Ես կրկին մերժեցի, երբնա իւր սովորական շաղակրատութեամբ սկսեց համոզել ինձ, թէ այնտեղ մենք մնալ չենք լինի, թէ բոլոր երիտասարդներն այնտեղ են, թէ դա սովորութիւն է, որովհետև հենց այսպիսի տեղերում են հարսնացուներ ընտրում:

— Իսկ ես դեռ միտք չունեմ հարսնացու ընտրելու, պատասխանեցի:

— Քեզ աղաչող էլ չկայ, բայց գնանք, չես զղջալ, ասաց նա և համարեա զօրով քարշ տուեց ինձ դէպի կանանց բաժանմունքը: Այստեղ, դրան առաջև տեսնելով երիտասարդների մի ահագին բազմութիւն, ես մի փոքր սիրտ առայ:

Այս բաժանմունքը տղամարդկանց բաժանմունքից աւելի ընդարձակ էր: Հարեմական կեանքի մէջ նոյն իսկ քնքոյշ սեռը համեմատաբար աւելի մեծ յարգանք էր վայելում: Սակայն ես կարծում եմ, որ այդ յարգանքի ղգացումը չի բղխում այն համոզումից, որպիսի համոզումից բղխում է ճշմարիտ քաղաքակրթ մարդու յարգանքը դէպի կինը: Իհարկէ ուրիշ են Եւրոպացիք, ուրիշ ենք մենք: Հայ կինը՝ իրաւ՝ համեմատաբար աւելի հաւատարիմ ամուսին է, բայց այդ հաւատարմութիւնը մի տեսակ բռնադատական է: Հայ կնոջ պակասում է շատ բան. նա քաղաքակրթութիւնից մերկ է, բուսիկ է, մի հանգամանք, որ ուրիշ պայմաններում կարող էր ընկնել աւելի ցած, աւելի խոր, քան եւրոպացի կինը: Ամենից առաջ կրթութիւն, ապա լիակատար աղատութիւն: Իմ կարծիքով հիմնաւոր կրթութիւն չստացած կնոջ կարելի չէ աղատ թողնել, այլապէս նրան չի դիմանայ ոչ մի սանձ, նա կը վշլի, իւր ճակատն էլ ջախջախելով անառականոցի պատերին: Իհարկէ դեռ երկար ժամանակ պէտք է, մինչև որ տեղի ունենայ մի այսպիսի յեղաշրջում, քանզի հայ տղամարդը կնոջ վրայ չի նայում որպէս իւր ընկերոջ վրայ, այլ որպէս մի համեղ պատառի, մի ծողկափնջի վրայ: Եթէ դուք ունիք մի գեղեցիկ առարկայ, մի սիրուն ծողիկ, բնականաբար դուք նրան օտքի տակ չէք գցիլ ու չէք տրորի...

Ուզում եմ ասել թէ որքան նեղ համոզումից է բղխում հայ-մարդու յարգանքը դէպի հայ-կինը:

Կանայք ու օրիորդները սենեակի պատերի ուղղութեամբ նստելով, իրենց մէջ տեղը բաց էին թողել մի դատարկ տաքածութիւն պարողների համար: Զուռնաչիները ծալապատակ

նոտել էին դրան մօտիկ մի անկիւնում և այտերն ուռեցնելով նուազում էին դանազան պար-երգեր:

Ինձ այդ սենեակին առաջնորդող երիտասարդի շնորհիւ մի ազատ անկիւնում աթոռ տուին նստելու: Պէտքէ ասել, որ հենց սկզբից պարերն ինձ չէին հետաքրքրում և ես չգիտեմ ինչու պարը համարում էի մի վայրենի սովորութիւն: Քացի արդ ես այնքան կրիտիքական դրուժեան մէջ էի, որ թուում էր ինձ թէ՛ փշի վրայ եմ նստած: Երբէք այդքան կանանցով շրջապատուած չէի եղել, ոչ էլ այդքան կանացի աչքեր միանգամից նայել էին ինձ: Այդ նայուածքներն այնքան ծանր էին երևում, որ ես նրանց տակ ճնշում էի: Տեսնում էի, որ շատերը նրանցից իրար ականջի թքուելով, ինչ-որ քըչփշում են. շատ կարելի է նրանց քըչփշոցի նիւթը բոլորովին ուրիշ բան էր, սակայն ես կարծու մ էի թէ նրանք խօսում են իմ մասին:

Պարոյները հերթով փոխում էին, որպէս և նուազածուները փոփոխում էին եղանակները: Ի միջի այլոց պարեց նաև մի 15—16 տարեկան օրիորդ, որի հազուատից կարելի էր ենթադրել, որ X-եան օրիորդաց դպրոցի աշակերտուհի էր: Երևում էր, որ նա շատ լաւ է պարում, որովհետև այդ ժամանակ բազմութիւնը աւելի ոգևորուած էր ծափահարում և աւելի աղմակալից ցոյցեր անում նրա հասցէին: Ըստ երևոյթին այդ խեղճ աղջիկն էլ ինձ նման անփորձ էր, որովհետև հանդիսականների ոգևորութիւնը կարմրայնում էր նրան: Հաղիւ թէ վերջացնելով պարը, երբ օրիորդն ուզում էր դուրս գալ հրապարակից, ընկերս կանչեց նրան: Ես շատ լաւ նկատեցի, որ օրիորդը ահա՛ ճութեամբ եկաւ:

— Խնդրեմ ծանօթանաք, սոսայ նա ինձ դառնալով. — քեռաղջիկս է՝ Եփիմէն, X-եան օրիորդաց դպրոցի ջանասէր աշակերտուհիներից մէկը:

Դրութիւնս աւելի կրիտիքական դարձաւ. հարիւրաւոր աչքեր մեր վրայ էին սկեռած: Չգիտեմ նայողները նկատեցին, բայց ես զգում էի, որ մինչև ականջներս կարմրել եմ: Մի տե-

սակ այրող քրտինքով ողողուեցի ես, գլուխս կարծես բոցերի մէջ տապալուելիս լինէր: Այնուամենայնիւ ինքս ինձ տիրապետելով վեր ելայ և քաղաքավարութեան օրէնքը լուծած շինելու համար, մեծ անխտահարութեամբ բռնեցի նրա ձեռքը...

Օհ, այդ ձեռքը, այդ ըոպէն...

Խոստովանում եմ, որ դա կեանքիս ամենանշանաւոր ըոպէներից մէկն էր, որ երբէք մոռանալ չեմ կարող: Այդ առաջին անգամն էր, որ ես զգում էի մի օտար աղջկայ այնքան մօտաւորութիւնը, զգում էի նրա շնչի ջերմութիւնը, խօսում էի նրա հետ, բռնելով ձիւնի նման սպիտակ և այնքան շնորհալի ձեռքը: Յիշում եմ, այս ըոպէիս էլ յիշում եմ, որ երբ մեր ձեռքերը հպուեցին միմեանց, մի անսովոր, ինձ համար անհասկանալի սարսուռ անցաւ ամբողջ մարմնովս. աչքերս մշուշակալեցին, գլուխս կամացաւ դարձաւ և կուրծքս զարկեց ամենայն արագութեամբ: Մի վայրկեան ինձ այնպէս թւաց թէ ձեռքիս մէջ է դանվում էլէքտրական տարրի դրանները և թէ նրա դօրեկ հոսանքն է, վազում երակներիս միջով:

— Ես ձեզ ճանաչում եմ, սոսայ օրիորդը նոյնպէս շփոթուելով. — ձեզ մի քանի անգամ տեսել եմ մեր դպրոցում:

— Այն մի քանի անգամ եղել եմ ձեր դպրոցում, պատասխանեցի ես կարելոյն չափ տիրապետելով ինձ:

— Իսկ դուք ինձ չէք ճանաչում, հարցրեց անփորձ աղջկայ միամտութեամբ:

— Տարբազգաբար, ո՛չ. ձեր դպրոցում այնքան շատ օրիորդներ կան, որ ամենքին յիշել ու ճանաչել շատ դժուար է:

— Իսկ մեր աշակերտուհիները բոլորն էլ ձեզ ճանաչում են, գիտեն ձեր անունը...

— Չառ կարելի է, օրիորդ, որովհետև շատերը միաժամանակ կարող են մէկին ճանաչել, իսկ այդ մէկը շատերին միանգամայն ճանաչել չի կարող:

— Դա շատ ընտանի է, մէջ մտաւ ընկերս՝ օրիորդի մօրեղբայրը և կատակով Նկատեց — ա՛յ, օրինակ, այստեղ կանգնած

բոլոր երիտասարդներն էլ քեզ անպատճառ ճանաչում են, այն-
ինչ դու ոչ մէկին չես ճանաչում:

— Ինձ վրոյթ չէ՞ թէ նրանք ճանաչում են... ես նրանցով
չեմ հետաքրքրւում, պատասխանեց օր. Եփիմէն և կրկին ձեռքս
սեղմելով, հեռացաւ մեղինից:

— Հը, ինչպէս է քեռողջիկս, հարցրեց ընկերս ականջիս
Թեքուելով:

Ես ոչինչ չպատասխանեցի և տեսնելով որ գլխիս պտոյտն
ու սրտիս թըրթըրոցը չնն դադարում, դուրս ելայ կանանց բաժ-
նից: Սակայն այդ էլ շօգնեց: Թէ ինչպէս կատարուեց պսակի
խորհուրդը, ինչպէս վերջացաւ հարսանեաց հանդէսը և՛ ինչպէս
տուն եկայ—այդ բոլորը կատարուեց մի տեսակ մթութեան մէջ,
աննկատելի: Այդ օրից սկսած նոյնրան աննկատելի էին անց-
նում և օրերն ու շաբաթները: Կարծես օրերը կիտով չափ կար-
ճացել էին: Մեր տանը՝ ընտանիքով, իսկ խանութում յաճախորդ-
ներով շրջապատուած, այնուամենայնիւ միշտ ինքս ինձ միայ-
նակ էի զգում. ամեն ինչ աժդոյն, ամեն բան դատարկ ու ան-
խորհուրդ էին երևում: Չը կար մի բան, որ գրաւէր ինձ, որ
գրադեցնէր: Ես այնպէս էի կարծում, թէ մէջս յայտնուած այդ
յեղաշրջումը միայն ես եմ զգում և ինձնից բացի ոչ ոք չի
տեսնում: Բաց դուրս եկաւ, սր սխալում եմ, որ կան աչքեր,
որոնք վաղուց արդէն թափանցել են իմ ներսը, իմ հոգեկան այդ
անբնական դրութեան մէջ:

— Ի՞նչ է պատահել քեզ, խօսիւանդ շե՛ս,—մի օր հարց-
րեց մայրս:

— Ո՛չ... միտք էլ չունիմ հիւանդ լինելու, պատասխանեցի:
Մայրս շհաւատաց. ես տեսայ որ իւր սուր նայուածքով
ուզում է մինչև սրտիս խորքը թափանցել՝ ճշմարիտ պատասխան
գտնելու մտքով:

— Ոչինչ չեմ հասկանում, ասաց նա ուսերքը վեր քաշե-
լով,—ուրեմն մի ուրիշ գաղանիք կայ, որ թագցնում ես մեղինից:

— Ոչ մի գաղանիք չկայ և զարմացնում է ինձ այն, թէ
սեփոյց ես անում այդ ենթադրութիւնները:

— Ո՞րտեղից... կանգնիր հայելու առջև և նայիր ինքդ
քեզ ու տես՝ ինչի՞ նման ես... միշտ սեղմուած յօնքերով ու
շրթունքներով, միշտ լուռ ու մտախոհ... Որքան կուզես խաբէր,
այնուամենայնիւ դէմքդ ու վարմունքդ մատնում են քեզ...

Չնայելով, որ ես երկար-բարակ սկսեցի համոզել մօրս,
թէ ոչինչ չկայ, թէ դա անհիմն կասկած է և այլն, այնուամե-
նայնիւ զգում էի, որ մայրս չի սխալում, որ ինչ-որ փոփո-
խութիւն է տեղի ունեցել իմ մէջ, որ ինչ-որ մի անծանօթ դա-
տարկութիւն է յայտնուել սրտիս մէջ, որ այդ դատարկ սիրտը
ձգտում է ուր-որ, ինչ-որ մի բանի պահանջ է զգում, բայց է
զդում:

Բայց ի՞նչ...

Ես պատրաստ էի մօրս խոստովանելու, որպէս արել էի
մինչև այդ օրը, պատրաստ էի պատմելու նրան ամեն բան, թէ
և լինէր ծանր գաղանիք: Սակայն ինչ ասէի, ինչպէս պատաս-
խանէի նրա վերջին հարցին, մի հարց, որ ինձ համար դեռ նոր,
անծանօթ էր, որ դեռ ինքս էլ որոշ ոչինչ չգիտէի, ես ինձ չէի
կարող բացատրել:

Չառ ծիծաղելի, միևնոյն ժամանակ չափազանց անհեթեթ
բան կը լինէր ասել մօրս թէ՛—Եփիմէի գէմքը գիշեր ու ցերեկ
աչքիս առջևն է, երևակայութիւնս միշտ նրա շուրջն է թափա-
ռում, միտքս նրանով է գրադուած և նրա ձեռքը, որ առաջին
ծանօթութեան զիչիրը բունեցի, միշտ ձեռքիս մէջ եմ զգում և թէ
ինձ ցնցում, տակնու վրայ է անում այն էլէքտրականութիւնը...

Անշուշտ ընդմիջելով շատախօսութիւնս մայրս պիտի հարց-
նէր, թէ ո՞վ է այդ աղջիկը, այդ Եփիմէն, այդ ինչ էլէքտրա-
կանութիւն է, ինչ լսնութ ու խելառ բան...—Այ, այն Եփիմէն,
որի հետ ծանօթացայ մի օր հարսանիքում...

Մայրս լսելով վերջին բառը, հարցական կերպով մի ըստէ

պիտի նայէր վրաս, որպէս սովոր էր նայել և ապա կուշտ ու կուռ ծիծաղելով պիտի ասէր.

— «Ո՛րդի, դու դեռ երեխայ ես, դեռ բերանիցդ կաթի հոտ է գալիս:

Այն, եթէ Եփիմէի մասին խօսք բանայի, տեղի պիտի ունենար այս բոլորը, որ շատ ծիծաղելի էի գտնում աւելի այն պատճառով, որ գոնէ ես մասամբ համոզուած չէի, թէ այս բոլորը առաջ է եկել Եփիմէի հետ հանդիպումից. թէ նա է մտել սիրտս, խանգարել հոգեկան խաղաղութիւնս, վրդովել հանդիստս...

Այս այսպէս լինելուց յետոյ, մի բան ինձ շատ լաւ յայտնի էր, թէ և մի անմեղ բան համարելով, ուշադրութիւն էլ չէի գարձնում: Օրինակ, ես միշտ առիթ էի որոնում Եփիմէին հանդիպելու, նրան նայելու: Գիտէի նոյնպէս, որ նրա մասին ինչ որ ստանաւորներ էի թխում, երբ ինքս ինձ զգում էի եօթներորդ երկնքում, Պառնասի գոբին և թէ նրան հանդիպած ժամանակ կրճքիս մէջ զգում էի կծկում, շանթ, արօփում և ապա գլխի թեթեւ պտոյտ, որպիտի բաներ զգացել էի ծանօթանալուս առաջին րոպէներում: Քայց դեռ չէր պատահել, որ ինքս ինձ հարց տուած լինէի, թէ ինչից են առաջ գալիս այս ամենը, որովհետեւ ինչպէս վերն ասացի, սրանք ինձ երևում էին շատ բնական բաներ, սրոնց մասին միտք յոգնեցնել անգամ չարժէր:

Հնա, մոռացայ ասել, որ մի շատ տարօրինակ ցանկութիւն էլ էր յայտնուել իմ մէջ.—այդ Եփիմէի հետ մի քանի խօսք փոխանակելու անմեղ փափակն էր: Ամեն առաւօտ դեռ տանից դուրս չելած, հաստատ կերպով վճռում էի, որ հանդիպած ժամանակ, որևէ պատրուակով խօսեմ հետը: Իհարկէ նախ գտնում էի այդ պատրուակը, ապա գիտցածս բոլոր բառերը խախտում, ընարում էի, հիւսում էի նրանցից ֆրագնիք, մտրիս մէջ կրկնութիւններ էի անում, սերտում էի մեծ ուշադրութեամբ: Եւ այդ բոլորն անում էի այն նպատակով, որ եթէ վիճակուի ինձ Եփիմէի հետ խօսել մի երկու բառ կամ առ առուկն մի երկու խօսք, որպէս զի այդ բառերը կամ խօսքերը լինեն շատ զեղե-

ցիկ, շատ քաղցր ու բուռն զգացմունքով լի. որոնք իրենց կարճութեամբ ու համառոտութեամբ հանդերձ կարողանային արտայայտել սրտիս բոլոր զգացմունքներն իրենց խոշորութեամբ ու լայնութեամբ:

Քայց՝ երբ տեսնում էի նրան դեռ հեռուից, ինձ տիրապետում էր սովորական պեկոծութիւնը և դէպի Եփիմէն փոխած ամեն մի քայլիս հետ, մէկը միւսի ետևից ցնդում էին այնքան խնամքով ընտրած ու սերտած բառերը: Ու զգում էի, որ անկարող եմ խօսել, որ՝ կարծես՝ խօսելու ընդունակութիւնից զուրկ եմ:

Ինչո՞ւ եմ այդպէս լինում—ահն, այս հարցի մասին ես յաճախ ժամերով մտածել եմ, բայց բուն պատճառը գտնել չեմ կարողացել:

Մի առաւօտ փողոց գնալիս ինձ ընկերացաւ Աւարեանը: Ճիշտն ասած, այդ ընկերութիւնը ամենևին ցանկալի չէր ինձ: Ես ամենևին չէի ուզում, որ որևէ մէկը գիտնայ. թէ ես Եփիմէի հետ ծանօթ եմ: Այդ ծանօթութեան մէջ ոչ մի յանցանք չէի գտնում, բայց և այնպէս, ինձ համար անհասկանալի պատճառով, ուղում էի, որ ծածուկ մնար: Ու վճռեցի, որ եթէ հանդիպէ Եփիմէն, անցնեմ, չտեսած ձևանալով: Քայց կհաւատմք, եթէ ասեմ, որ այդ չնչին վճիռս կատարելու չափ բաշտութիւն չունեցայ:

Գուցէ դուք ծիծաղում էք վրաս և ինձ անուանում էք՝ ո՞վ գիտէ ինչ ու ինչացու. սակայն թողէք վերջացնեմ, ապա ինչ անուն կուղէք տուէք:

Ահն նա գալիս է ընկերուհու հետ զրոյց անելով, ժպտում է իրր թէ ընկերուհուն, բայց աչքի տակով նայում է ինձ: Ես էլ գնում եմ. վճիռս կատարելու համար, մի հարց եմ մէջտեղ բերել ու Աւարեանի հետ տաք-տաք վճռում եմ: Որքան մօտենում եմ, այնքան ես արագ եմ խօսում, բայց նոյնքան խօսքերս անկապ են դառնում: Ո՛ւ հակառակ իմ կամքի, հակառակ գործըրած բոլոր ճիգերիս, անգիտակցաբար աչքերս դառնում են նրա

կողմը և ներսից մի բան առում է «գլուխ իջիցուր»։ Եւ գլուխ ապալով բարեւում եմ։

— Օհօ, ինչ սիրուն պատառ է, սրտեղից ծանօթացար այս «բանկի բիլէտ»-ի հետ, հարցրեց նա շարածճի տոնով և մի քանի անգամ յետ նայեց դէպի Եփիմէն։

— Մի հարսանիքում եմ ծանօթացել, պատասխանեցի ինքս ինձ դէմ դժգոհ եղանակով։

— Բաղտաւոր մարդ ես... սրա հետ ծանօթանալու համար ինչ ասես չէի տալ... բայց գիտես, սրան շուտ կտանեն, մեր քաղաքի նշանաւոր երիտասարդներից շատերը աչք ունեն վրան։

Այս խօսքերը լսելիս սրտիս վրայ մի սուր հարուած զգացի. այնուամենայնիւ չմտանուելու մտքով նկատեցի.

— Է՛հ, ինձ ինչ որ կտանեն... աղջիկ չէ, երբեք մէկին պիտի գնայ։

Այդ այդպէս է, բայց եկ անկեղծ խօսեմք, ես ուրիշ բան եմ լսել։

— Ի՞նչ...

— Ատում են, որ դու նոյնպէս մտադիր ես ուզելու...

— Ե՞ս...

— Այո՛... այդ ես վաղուց էի լսել և այս օր դիպուածով ստուգեցի... շնորհաւորում եմ։

— Թ՛ող կատակներդ՝ ի սէր Աստուծոյ։

— Կատակ... ասածս կատակ չէ, թէ և ուզում ես թագցնել։

— Ես ոչինչ չեմ թագցնում և հաւատացնում եմ, որ իմ գլխով մի այդպիսի միտք երբէք չի անցել։

Վերջին խօսքը որ ասացի, անկեղծ խօսքս էր. սէր, ամուսնութիւն—սրանք ինձ անծանօթ բաներ էին. այս մասին ես երբէք չէի մտածել։ Եւ ինչպէս կարող էի մտածել, ինչ պատճառով։ Այն ուժը, որ ձգում էր ինձ դէպի Եփիմէն, այն անծանօթ զգացումը, որ ցնցում էր սիրտս ու հօգիս միթէ սիրոյ հետևանք էր կամ սէր։

Թէկուզ շատ կապը կտրածների, ժամանակից առաջ կեան-

քի բոլոր չարն ու բարին ճաշակածների, հազար ու մի թոկից փախած ու բովից թուածների ծիծաղն էլ շարժելու լինեմ, այնուամենայնիւ այս էլ պիտի խոստովանեմ, որ մինչև այդ օրը մի այդպիսի սիրոյ մասին հաստատ զազաւար չունէի։ Ա՛խ ներողութիւն, միտքս սխալ գուրս եկաւ։ Ուզում էի ասել, որ վիտէի սիրոյ մեծութիւն ու բարձրութիւնը, գիտէի նրա սրբութիւնն ու վսեմութիւնը, թերևս աւելի լաւ և խորին կերպով, քան վերը յիշածս կապը կարածները, որոնք ծիծաղում են խօսքերիս վրայ։ Գիտէի՝ թէ ինչպէս պէտքէ սիրել աղք ու հայրենիքը, ծնող ու զգգալաններին, ընկեր ու ծանօթներին... Չէ որ ես արդէն սրանց սիրում էի։ Սիրում էի նոյնպէս մեր ձիւնի նման սպիտակ, բայց շար կատուին, որի մասին մայրս ասում էր, որ կանանց սեռից է... սիրում էի մեր խելօք ու հաւատարիմ շանը, որը մի օր սխալմամբ ոտքս խածած լինելու համար, մի քանի շաբաթ վշտից հիւանդ մնաց. սիրում էի նաև այն բոլոր ծառերը, որ իմ ձեռքովս էի անկել... Այս բոլորից յետոյ գիտէի նոյնպէս, սր կայ նաև ամուսնական սէր, որ աղջիկներին էլ պէտքէ սիրել... բայց թէ ինչպէս պէտքէր սիրել սրանց կամ միթէ իմ մէջ գոյութիւն ունեցող այն անծանօթ զգացումը, որի անունը դեռ ինձ անյայտ էր, սէր էր—այդ ես չգիտէի, թէ և աշխարհը ծիծաղի վրաս։

Գ.

Մօրս և Աւաղանի արած միանման նկատողութիւնները բերին ինձ այն համոզման, որ կեանքիս արտաքին երևոյթների մէջ կային այնպիսի նշաններ, այնպիսի փոփոխութիւններ, որոնք թէ և ինձ զգալի չէին, բայց ուրիշների աչքին էին զարկում։ Ինձ ասում էին, թէ գունատուել, նիհարել եմ, թէ զարձեւ եմ մտատուր, թէ կարծես մի բան եմ կորցրել ու շարունակ որոնում եմ, թէ... և այլ հազար ու մի նկատողութիւններ։ Սրանցից և ոչ մէկն էլ չէի զգում, չէի նկա-

տում: Բայց ինձնից ծածուկ չէր, որ մի տեսակ ծանրութիւն, լրջութիւն էր եկել վրաս, չէի սիրում շատ խնդալ, անշահ գրոյցները ինձ ձանձրացնում էին, խոյս էի ապիս հանդիպումներից և սիրում էի ինքս իմ մէջ կղզիանալ: Գիտէի նոյնպէս, որ սրա պատճառը Եփիմէի սիրուն պատկերն էր իւր կախարդական ժպիտով և աղատ կերպով իրար չհամնող շրթունքով, որոնց մէջտեղից՝ շարուած մարգարիտների նման, երևում էին նրա ակռաները: Եւ ամենին փորձ չէի անում այդ քաղցրիկ պատկերը ինձնից վանելու, բնդհակառակը ուղում էի, որ նա գիշեր ու ցիւրեկ առաջն ևս կանգնած լինի, ու միշտ զբաղեցնի սիրաս, միտքս ու հոգիս:

Բայց պէտքէ ասեմ, որ այդ ինձ զբաւող չընաղ պատկերն ամենին չէր խանդարում: Լինում էին բօպէսներ և այն՝ շատ յաճախ, որ նրանով զբաղուած, շուրջս այլևս ոչինչ չէի տեսնում, ոչինչ չէի լսում, բայց ձեռքերս գործում էին աւելի արագ և աւելի զեղեցիկ և ինձ թուում էր թէ ուղեգիտ վրայից բարձրացել է իրերը ծածկող սև քողը և գործում է աւելի աղատ ու համարձակ կերպով:

Այդ ժամանակ թէև ես դեռ աշակերտ էի, բայց արդէն թափանցել էի արհեստի գաղտնիքի մէջ և կատարելապէս տիրապետում էի նրան: Իհարկէ ես չէի մոռացել մօրս քաջալերական խօսքերը, բայց այժմ ես այդ խօսքերն ուրիշ տեսակ էի հասկանում. նրանք արդէն տեղի էին տուել ինչ-որ մի բոլորովին տարբեր գաղափարի: Օրինակ. ես սկսել էի հաւատալ ինչ-որ մի վերին, իմ մտքին անըմբռնելի ուժի, որ թէ է տալիս մարդուն, որ աշխատասիրի զլիսի վերև կանգնած, օգնում, դիւրացնում է նրա ամենազժուարիին գործերը, խորտակում է արգելքներն ու խոշնգոսաները և դուրս է բերում փայլուն յաղթանակով:

Թէ ի՞նչ անուն պէտք էր տալ այդ մեծ, այդ աստուածային ուժին — ես չգիտէի, և միտք էլ չէի յոգնեցնում իմանալու. բա-

ւական էր, որ նրա ներկայութիւնն զգում էի ինձ մօտ և նրան հաւատում էի խորին և անթերի հաւատքով:

Ճիշտ տեղն է և աւելորդ չեմ համարում առաջ բերել մի փաստ աղացուցանելու յիշածս անծանօթ ուժի մեծութիւնը, մանաւանդ որ նա շատ ու քիչ կապ ունի Եփիմէի հետ,

Մայիսի վերջերքումն էր: Մ-եան օրիորդաց դպրոցի տեսուչը ընտանեկան ճաշ ունէր, ուր հրաւիրուած էի և ես: Ի միջի այլոց խօսակցութեան նիւթը դարձաւ իգական սեռի նպատակայարմար կրթութեան խնդրին, այսինքն որ դպրոցը չբաւականանար հասարակութեան կրթուած պաճուճապատանքներ միայն տալով, այլ տար լաւ մայրեր, խելացի, տնտես ու խնայող կիներ... Որքան լիջում եմ, խօսք եղաւ նաև մի դասարան ևս աւելացնելու մասին, որ տեսչի ամենամեծ փափակներից մէկն էր:

Հայր տեսուչը, որ բաւական լաւ տրամադրութեան տակ էր (ասեմք վատ արամագրութեան տակ նրան երբէք չէի տեսել), բնդհանուր խօսակցութիւնն ընդմեջելով, դարձաւ ինձ:

— Իսկ դուք այս տարի մի տարբեր բան պիտի նուիրէք դպրոցիս:

— Ի՞նչ բան, հայր, հարցրի:

— Ձեր ձեռքով փորագրած մի կնիք:

— Ամենայն ուրախութեամբ...

— Պայմանով, որ կնիքի մէջտեղում փորագրուած լինի

X... կուսի պատկերը:

— Խոստանում եմ, եթէ X... կուսի պատկերը կարողանաք ձեռք բերել ինձ համար:

— Այդ հեշտ է, դպրոցս նրա մեծաղիւր պատկերն ունի և վաղն և եթ կուղարկեմ ձեզ:

Միւս օրը տեսչի ծառան ինձ մօտ բերեց խոստացած պատկերը, իսկ ես անմիջապէս սկսեցի հարկաւոր նիւթերը պատրաստել:

Սովորական կնիքներ ես շատ էի փորագրել և դրա մէջ

բաւական լաւ անուն էի վստատակել, միայն ինձ երբէք չէր պատահել մարդկային պատկեր, կերպարանք փորագրել: Եւ չէր պատահել նրա համար, որ այդ արհեստը մեղանում, որպէս մի նահապետական յետընկած քաղաքում, ամենեին գոյութիւն չունէր և չկար մէկը, որ նրա փորագրութեան ձևի մասին շատ ուրիշ հասկացողութիւն ունենար:

Ես նոյնպէս չգիտէի, ես էլ հասկացողութիւն չունէի, թէ և առանց դժուարութիւնը նախատեսելու յանձն առայ:

Յիշեալ պատկերը, որ կէս քառակուսի մետրից աւելի մեծութիւն ունէր, մէկ և կէս քառակուսի հարիւրամիտր փորքութեամբ մետաղի վրայ մեծ խնամքով ու ճշտութեամբ ընդօրինակելուց յետոյ, ձեռքս առայ գործիքները: Բայց հաղիւ թէ սկսել էի, երբ դժուարութիւնը՝ իւր ամբողջ մեծութեամբ, որպէս մի ծաղրող, հեզնող ուրուական, կանգնեց առջևս: Ես ողում էի փորագրել աչք, ականջ, քիթ...—նրանք, հակառակ բոլոր ջանքերիս ոչ աչքի, ոչ քիթի և ոչ ականջի էին նմանում:

Այդ ժամանակ միայն զգացի, որ ուժերիցս շատ վեր գործի եմ ձեռնարկել: Բուպէական յուսահատութիւնը պաշարեց ինձ, ճակատս ողողուեց այրող քրտինքով և գործիքները սողալով ցած ընկան ձեռքիցս: Արհեստակիցներիցս մի քանիսը և այն՝ անուն ունեցող ու փորձուած ձերուհիները, որոնք հենց սկզբից իրենց զարմանքն էին յայանել մի այդքան յանդուգն գործի ձեռնարկելու մասին,—առաջին անյաջողութիւնս տեսնելով, սկսեցին դանդաղան ծաղրական կծու խօսքեր ուղղել հոսոցէիս:

Եթէ այդ կնիքը մի հասարակ յաճախորդի լինէր, ուրախութեամբ կ'վերադարձնէի տիրոջը, գրպանիցս խօշոր տուգանք ևս տալով: Բայց դժբաղդարար նա հասարակ յաճախորդի չէր, նա X-եան օրիորդաց զպրօցիներն էր, այն գալոցիներ, ուր սովորում էր Եփիմէն: Իմ սոյն անյաջողութեամբ ևս նոյն իսկ տեսչից չէի ամաչում, ոչ էլ ամաչում էի ինձ ծաղրող վարպետներից—այլ ամաչում էի միմիայն Եփիմէից: Ի՞նչ կատեր նա, երբ լսէր՝ թէ խոստացած կնիքը չեմ կարողացել փորագրել, ինչպէս

պիտի ցած ընկնէի նրա աչքում գրաւածս դիրքից, պիտի հաւատարութի հողի հետ կամ ինչպէս նա այնուհետև այլևս արժան չպէտք է համարել երեսիս անգամ նայելու...

Ահա այս միտքն էր որ աւելի էր տանջում ինձ:

Բայց յոյսս բոլորովին չէի կորցրել. դեռ յամառութեամբ մտածում էի, թէ ի՞նչ էլ որ լինի, գործը գլուխ պիտի հանեմ, միմիայն նրա—Եփիմէի առաջ պարզ երես դուրս դալու համար:

— Սպասեցէք, դեռ սա մի հասարակ փորձ է... անպատճառ պիտի փորագրեմ, հաստատուն չեշտով ասացի ծաղրող վարպետներին:

— «Թթու թան չի, ամեն մարդի բան չի», ասաց ինքը իւր վրայ մեծ համարում ունեցող վարպետներից մէկը:

— Մարդս ոտքը վերմակի չափ պիտի մեկնի, նկատեց երկրորդը, որ մի առանձին պարծանքով պնդում էր թէ նարէկը տասնու մէկ անգամ կարգացել է, տասներկուերրորդն էլ նոր է սկսել:

— Ուժից վեր ծանր բեռ վերցնողը, նոյն բեռան տակ կըմնայ, աւելացրեց երրորդը, որի մականունը Խիկար իմաստուն էր:

— Գորան էլ փորձեց եղանը հաւասարուել, բայց անզնուտեղը պայթեց. վրաբերեց չորրորդը, որ պարծենում էր թէ Սաղմոսի անայք, եօթը տունը ինքը անգիր գիտէ և ճիշտ որ գիտէր:

— Այդ բոլորը լաւ, հաղիւ խօսք աւանդով, ասացի ես.— բայց իմացէք, որ այս պատկերը մարդու ձեռքով է շինուած և մենք՝ ես, դուք, միւսները պատճառ չունենք կարծելու, թէ մենք չենք կարող չինել...

— Այո, մարդու ձեռքով, բայց մեծ-գլուխ մարդու և ոչ քո նման մարդու և ոչ զպրօցի աշակերտի, հեզնութեամբ պատասխանեց առաջին վարպետը:

— Լաւ ուրեմն, մի քիչ սպասեցէք, շատ չէ՛ մինչև վաղը և ես ձեզ կ'ապացուցանեմ, որ սխալուած էք և դրա համար էլ ուրախ պոչի նման ոչ երկարում, ոչ կարճանում էք:

Իմ այս խօսքի վրայ վարպետները մի լաւ ծիծաղեցին և էլի մի քանի սրախօսութիւններ անելուց յետոյ հեռացան:

Քայց իմ վերջին խօսքը լոկ խօսք չէր, ես այն ասացի խորին հաւատքով, աւելի մեծ հաւատքով, քան մանանխի հատիկը, որի շափ հաւատք ունեցողը, ըստ Փրկչի, կարող է լեռները տեղից շարժել:

Այդ օրը ես ոչինչ չարի, բաւականացայ միայն միջոցների մասին մտածելով, իսկ գիշերը մի տեսակ վերապաց վիճակի մէջ էի: Անկողնում պարկած, աչքերս խուփ՝ մարմինս հանգում էր խաղաղ քնով, բայց ուղեղս, միտքս արթուն էր: Նա գործում էր, անընական եւանդով ու ուժով, գործում էր տենդային արագութեամբ, մէկը միւսի ետեից փորձեր էր կատարում, մինչև որ հասաւ իւր նպատակին: Երագում կնիքը շինել էի և որքան լաւ, որքան գեղեցիկ: Ուրախութիւնից զարթնեցի և տեսայ, որ՝ իբրև՝ այն ձեռք որով շինել էի երազի մէջ, մի շատ գործնական ձև էր: Էլ քունս չտարաւ. արագողները իրար ետեից երգում էին իրենց ծուղորդուն, քիչ յետոյ լսեցի հեռուից անցնող կարաւանի զանգակների ու բոժոժանների աններդաշնակ աղմուկը, որ խանգարում էր գիշերային լռութիւնը: Ապա արևելեան երկինքը կամաց կամաց կաթնագունեց. խաւարը սկսեց աստիճանաբար խոյս տալ և աստղերի լոյսը պակասել: Արշալոյս էր: Քնութիւնը զարթնած սպասում էր վաղորդեան արևի առաջին ճառագայթի կենսատու համբոյրին: Հազարաւոր թռչնիկների զոհարանական միզեցիկ հետ երկրի վրայ սփռուեց և՛ արևի օսկեգոյն լոյսը: Վերջապէս ծագեց արևը, որին այնքան անհամբեր սպասում էի և ծագեց ինձ համար միայն: Էլ չգիտեմ, թէ ի՞նչպէս վեր ելայ, լուացուեցի ու հագուելով, վազուուի արհեստանոց, միայն գիտեմ, որ մի երկու ժամ շանցած՝ արդէն պատրաստ էր:

Վարպետները, որ եկել էին իրենց սրախօսութիւնները կրկնելու, չէին հաւատում իրենց աչքերին: Նրանք նայում էին ինձ, նայում միմեանց և ուսները վեր քաշում:

Այժմ համոզուեցիք, որ մարդու ձեռքով շինած գործից չպէտք է վախենալ՝ ասացի ես:

Նրանք խօսքիս չպատասխանեցին, այլ գլխիկոր հեռացան, կարծես դրանով մի մեծ դժբաղդութիւն էր պատահել իրենց:

Քայց կնիքի պատմութիւնը սրանով չվերջացաւ:

Դպրոցի վկայականների բաշխման հանդէսին, որին ներկայ էին բացի աշակերտուհուների ծնողներից ու հոգաբարձութիւնից նաև քաղաքի ինտելիգէնտ դասից պատուաւոր հիւրեր, — տեսուչը իւր գործունէութեան համառոտ հաշիւը ներկայացրեց, կցելով նրան մի շարք նուիրատուների անուններ:

Ապա յարեց.

— Այս բոլորից յետոյ, դպրոցս ստացել է և այս թանկագին նուէրը...

Ես շատ վերաւորուեցի, երբ «թանկագին» բառից յետոյ, սեղանի վրայ դրեց յիշեալ կնիքը: Ինձ այնպէս թւաց թէ թանկագին բասը նա ծագրի համար արտասանեց:

Քայց՝ չնայելով դէպի ձեռագործս ունեցած թերահաւատութեան, այնուամենայնիւ մի վայրկեանում ձեռքէ ձեռք անցաւ և մեծ հիացում առաջ բերեց: Ու սկսուեց կարծիքների փոխանակութիւն. մէկը ասում էր թէ՛ Քիֆլիսից կլինի ստացուած, միւսը՝ թէ Մոսկուայից, երրորդը պնդում էր, որ Հայր տեսուչը անպատճառ բերել տուած կլինի արտասահմանից և այլ հազար ու մի ենթադրութիւններ, որոնք ինձ խիստ տարօրինակ էին թւում:

— Եւ ոչ մէկիդ մտքով չանցաւ, պարոններ, թէ կարող է այստեղի գործ լինել. — ինքնազոհ ժպիտով նկատեց տեսուչը:

— Այստեղի գործ... կատակ էք անում, — համարեա միանգամից ասացին ամենքը:

— Այո՛, այստեղի և եթէ հաճելի է ձեզ, կը ներկայացնեմ սրա փորագրողին և նուիրողին:

Ես իսկոյն կփախչէի այնտեղից, եթէ հնար լինէր:

— Ո՞վ է, հայր, խնդրենք, հետաքրքրուեցան նրանք, լա-
բելով նաև ամբողջ հանդիսականների հետաքրքրութիւնը:

Տեսուչը մի քանի քայլ անելով, բռնեց ձեռքիցս և հան-
դիսաւոր ձայնով ասաց:

— Ահա, փորագրողը, պարոններ, որին ձեզ ներկայացնելն
ինձ պատիւ եմ համարում:

Հանդիսականների մէջ մի տեսակ խուլ իրարանցում ընկաւ,
ամենքն էլ ուզում էին տեսնել ինձ և լաւ տեսնել, շնայելով նրան-
ցից մեծ մասն ինձ ճանաչում էր:

Աւելորդ եմ համարում կանգ առնել այն ջերմ զգացումնե-
րի վրայ, որ արայայտուեցին հանդիսականները ձեռքս սեղմե-
լով, երբ չգիտեմ սաստիկ ուրախութիւնից, թէ ամօթից, փոք-
րիկ աղջկայ նման մինչև ականջներս կարմրել էի: Բայց լաւ
յիշում եմ, որ երբ շուայ գովասանքների ու քաջալերութիւնների
տարափից գլուխս ազատած՝ վերադառնում էի տեղս, աչքս
ընկաւ Եփիմէին: Նրա առասելի բաւականութեամբ փայլող դէմ-
քը կարծես պատկերացումն էր իմ ներքին բաւականութեան և
արտայայտում էր նրա անսահման ուրախութիւնը:

Ընկերուհիների մէջտեղ կանգնած էր նա այնքան վեհ,
այնքան հպարտ գիւրքով, կարծես ինքը օրուայ հանդիսի թա-
գուհին լինէր:

Եւ քանզցը, շատ քաղցր ժպիտը չրթունքին, նոյնքան բաղք
ու անոյշ նայուածքով նայում էր ինձ ու կարծես ասում էր...
ես էլ ուրախ եմ ու գոհ, ես էլ շնորհաւորում եմ այսօրուայ
յաղթանակդ...

— Սիրում է ինձ արդեօք...

Առաջին անգամն էր, որ այս հարցը տալիս էի ինձ:

Դ.

Թատրոնի մասին խօսքս ընդհատեցի վերը: Այդ իհարկէ
առանց պատճառի չէր:

X-եան օրիորդաց դպրոցի դահլիճը, որ ըստ հարկին բե-
մի էր վերածում,— շատ փոքր էր: Բացի այդ պակասում էին
նաև յարմար դեկորացիաներ և այլ անհրաժեշտ պիտոյքներ,
որոնք հարկաւոր էին շատ ու քիչ կանոնաւոր ներկայացումներ
տալու համար: Եւ որովհետև ժողովուրդն էլ սկսել էր համակրան-
քով վերաբերուել դէպի թատրոնը, այլևս նրան «հայերէն օյին
բաղութիւն» անունը չէր տալիս, այստեղից ինքնըստիւնքեան
պահանջ էր առաջ դալիս բեմը ընդարձակելու և դեկորացիաներ,
զգեստներ և այլ կարասիք ունենալու:

Օգոստոս ամսի սկզբներում այս բոլոր պատրաստ լինելով,
սիրողների մի նոր խումբ կազմակերպուեց, գլխաւորապէս ին-
տելիգէնտ և բեմական արուեստին ծանօթ երիտասարդներից:
Իհարկէ որպէս նախկին, նոյնպէս և այս խումբը յօգուտ դպրոցի
և ի սէր հասարակական կրթութեան ներկայացումներ տալով,
ոչ միայն որևէ անձնական շահ չուներ, այլ և շատ դէպքում
նիւթական զոհարերութիւններ էլ էր անում, չհաշուելով ժա-
մանակի կորուստը:

Այս խումբը նոյնպէս հրաւիրեց ինձ ներկայացումներին
մասնակցելու. և որովհետև արդէն բաւական ծանօթ էի բեմի
հետ և սիրում էի, ուստի խմբի առաջարկը ընդունեցի մեծ
հաճութեամբ:

Բայց նորակազմ խումբը հինց իւր առաջին քայլում խո-
շոր արգելքի հանդիպեց: Այն դերասանուհիները, որոնք առաջ
այնքան սիրով մասնակցել էին ներկայացումներին, առաջին
պատրաստական ժողովի օրը՝ կարծես խօսք մէկ արած, կարճ
նամակներով հրաժարում էին մասնակցել: Իհարկէ այս հրա-
ժարականներն առանց պատճառի չէին, թէև ինքնըստիւնքեան
շատ յիմար պատճառ էր: Սիրողների առաջին խմբի այն ան-
գամները, որոնք վերջին խմբի կողմից հրաւիրուած չէին, իրենց
վիրաւորուած զգալով, հենց այդ ձևով ուզեցել էին վրէժ լու-
ծել: Թէև յարգելի դերասանուհիները շատ լաւ էլ զգում էին,
որ իրենք անդիտակցաբար խաղալիք են դարձել մի քանիսի

ձեռքում, սակայն եղածն արդէն եղած էր և մինչև վերջն էլ իրենց հրաժարականները վրայ պնդեցին:

Գրութիւնը շատ լուրջ ու կրիտիքական էր: Մեր քաղաքում աւելի դիւրին էր հոյակապ թատրոն կառուցանելը, քան գերասանուհի դասնելը: Մի ժողովուրդ, որ երկար դարեր դրացիութիւն է ունեցել մահմետականների հետ և երկար զարեր էլ նրանց գերեշխանութեան տակ է գտնուել, իւրացնելով նրանց հարեմական կեանքի սովորութիւնները—այդ ժողովրդի մէջ գերասանուհի դասնելը դժուարագոյնից դժուարագոյնն էր: Եթէ մի կողմից հասարակութիւնը ծափահարում էր գերասանուհուն, երբ նա բեմի վրայ էր, բեմից ցած կեանքի մէջ նոյն հասարակութիւնը ամօթ էր համարում միևնոյն գերասանուհուն հանդիպել: Սա արդէն—գաղանիք չէր սիրողների լամբին: Բացի այդ եթէ գանուէին իսկ մի երկուսը, որ համաձայնէին բեմ ելնել, գրանով դժուարութիւնը չէր հարթում, որովհետև նրանք պէտք է, որ ձիրք էլ ունենային: Այս բանի մէջ խումբը չափազանց խտտապահանջ էր և նա աւելի լաւ էր համարում զպրոցը գրկել այդ կողմնակի օգուտից, քան պատահած անշնորքին բեմ դուրս բերելով, թատրոնը իւր բարձրութիւնից վայր գցել:

Այս դժուարին խնդիրը լուծելու համար խումբը տեսուչ հօր աջակցութիւնը խնդրեց: Եւ չզղջաց: Սա մի վերին աստիճանի եւանդոստ մարդ էր: Քահանայ լինելով հանդերձ, ունէր զարմանալի բնակարանութիւն: Նրա համար չկար ո՛չ արգելք, ո՛չ խոշորոտ: Անկարելին նրա բաւարարում չկար, չկար և յուսահատութիւն բառը: Թերևս զրա համար էլ անկարելին նրա համար միշտ կարելի էր դառնում:

Սա իհարկէ մենակ իմ կարծիքը չէ, այլ ամբողջ քաղաքի հասարակութեան: Տեսուչը մի քիչ տատանուեց, բայց՝ վերջապէս՝ դիճաւ աջակցել: Ու բանակցութեան մէջ մտաւ զպրոցի առաջադէմ աշակրեստուհիների ծնողների հետ, հերքեց նրանց

ընդդիմախօսութիւնները, կշտամբեց, նախատեց և էլ չզիտես ի՛նչ արեց, միայն յաջողեց կտորել նրանց յամառութիւնը...

Եւ առաջադէմ ու հասակաւոր օրիորդներից աւելի քան ութ հոգի մեր տրամադրութեան տակ դրուեցան:

Տեսչի ուրախութեանը չափ չկար, նախ այն պատճառով, որ զպրոցը չափի դրկուէր իւր օգուտից և երկրորդ՝ որ յաջողել էր հարեմական յախումների արմատը դուրս հանել ծնողների գլխից: Խումբն էլ ուրախ էր, որ հակառակորդների վրայ յաղթանակ տանելով, թարմ ոյժերով առաջ պիտի տանէր թատրոնի գործը:

Իսկ ե՞ս... Ես նոյնպէս ուրախ էի և իմ ուրախութիւնը չափ, սահման չունէր: Ես ուղղակի թիւ էի առել և թուում էր ինձ թէ այդ օրից սկսած հրաշքներ պիտի գործեմ բեմի վրայ: Եւ գիտէք ինչու... Որովհետև Եփիմէն մեր լամբի մէջ էր:

Մենք սկսեցինք ներկայացումները մեծ յաջողութեամբ: Հասարակութիւնն էլ կարծես ուզում էր յետ չմնալ, դահլիճը միշտ լիքն էր լինում ընտիր բաղմութեամբ և դեռ շատերն էլ, անկարող լինելով տոմսակ ձեռք բերել, դժգոհութեամբ հեռանում էին:

Թատրոնը, ինչպէս մի անգամ էլ ասել եմ, խլում էր ինձանից շատ թանկագին ժամեր, խլում էր քունս, հանգստութիւնս, այնուամենայնիւ ես՝ զո՛հ էի: Ոչ մի զրկանք, ոչ մի ծանր յոգնութիւն և ղոհարբութիւն չէր կարող գերակշռել այն քաղցր վարկեանների մեծ բաւակալութեան, որ վայելում էի ես Եփիմէի ներկայութեամբ: Չարունակ միմիանց հանդիպելով, միասին բեմ ելնելով այնքան սովորել էինք միմիանց, այնքան դրանք անհրաժեշտ պահանջ էին դարձել մեզ համար, որ ուրիշ կերպ ապրել կարող չէինք: Մի կամ երկու օր եթէ չէի տեսնում նրան, գժում էի, անհանգստութիւնը տանջում էր ինձ: Այլևս ինձ համար գաղտնիք չէր, որ սիրում էի նրան, սիրում էի շատ սուրբ ու անկեղծ և միևնոյն ժամանակ շատ բուռն սիրով:

— Արդեօք նա էլ սիրում է ինձ...

Այս հարցն այժմ շատ յաճախ էի կրկնում. դրանից կախուած էր իմ ամբողջ երջանկութիւնը, կեանքը: Ես ուզում էի, որ այդ սէրը փոխադարձ լինէր, որ մէկը լցնէր միւսին: Բայց ինչպէս իմանայի՜ Ես դեռ շատ անփորձ էի, փոքրիկ դէպքերից ու երևոյթիւններից խոշոր եզրակացութիւններ անելու անկարող, այնինչ Եփիմէն էլ մինչև այդ օրը դեռ մի այնպիսի առիթ չէր տուել:

Սակայն մի օր Եփիմէն մի միամիտ և ըստերևոյթին շատ անմեղ վարմունքով մասնեց իրեն:

Չգիտեմ երբորդ, թէ՛ շորբորդ ներկայացման համար ընտրեցին Պետրոս Դուրեանի «Սև հողեր» ողբերգութիւնը: Ռուս-թրքական պատերազմը դեռ նոր էր վերջացել, իսկ Բայազետում կոտորուած անմեղ հայերի արիւնն ու հառաչանքը դեռ չէին ցնդել Մասիսի մթնոլորտից: Սրանք յիշեցնում էին Լէնկ-Թէմուրի վայրենի արշաւանքը Հայաստանի վրայ և Սեբաստիայի կոտորածը: Մարդուս միտքը թափառում էր զարբերի անսահման տարածութեան մէջ, իսկ սիրտը յուզում էր, հողին՝ խռովում: Խումբը բարեհաճեց Վաղինակի դերն ինձ յաճնել, իսկ Նազնիկինը՝ Եփիմէին: Ի՞նչ գեղեցիկ ու խորհրդաւոր զուգադիպութիւն: Արդեօք խումբը դիմամբ էր այդպէս արել—ես չգիտէի:

Ուրեմն մենք պէտքէ ներկայացնէինք երկու դժբաղդ, հայրենասէր ամուսինների դերը: Ես յափշտակուած էի Դուրեանի հանճարով, սիրում էի Վաղինակին, այն դժբաղդ զօրապետին, որ իւր սիրելի հայրենիքին դո՛հել էր աչքերը, կնոջ և զաւակի երեսը յաւիտեանս չտեսնելու գատապարտուելով:

Այդ օրերում հանգամանքներն այնպէս գատաւորուեցին, որ՝ հտկառակ իմ կամքի, անկարող եղայ կրկնութիւններին կանոնաորապէս մասնակցելու: Ներկայացումը նշանակուած լինելով առաջիկայ կիրակի երեկոյեան ժամը իննիս, նոյն օրը առաւօտեան պէտքէ անդի ունենար ընդհանուր փորձ: Սակայն ներկայացմանը մի քանի օր մնացած, անսպասելի կերպով հրաւեր ստացայ Գէորդ Դ. Կաթողիկոսից և հրաւերը այնքան շտապօրական ու կարևոր էր, որ կարելի չէր յետաձգել: Գնացի Վա-

դարչապատ, խոստանալով նշանակուած օրը անպատճառ վերադառնալ: Այդ ժամանակ խուլ անկիւններից քարեր էին գլորւում Կաթողիկոսի հասցէին, բայց Կաթողիկոսութիւնը ինձ համար այնքան սուրբ և վեհ նշանակութիւն ունէր, որ ուրախութեամբ կը կատարէի նրա հրամանը նոյն իսկ այն դէպքում, եթէ բամբասանքները ճիշտ ևս լինէին:

Նշանակուած օրը, կիրակի, ինչպէս խոստացել էի, վաղարշապատից վերադառնալով, շտապեցի թատրոն: Վեհափառ Կաթողիկոսի հետ հաշիւներու շահաւոր կարգադրութիւնը մի կողմից, բոլոր տոմսակների վաճառուած լինելը միւս կողմից, ինձ լաւ տրամադրութեան էին բերել: Ասեմք վաղուց էր, որ տրամադրութիւնս ոչինչով չէր խանգարւում և զրա գաղտնիքը ես որոնում էի Եփիմէի մէջ: Այսպէս ուրախ ու զուարթ շտապեցի դէպի դահլիճը: Բայց հազիւ թէ մօտեցել էի, երբ նրա դռները բացուեցին և շեմքի վրայ երևաց Եփիմէն անսովոր ժպիտով, ուր փայլում էր խորին կարօտը:

— Եկա՞ք.— գանգակի նման հնչիւն և ուրախութիւնից թրթրացող ձայնով հարցրեց.— Իհարկէ, կրկնութիւններին չէք գալ, ձեր գործերը կտեսնէք, Կաթողիկոսին հիւր կգնաք, կզուարճանաք, ապա կըզարթաւորոն ճիշտ ներկայացման րոպէին, ձրի ծափահարութիւններ վոստակելու...

Ու մեկնեց ինձ իւր ձեռքը:

Ես սեղմեցի նրա ձեռքը մի առանձին խանդով և որպէս պատասխան իւր այնքան նկատողութիւնների, ասացի՝

— Եթէ յաջողի ինձ ծափահարութիւն ստանալ, իմացէք, որ այդ բանում ձեզ եմ պարտական, օրիորդ:

— Մի՛թէ... բայց թողնենք այդ՝ ձեր դերը սովորել էք, հարցրեց Եփիմէն լրջութեամբ:

— Յուսամ թէ յուշարարի պէտք չպիտի ունենամ:

— Այդ լաւ է, ճիշտն ասած, չէի սպասում, այդ պատճառով էլ ես ձեր դերն էլ գոց եմ արել, որպէս զի...

— Որպէս զի եթէ կանգ առնելու լինեմ, վրայ գցէք ու

ինձ ամօթով չթողնէք... Հասկանում եմ, յարգելի օրիորդ և շնորհակալ եմ ձեր մասնաւոր հոգացողութեան համար:

Ու երկու ձեռքով բռնեցի նրա ձեռքը, այն ձեռքը, որ միշտ էլէկտրականացնում էր ինձ, որտեղից անցնում էր երակներին մէջ այն քաղցր, այն հեշտալի սարսուռը, որ այնպէս յափշտակում, հմայում էր ինձ:

Ներկայացմանը վերաբերող մի քանի կարևոր խնդիրների մասին ես խօսելուց յետոյ, ներողութիւն խնդրեցի և մտայ հանդերձատունը: Այստեղ Յովհաննէսը մենակ սպասում էր ինձ: Դա հասակակից ընկերներիցս մէկն էր և միակ անձը որից ոչ մի բան չէի թագցնում, որպէս և ինքն ինձնից:

Նա շտապով ձեռքս բռնեց և առանց բաց թողնելու ու սովորական յառաջաբանի ասաց:

— Մի բան պէտք է հարցնեմ:

— Երկուսը հարցրու, արամադրութիւնս այնքան լաւ է, որ անտրտունջ կպատասխանեմ:

— Ես էլ հենց այդ լաւ արամադրութիւնիցդ ուզում եմ օգտուել, այլապէս գուցէ սպասէի:

— Չատ լաւ ժամանակ ես ընտրել, Իվան, հարցրու:

— Գիտես, որ Եփիմէն սիրում է քեզ:

Այդ հարցին ամենեւին չէի սպասում. ես չփոթուեցի և զգացի, որ կարմրում եմ: Ինձ պատմում էին սրտիս գաղտնիքը, մէկը այն նուիրական զաղանիքներից, որի մասին դեռ ոչ ոքի չէի պատմել: Մի րոպէ ես շուարած ձտածում էի թէ՛ Իվանը իրաւունք ունէ՞ր հարցնելու կամ այն մասին թէ՛ նա լաւ էր վարում թէ՛ վատ, հաճելի՞ էր ինձ այդ մասին լսել որիչից, թէ՛ ոչ: Մէկ թւում էր ինձ թէ՛ նա երեսօվս է խփում մի ծանր յանցանք, մէկ էլ թւում էր թէ՛ ինչ-որ հաճելի ու դիւթական բան է ասում. Վերջապէս ինքս ինձ տիրապետելով ասացի:

— Ես այդ չգիտեմ, Յովհաննէս:

Նա սեղմեց յօնքերը, ակնակապիճները հուպ տուեց մի բարակ գիծ միայն բաց թողնելով, կարծես տեսողութիւնը լարելու

և կենդրոնացնելու մտքով և այդպէս նայեց երեսիս մի քանի րոպէ: Ապա հարցրեց.

— Դու չես թագցնում:

— Ոչ'...

Նա վերստացաւ իւր նախկին կերպարանքը, ուսերը թեթե կերպով վեր քաշեց ու ինքն իրեն ասաց.

— Ոչինչ չեմ հասկանում:

Յետոյ դարձաւ ինձ:

— Գիտես, լուռ սիրահարութեան այդ կրիտիքական և միևնոյն ժամանակ խորհրդաւոր շրջանը ես անցրել եմ: Եթէ գողոնը գրպանում ունեցող մէկին յանկարծ հարցնես «գու գողացել ես» այնքան խնամքով չի թագցնի իւր գողութիւնը, որքան եթէ մեկին ասես «Դու սիրում ես» կամ «Քեզ սիրում են»: Այս փորձի վրայ հիմնելով, ես կասկածում եմ, թէ անկեղծ ես խօսում հետս:

— Եւ սխալում ես, Իվան, հաւատա, սխալում ես:

— Ուրեմն դու ոչինչ չես տեսնում, ոչինչ չես հասկանում, երեսայ ես:

— Ի՞նչպէս...

— Ուրեմն չնկատեցիր թէ ի՞նչպէս ձայնդ լսելուն պէս դռները բաց արեց առջևդ, ի՞նչպէս դիմաւորեց, յուզումից ի՞նչպէս դողում էր նրա ձայնը...

Յովհաննէսը իսկապէս սխալում էր, ընդհակառակը ես էլ նկատել էի այդ բոլորը, ես էլ տեսնում էի, որ ձեռքս սովորականից ամուր էր սեղմում, որ ձայնի մէջ հնչում էր քաղցր կարօտի նման մի բան... Սակայն ես չէի համարձակում եղբակացնելու, թէ դրանք հետևանք են նոյնպիսի բուռն սիրոյ, որքան սիրում էի ես նրան:

Ու առանց տատանուելու նկատեցի:

— Դատարկ ենթադրութիւններ են արածդ, Իվան:

Նա հեզնական կերպով ժպտաց ու ասաց:

— Անհող կաց. ես դատարկ ենթադրութիւն անողներից

չեմ. վաղուց լրտեսում եմ նրան. օրինակ քո բացակայութեան ժամանակ նա դժուածի պէս էր և միշտ կրկնում էր «Ախար չեկա» կամ հարցնում էր «Իսկ եթէ չգայ, ուշանայ որ և է պատճառով»... Ես շատ լաւ տեսնում էի, որ այդ բոլորէին այնքան շի հետաքրքրում նրան թատրոնը, որքան քո անձնաւորութիւնը: Գիտես այդ հասակի աղջիկները սէրը խենթութիւնից ոչինչով տարբեր չէ: Չատ դօրաւոր փաստեր ունէի՝ որ նա խենթի նման սիրում է քեզ, իսկ այսօր այլևս տարակոյս չմնաց:

Ես լուռ էի, լսում էի նրան և այնքան հաճելի էին ինձ նրա խօսքերը, որ ուզում էի, որ միշտ խօսի:

Յովհաննէսը բոլորակամ լուրթիւնից յետոյ, աւելի մեղմ ձայնով աւելացրեց:

— Սա միայն իմ կարծիք չի, այլ ամբողջ խմբի:

— Ամբողջ խմբի... ասել է թէ ես այլևս այստեղ ոտք չդնեմ:

— Հա՛, գիտեմ ինչ ես ուզում ասել. բայց անհոգ կաց, խումբը ոչ միայն շատ բանական է համարում, այլև ուրախ է: Բացի այդ, ինչ յանցանք կայ այդ բանի մէջ, ինչ կապ կայ ձեր սիրոյ և թատրոնի մէջ:

— Այն, որ օրիորդների ծնողները դժուարութեամբ թոյլ կտան աղջիկներին մասնակցելու և ո՞վ գիտէ ինչ բամբասանքները նիւթ դարձնեն:

— Թօղնենք այդ, այժմ ինձ ասա, դու էլ սիրում ես Եփիմէին:

— Ահա՛, այդ հարցին կարող եմ դրական պատասխան տալ, այն, ես սիրում եմ և վաղուց է, որ սիրում եմ, միայն մինչև այս վարկեանս էլ չգիտեմ, թէ նա էլ սիրում է ինձ: Թովմաս առաքեալի բնաւորութիւնն ունեմ. իրաւ լսում եմ քեզ, հաւատում եմ, որ ինձ շեռ խաբի, բայց կուզէի ինքս ստուգել, կուզէի մատս վէրքի վրայ դնել...

— Կուզէիր, որ Եփիմէն ինքը քեզ ասեր «Սիրում եմ քեզ» աւելացրեց Յովհաննէսը ժպտելով:

— Այն, բայց այս էլ պէտքէ խոստովանեմ, որ եթէ այդ քրեք բառը լսեմ նրա շրթունքից, չգիտեմ, թէ ինչ կարող է պատահել ինձ հետ:

— Կարող է պատահել, որ խենթ անաս:

— Այն...

Յովհաննէսը մի պինդ ծիծաղեց, այնպէս որ մեր խմբից մի քանիսը, որ դուրսը կանգնած զրոյց էին անում, ներս մտան:

Կարճ հարց ու բարեկց յետոյ, մի պատրուակով հեռացայ նրանցից: Արդ բոլորէին ես ուզում էի միայնութիւն, առանձնութիւն: Այն բանը, որ սիրոյս գաղտնիքը յայտնել էի մէկին, որ նա այլևս բացառապէս իմ գաղտնիքը չէր—տարօրինակ ներգործութիւն էր արել վրաս: Ինձ այնպէս էր թուում, թէ մի ծանր բեռնից թեթևացել եմ, թէ այդ բոլորէից սիրոյս հարցը լուծուած, վերջացած է: Սրա վրայ աւելացրէք և այն, որ առաջին անգամը լինելով, մի օտար մարդ, Յովհաննէսը վկայում ու հաստատում էր, թէ Եփիմէն էլ սիրում է ինձ: Բայց իսկապէս սիրում է: Ես դեռ կասկածում էի և պիտի միշտ կասկածէի, եթէ հենց նոյն գիշերը մի աւելի գօրաւոր ապացոյց չտար օրիորդը:

Ներկայացումը վերջացաւ կէս գիշերից անց: Վերջին վաբադուրը դեռ գետին չէր հասել, երբ հանդիսականները շտապեցին դուրս խուժել: Մի բոլորէից յետոյ դահլիճն արդէն դատարկ էր: Սիրողներից շատերը նոյնպէս դուրս էին եկել: Վերջին տեսարանում դեր ունենալով, ես մի քիչ ուշ ելայ և տեսայ, որ Եփիմէն պատշգամբում կանգնած է, որին շրջապատել էին սիրողներից մի քանիսը: Յովհաննէսը չկար, բայց նրա խօսքը յիշելով, թէ խումբը իմ և Եփիմէի մասին խօսում է, կրկին յետ դարձայ և կանգնեցի լուսամտի առաջ: Սենեակը մութն էր, ինձ ոչոք չէր տեսնում, բայց ես տեսնում էի նրանց: Եփիմէն շուարած նայում էր շուրջը: Գիշերուայ այդ ուշ պահուն չկար ազգականներից մէկը, որ տուն առաջնորդէր նրան, որպէս անում էին միշտ: Բայց ազգականների տեղ լոյս էին ընկել շատ

անկոչ կաւալերներ, որոնց մէջ աշքի էր ընկնում տեսչի երկրորդ որդին: Այդ ամենը ես տեսնում էի, բայց անհամբեր սպասում էի թէ ինչով կվերջանայ այդ ինձ համար անախորժ դէպքը: Եփիմէին շրջապատող կաւալերներին ես նմանեցնում էի որսին շրջապատող քաղցած գայլերի, որոնք մէկը միւսից վախենալով, չեն մօտենում և այսպիսով որսը ազատէ մնում վտանգից: Իմ արածը մի անբնական համեմատութիւն չէր: Կեսնքի մէջ շատ գելպուծներում դուք կարող էք հանդիպել երկոտանի գայլերի, որոնք մարդկութեան աւելի վնասակար են և աւելի մեծ շարիքներ են հասցնում, քան իսկական գայլերը, գաղանները: Սակայն մարդիկ հազար ու մի դէնքերով ու միջոցներով զինուած կոտորում, ոչնչացնում են վայրի գաղաններին ճիշտ այն ժամանակ, երբ ընտանի գաղանները, ազատ համարձակ, գործում են աւելի մեծ, աւելի քստմենելի շարիքներ:

Օրիորդի դրութիւնը իսկապէս կրիտիքական էր. նա գնում էր դուրս, նայում էր մութ փողոցի հեռաւոր անկիւնները և կրկին դառնում էր պատշգամբը ու անհամբեր սպասում: Երբեմն էլ անկոչ կաւալերների առաջարկութիւններին պատասխանելով, ասում էր:

— Չնորհակալ եմ, պարոններ. նեղութիւն մի՛ կրէք, հիմայ՝ ուր որ է, կրգա՛:

Ես թողեցի լուսամուտը և դուրս ելայ նրան այդ կրիտիքական դրութիւնից ազտտելու հաստատ որոշմամբ. ես հաստատ գիտէի, որ նրանք, այդ անկոչ կաւալերները իսկոյն կհեռանային, եթէ ես աշքի երեւայի: Սակայն իսկոյն որոշումս փոխեցի: Մըտքովս անցաւ, թէ մի գուցէ Եփիմէն ինձ էլ մերժի ու կարմրացնի նրանց առաջ:

Ու դրան առաջի մնացի կանգնած:

Այդ ժամանակ նոտքիս ձայնն առնելով, յետ դարձաւ և տեսնելով ինձ, ձեղքեց կաւալերների շղթան ու մօտեցաւ:

— Տեսնո՞ր ինչ արեց մօրեղբայրս, ասաց նա վրդովուած ձայնով. — ինձ այստեղ մենակ թողեց ու գնաց չգիտեմ թէ ուր:

— Վաղո՞ւց է գնացել:

— Վերջին արարուածից քիչ առաջ... խոստացաւ իսկոյն վերադառնալ, բայց չկայ... չգիտեմ ի՞նչ անեմ...

— Լաւ չի արել... եթէ կուզէք... բայց ներեցէք, օրիորդ, վախենում եմ ծառայութիւնս առաջարկել ձեզ, որովհետև շատերն առաջարկեցին և դուք մերժեցիք. ուրեմն ի՞նչ էք մտածում անել:

— Բնականաբար այստեղ մնալու միտք չունիմ... պէտքէ տուն գնալ:

— Եթէ թոյլ կտար ես կընկերանամ ձեզ մինչև ձեր տունը... իմ ճանապարհն էլ, ինչպէս գիտէք այն կողմն է, ասացի անվճռական կերպով:

— Օ՛հ, շատ շնորհակալ կլինեմ... աղատեցէք ինձ այս անախորժ դրութիւնից:

«Չառ շնորհակալ» բառը լսելիս յանկարծական շեքմութիւն եկաւ վրաս, ինձ այնպէս թւաց, թէ այդ բառերից անմիջապէս յետոյ պիտի աւելացնի «նեղութիւն մի կրէք» խօսքը: Բայց որքան ուրախացայ, երբ այդպէս չպատահեց: Պատրաստ էի համբուրել նրա ձեռքը ի նշան իմ անսահման շնորհակալութեան, եթէ այդ հնարաւոր լինէր կամ այդ քայլն անելու չափ համարձակութիւն ունենայի:

Անկոչ կաւալերներին թողնելով իրար երեսի նայելով, մենք ցած իջանք և կառք նստելով, ճանապարհուեցինք դէպի տուն:

Ե,

Գիշեր էր:

Այդպիսի մի գեղեցիկ գիշեր, այդքան սքանչելի ու կախարդական գիշեր շատ քիչ է պատահում աշնանային այդ ամիսներում: Երկինքը պարզ էր ու վճիտ, որպէս թափանցիկ հայելի, ուր չէր երևում ոչ մի ամպի փետուր: Բիւրաւոր աստղերը՝ յստակ

ու ճաճանշաւոր աղամանդների նման սփռուած կապուտակ կամարի վրայ, փայլում, պէծպծին էին տալիս, իսկ բոլորադէմ լուսինը, որպէս մի կախարդական լապտեր, որպէս երկնային դիցուհի, լողում էր անհամար աստղերի միջով իւր ամբողջ փառահեղութեամբ: Քաջաբը կախարդական տեսք էր ստացել, եկեղեցիների գմբէթները, իրենց սուկեղօժ խաչերով, մղկիթների մինարէթները. շինութեանց տանիքներն ու ծխնետոյզները և ծառերի երկնահաս սաղարթները՝ լուսնի կաթնագոյն լուսով լուսաւորուած, նմանում էին էլէքտրական հսկայ աշտանակներին, որոնցով ցրեկի նման լուսաւորուած էր ամբողջ քաղաքը:

Քայց քաղաքը խոր քնի մէջ էր: Ոչ մի ձայն, ոչ մի շշուկ չէր լսուում: Ամեն ինչ անշարժ էր ու լուռ: Իսկ այդ անշարժութիւնը, այդ լուռութիւնը այնքան խորհրդաւոր էր, որ թւում էր ինձ, թէ գտնուում եմ մի բոլորովին անծանօթ աշխարհում, թէ դա տիեզերքի ստեղծագործութեան առաջին օրն է, երբ կեանքն աղմկող մարդը դեռ չի ստեղծուած: Եւ տիրում էր ինձ մի տեսակ սրբազան երկիւղ: Ահագին շինութիւնները՝ որոնց միջով խուլ գորգիւնով թաւալում էր կառքը, վիթխարի շիրմաների էին նմանում, որոնց տակ ժամանակաւոր մահով հանգչում էին բնակիչները: Ոչ մի լուսամուտից լոյս չէր երևում, իսկ փողոցային լապտերները վառուում էին հոգևաբքի պլպլոցով: Չների ընդհատուող հաջոցն էր միայն, որ երբեմն լուում էր քաղաքի այս կամ այն հեռաւոր անկիւնից, որոնցով մերթ ընդ մերթ վրդովուում էր այդ գերեզմանական հանգիստաւոր ու խորհրդաւոր լուռութիւնը:

Չգիտեմ, ի՞նչ էր մտածում այդ ըզբէին կառքի մէջ, կողքիս նստած աղջիկը՝ Եփիմէն, ի՞նչ էր անցնում դառնում նրա սրտի մէջ, իսկ ինչ վերաբերում է ինձ, ես գտնուում էի մի անբնական վիճակի մէջ: Աշխարհային ոչ մի վայելք, երկրային ոչ մի երջանկութիւն կարող չէին հաւասարել այն վայելքին, այն երջանկութեանը, որ զգում էի այդ գիշերային լուռ ու մենաւոր բոսայէն: Նա կողքիս էր, որին այնքան սիրում էի և որն այդ օրն ապացուցեց, որ սէրս անյոյս չէ, որ նա փոխադարձ է: Ի՞նչ

կայ աւելի հաճոյական և հպարտացուցիչ քան այն, որ համոզուած եմ թէ քեզ սիրում է նա, որին դու սիրում ես: Եւ այդ երանական քաղցր յափշտակութիւնը այնպէս էր գրաւել ինձ, որ ես վախենում էի նոյն իսկ նրա հետ խօսել, որ չլինի թէ յուսախափութեան մէջ սթափուեմ:

Եփիմէն էլ լուռ էր, գլուխը քարշ, աչքերը շրջադեմատի տակից դուրս նայող փոքրիկ ոտքերի ծայրերին յառած, մտածում էր չը գիտես ի՞նչ ինչ բաների մասին և պատասխանում էր կարճ և միավանկ բառերով:

Թատրոնից մինչև տուն մօտ տասն ընթացք տևեց: Կառքից իջնելով մտանք բակը, այդ ժամանակ միայն իմացայ, որ տանը նոյնպէս ոչոք չկայ: Եփիմէն ասաց, որ իրենց ամբողջ ընտանիքը, այգեկութի պատճառով արդէն գտնուում է այգիում, թէ ինքը մօր եղբօր հետ մնացել է քաղաքում դպրոցի և թատրոնի պատճառով:

Իսկ մօր եղբայրը չկար, նա տուն էլ չէր վերադարձել, թէ և օրիորդը յոյս ունէր նրան տանը գտնել:

— Ուրեմն ի՞նչ պէտք է անէք, օրիորդ, երկար լուռութիւնը ընհատելով հարցրի ես:

— Չը գիտեմ... այս ահագին աման մէջ մենակ մնալ և այն գիշերով չեմ կարող, պատասխանեց շուարած:

— Գնանք մեզ մօտ, ես կպատմեմ մօրս, նա քեզ սիրով կնդունի ասացի ես կատակով:

Նա նայեց ինձ, ժպտաց, բայց տեսայ, որ այդ ժպիտը բռնազրօսիկ էր:

Ապա ասաց:

— Ես երբէք մենակ չեմ մնացել, սովոր չեմ և չեմ էլ կարող մնալ:

— Այդ ես գիտեմ, օրիորդ և չկարծէք թէ ձեզ մենակ կթողնեմ... բայց գիտէք ինչ անհամ դրուութիւն է, որքան անպատշաճ է ինձ այստեղ մնալ:

Օրիորդը չխօսեց, այլ դուռը բանալով վառեց լամպան:

Լամպայի լոյսի տակ ես նկատեցի, որ նա բաւական յուզուած էր, շրթունքը բարկութիւնից ցնցւում էին և բիշ էր մնում, որ լար: Եփիմէն չափահաս աղջիկ լինելով և լաւ գիտնալով քաղաքացոյ բամբասանքը բնաւորութիւնը, հասկանում էր, որ՝ իրաւ՝ մի երիտասարդ տղայի, երիտասարդ աղջկայ հետ գիշերելը միայնակ, միծածկի տակ, առանց օտար կօնտրօլի—որքան անպատշաճ էր և մի շատ իրաւացի նիւթ բամբասանքի:

Ես այդ բոլորը շատ լաւ հասկանում էի, ուստի նրա տրամադրութիւնը փոխելու մտքով նկատեցի:

— Այն, շատ անպատշաճ է... բայց միութաբականը այն է, որ գիշեր լինելով, մեզ ոչոք չհանդիպեց և ոչ ոք կարող չէ իմանալ իմ այստեղ լինելս:

— Հապա խմբի մի քանի անդամները, որոնք տեսան:

— Այդ ոչինչ. նրանք գիտեն, որ ձեզ տուն բերի, սակայն ինչ գիտեն թէ ինձ վիճակուեց այստեղ մնալ:

Օրիորդի տխրութիւնը մասամբ փարատուեց. ես տեսայ, որ իմ խօսքերը աննպատակ չանցան: Նա մտնելով միւս սենեակը, հանեց վերարկուն, գլխարկը և վերադառնալով ասաց:

— Այդ ամենը լաւ, բայց որ դուք անհանգիստ պիտի լինէք, իսկ վաղն էլ գործի օր է...

— Մի, այդ մասին մտածել անդամ չարժէ... ես պատրաստ եմ շատ աւելի թանկագին բաներ գոհելու, որպէս զի կարողանամ արտայայտել դէպի ձեզ ունեցածս ջերմ... յարգանքը:

Քիչ մնաց, որ «սէրս» պիտի ասէի: Թէև խոյն ուղղեցի խօսքս, սակայն Եփիմէն կարծես գուշակել էր, օրովհետո՞ սաստիկ շառագունեց:

— Զատ շնորհակալ եմ... ապացոյցներ պէտք չէն, ես գիտեմ և ձեր անկեղծութեան վրայ վստահ:

Ու ձեռքը մեկնեց ինձ:

Մի րոպէ, այդ գիշերային հանդիսաւոր պահուն, հեռու դիտող աչքերից, տան շորս պատերի մէջ մէն մենակ-այն մի րոպէ անցաւ մտքովս շրթունքիս սեղմել այդ քնքոյշ ձեռքը և

կներել այնտեղ անճնջելի սիրոյ ջերմ համբոյրը և՛ ծունգ չոգելով՝ որպէս խոստովանահօր առաջ բանալ սիրտս, արձակել լեզուիս կապանքը և ասել, թէ սիրում եմ, պաշտում եմ... բայց ներքին ձայնը գոչեց.

«Մի... չհամարձակուես. դա լրբութիւն է, դաւաճանութիւն է...»

Այդ ձայնը, այդ ներքին ձայնը, անխ, սրբան խանգարում է նա ինձ, որքան տանջում է: Բայց չեմ կարողանում չլսել նրան, որպէս լսեցի և այս անգամ:

Խեղդելով իմ մէջ նրա ձեռքը համբուրելու բուռն ցանկութիւնը, որը սկսել էր յուզել ինձ, բարձրացրի գլուխս և նայեցի նրան:

Տխրութիւնը փարատուել էր նրա դէմքից ու ժպտում էր: Նա արդէն հաշտուել էր հանգամանքների հետ, դուրս էր վանել սրտից ու գլխից թիւր կասկածներն ու երկիւղը, կարծես ասում էր „է՛հ ինչ ուզում է թո՛ղ լինի...»

— Ուրեմն վիճակուած է մեզ գիշերը միասին անցնելու, ասաց նա ձեռքս թողնելով.— ոչ ես սարքեցի այս բանը, ոչ էլ դուք. սա հանգամանքների քմահաճ բերմունքն է, որից ես գոնէ խոյս տալ չեմ կարող:

Եւ կանխելով ինձ, հարցրեց:

— Ժամը քանի՞սն է:

-- Զիշտ երեքը, պատասխանեցի ժամացոյցին նայելով:

— Զպիտի՞ք ընէք:

— Ո՛չ... ես ձեր վրայ կը հսկեմ:

— Զնորհակալ եմ, սակայն քնելու միտք չունեմ:

— Այդ աւելի լաւ, օրիորդ, կը նստենք և քաղցր զրոյցներով ու պատմութիւններով կը լուսացնենք...

— Եւ որպէս զի ժամանակը թեթեւ անցնի, սամօլարը կը դնեմ և պարտեզի միջով անցնող առուակի ափին թէյ կը խմենք:

— Արէք ինչպէս կամիր, այս գիշեր ձեր հիւրն եմ և ձեր տրամադրութեան տակ:

— Թանկագին հիւրը... ասաց նա ու գնաց սամօվարը գցելու:

Պարաէզը, ուր քիչ յետոյ լիջանք մենք, շրջապատուած էր երկու մարդու հասակի բարձրութեամբ ամուր պարիսպներով, որպէս սովորութիւն էր այդ քաղաքում: Մէկը միւսից մի քանի քայլ հեռու անկած պտղատու ծառերը նախ՝ բարձրանալով վեր, ապա՝ իրենց վերին ճիւղերը տարածելով շորս կողմը, հիւսել էին միմիանց հետ և կազմել մի բնական ամպհովանի: Լուսնի թեք ճառագայթները տերեալսիտ ճիւղերի միջից թափանցելով ներս, մի տեսակ թրթրուն ու կախարդական լոյս էին սփռում այնտեղ: Սամօվարը մի քիչ թշտալուց յետոյ, սկսեց նուագել մուզիկայական քմահաճ եղանակներ և ապա բարձրացաւ իստ գալորչի, որ մերթ լուսնի լոյսով արծաթագօծուելով և մերթ ծառերի ստուերները տակ գորշ գոյն ստանալով, բաւական գեղեցիկ տեսարան էր ներկայացնում: Մենք նստել էինք առուակի ափին, կանաչ խոտերի վրայ, ուր լուսինը աղաս կերպով լուսաւորում էր մեզ: Ջուրը գալիս մեր առջևով սահում էր գետի ցած, առաջացնելով մի քաղցր ազմուկ, որը սամօվարի թշտալուցի հետ սիրուն ներդաշնակութիւն էր կազմում: Մեզնից քիչ հեռու մի խումբ ճպուռներ մի առանձին եռանդով ճոճաւցնում էին, իսկ աւելի հեռու կռաւում էին գորտերը, վրդովելով գիշերային հանգիստուր խաղաղութիւնը...

Ջգում եմ, որ մտքերը լաւ չեմ բացատրում, որ պատկերները, տեսարաններն ու երեսօթները լաւ չեմ նկարագրում, որ պակասում է ինձ վիպասաններին ու բանաստեղծներին յատուկ նկարագրական կենդանի գոյներ, շեշտեր ու թռիչք, որ պակասում է ինձ այն հզօր ու վառ երևակայութիւնը որի շնորհիւ աւարկաները կեանք ու հոգի են առնում. վերջապէս գիտեմ, որ պակասում է ինձ շատ բան: Բայց այդ ինձ համար միևնոյնն է: Ես ոչ բանաստեղծ եմ, ոչ վիպասան, իսկ զրածս՝ կեանքիս ամենա-

պարզ պատկերներուց մէկն է: Ես չեմ ուզում, որ այդ պատկերը աւելորդ գոյներով կերպարանափոխուի, այլ գրում եմ նոյնութեամբ, իւր հարազատ գոյներով, առանց բանաստեղծական պաճուճանքի:

Վերջապէս ո՞ւմ հասկանալի չի լինի, եթէ ասեմ, թէ այդ գիշերը կախարդական գիշեր էր, այնքան կախարդական, որի տակ ամենապարզ առարկաներն իսկ դիւթական տեսք էին ստացել և հմայում էին ինձ:

Իսկ այս բոլորի թագուհին ինքը՝ Եփիմէն էր:

Նա տասնեկօթ տարեկան աղջիկ էր, չինարի պէս բարձր ու գեղեցիկ հասակով, որ ոտքից գլուխ կարծես ձուլուած լինէր մարդկային իդէալական գեղեցկութեան ու նրբութեան կաղապարի մէջ: Նրա բարակ ու շնորհալի իրանը սկսած մէջքից աստիճանաբար լայնանում ու ողորկանում էր, վերջանալով ճոխ ուսեմքով և իւր բոլոր փառահեղութեամբ բարձրացած հասուն կուրծքով, ուր նոյնքան շնորհալի պարանոցի վրայ բռնում էր իւր սէգ և յաղթական գլուխը, պսակուած մինչև ծնկները երկարող մոյգ շագանակագոյն մազերի հարուստ ալիքներով: Ինձ այնպէս էր թւում, թէ բնութիւնը օժտելով նրան այդքան գեղեցկութեամբ ու ներդաշնակութեամբ, անհամեմատ չալյութիւն կարողութեամբ ու ներդաշնակութեամբ, անհամեմատ չալյութիւն էր գործ գրել: Երկնքից դէպի ցած նայող լուսնի և ծառի ճիւղից քարշարած լապտերի հակադարձ ճառագայթներով լուսաւորուած նրա վրդովման հետքը կրող դէմքի վրայ գործմուած էր նրա կուտական անմեղութիւնը. իսկ որ նրա միտքը գեռ պատրուած չէր տգեղ մտածութիւններով, որ սիրան ու հոգին գեռ ապականուած չէին կեանքի ապականութիւններով-այդ կարելի էր կարգալ նրա աղեղնաձև յօնքերի տակ պատասպարուած սիրուն աչքերի մէջ:

Որքան շատ էի նայում նրան, որքան ուշադիր և միւշտարի աչքով էի նայում, այնքան աւելի կախարդական էր երևում ինձ և այնքան աւելի մեծ ոյժերով էր տիրապետում սրտիս: Եւ թւում էր, թէ տիրապետում է ինձ մի անորոշ զինովութիւն,

մի հեշտալի թմբութիւն, և թէ ուղեղս մի անքնական երկունքի մէջ է:

Եփիմէն ձայնը կարծես սամօլարի մարող թշոցին յարմարեցնելով, երգում էր ինչ-որ նոր եղանակ և մաքրում էր թէյի բաժակները: Ես լսում էի նրա անոյշ ձայնը, բայց ինձ այնպէս էր գալիս, թէ այդ ձայնը գալիս է հեռուից, շատ հեռուից: Ու խորին հոգեղմայութեամբ նայում էի ծառերի խորքը, զէպի հեռուն, շատ հեռուն, որքան հեռու թռչում էր իմ միտքը և որքան հեռաւոր, բայց քաղցր երազների շուրջը թափառում էր նա:

— Դուք ինչ-որ մտածում էք, ասաց նա թէյի բաժակն առաջը դնելով:

Նրա արծաթահնչիւն ձայնը, որի մէջ մետալական մի առանձին անուշութիւն կար, յետ կոշեց ինձ յոյսերի ու երազների աշխարհից:

Ու պատասխանեցի.

Այո, մտածում եմ, թէ ինչո՞ւ այսքան գեղեցիկ ու կախարդիչ է երևում այս գիշերը .. գուցէ նրանից է, որ երբէք ինձ չի պատահել բաց և աստղադարձ երկնքի տակ գիշերը լուսացնել:

Նա բնազդարար մէկ նայեց շուրջը, լուսնոդոդ ծառերին, մէկ աստղալից երկնքին ու ասաց կարծես ինքն իրեն.

— Իրաւ շատ հրաշալի ու բանաստեղծական գիշեր է...

Ապա գարձաւ ինձ և լուրջ շեշտով հարցրեց:

— Դուք բանաստեղծութիւններ սիրում էք:

— Ես... ինչպէս ասեմ. համ սիրում եմ, համ չեմ սիրում. այդ՝ ինչ ինձ է վերաբերում, կախուած է ժամանակից, և տրամադրութիւնից:

— Ինչպէս... ես չհասկացայ:

— Ահա այսպէս... այս բոլորիս ես ոչ մի տեսակ բանաստեղծութիւն չեմ կարող սիրել, թէ կուզ նա լինի աշխարհահրոշակ մէկի գրչի արտադրութիւնը: Դուք ինքներգ չասացիք, օրիորդ, թէ բանաստեղծական գիշեր է, այսինքն մի գիշեր, որով բանաստեղծները կարող են ներշնչուել, յափշտակուել ու երգել:

Ուրեմն մենք շրջապատուծ ենք բնութեան հարագատ բանաստեղծութիւններով, մենք մեր աչքով տեսնում ենք մարմնացած բանաստեղծութիւն: Ուրիշ խօսքով, բնութիւնը՝ լուռ ու անխօս, երգում է մեզ իւր ամենակատարեալ երգը, նոյնպէս լուռ ու անխօս առարկաների բերանով, ստիպեալ որոնք աւելի պերճախօս են, աւելի խոր ու թովիչ, քան շամարթիւնի քնարը: Բնութեան բանաստեղծութիւնը, նրա երգն ուրիշ է. նա հարդատ է, կեանք ու հոգի ունի և իւր անբարբառ երգով կեանք է տալիս մեզ, ուղևորում է և մենք այդ նիւթական հրգի քաղցր սուլաւորութեան տակ, նրանով ներշնչուած, սկսում ենք երգել, թէև գիտենք, որ մեր գրիչն անզօր է չոր ու ցամաք բաւերին կեանք ու հոգի տալու: Ինչ է թղթի բանաստեղծութիւնը բնութեան բանաստեղծութեան հանդէպ, եթէ ոչ գեղեցիկ ու ոլորուն, բայց սառն ու անշունչ բառերի մի հիւսուածք, որ հեռու բնութեան գեղեցիկութիւնից, Սահարայի անապատում՝ կիզիչ արևի տակ և այլուող աւաղի վրայ նստած մարդու սիրտը հաղիւ թէ կարողանայ ջերմացնել...

— Օ՜... Դուք բոլորովին ոչնչացրիք բանաստեղծութիւնը՝ խօսքս ընդհատելով, նկատեց Եփիմէն. — ընդհակառակը ես սիրում եմ և գիտէք ինչպէս եմ սգեւորում, երբ կարգում եմ «Մայր Արաքսին»:

— Դուք կարող էք սիրել և ոգևորուել, ինչպէս և ամեն մի ուրիշը, որ ապրում է իւր խելքով, իւր ճաշակով: Իսկ ես կասեմ, որ եթէ պատահէր ձեզ շրջել Արաքսի ափերին և նայել նրա նախկին փառքն ու մեծութիւն կազմող աւերակների վրայ, դուք էլ կասէիք, որ «Մայր Արաքսի»-ն իսկականի ուրուականն էլ չէ: Դուք գիտէք որտեղից է բղխում Արաքսը, որտեղից է անցնում: Մայր հողի գրկից բղխած նրա իւրաքանչիւր մի կաթիլը աւելի մեծ պատմութիւն է բովանդակում, քան ամենամեծ հատորները: Նրա իւրաքանչիւր մի կաթիլի մէջ թափնուած է ազգերի լացն ու ծիծաղը, ժպիտն ու արցունքը, քրքրիջն ու հառաչանքը: Եթէ Արաքսը խօսէր, նա չէր պատմի, ձեզ այն, ինչ որ պատմում է

«Մայր Արարքսին» այլ այն, ինչ որ ինքը՝ բնութիւնը միայն կարող է պատմել:

Այդ ժամանակ ծառերի կատարները քերող քամին փչեց աւելի ոյժգնութեամբ, դալար ճիւղերը ցնցուեցին և մի արդէն հասուն դեղձ պոկուելով, խիտ տերեւները ճեղքեց և ցած ընկաւ մեղնից քիչ հեռու:

Ես վերառնելով անուշահոտ դեղձը, մօտեցայ Եփիմէին:

— Այժմ հարցնում եմ, ո՞ր բանաստեղծը կարող է հարազատ գոյներով նկարագրել այս խաղաղ գիշերը, որ ինձ ու ձեզ կախարդում է. այս մանիշակագոյն վճիռ երկինքը, աստղերն ու լուսինը, այս մեր գլխի վրայից հոսող մեղմ քամին, ծառերի ընդգրբիւմը, տերեւների սոսափիւնը, որոնք կարծես զրոյց են անում, ճիւղերի արձակած ֆանտաստիկական սոսուերները, որ կարծես պարում են, այս առուակի խոխոջը, այն միջատների ճուղիւնը, վերջապէս՝ այս անուշահոտ դեղձի որբանայր իւր հարազատ ճիւղից, որից առել էր իւր նիւթը, կեանքը և նրա անկումը կամ այն թէ ինչպիսի յուզիչ զգացումով մատուցանում եմ ձեզ այս հենց նոր որբացած պտուղը և ձեր հոգեկան արեկոծութիւնը, որով պէտք է ընդունէք իմ ձեռքից... Ասացէք ո՞վ կարող է նկարագրել ու երգել:

Օրիորդը լուռ էր և մեծ ուշադրութեամբ լսում էր ինձ, առանց ընդհատելու, քայց նա նայում էր աւելի խորին հետաքրքրութեամբ, կարծես ուզում էր թափանցել սրախ խորքը, տեսնելու իմ հոգեկան գրութիւնը, ներքին յուզիչ զգացումներս:

Ապա առաւ ձեռքիցս դեղձը, հոտ քաշեց և միջից երկու հաւասար բաժին անելով, մի բաժինը տուեց ինձ:

Որովհետեւ մեծ ախորժակ ունէի խօսելու, ուստի դեղձն անելով նկատեցի:

— Սրանով ապացուցանում էք, օրիորդ, որ Եւայի սեռին էք պատկանում:

— Ինչպէս՞...

— Խօսքս եղեմական պտղի մասին է, որ Եւան կիսեց Ադամի հետ:

Նա յըջօրէն նայեց ինձ, ապա կարմրելով դուլսը քարշարեց: Ես նոյնպէս ամաչեցի, զգայի, որ խօսքս շատ անպատշաճ էր, թէև ասացի միամտաբար, առանց յետին մաքի:

Օրիորդը երկրորդ թէ երրորդ բաժակը լցնելով դրեց առջև և կարծէք անախորժ լուսութիւնը խզելով ասաց:

— Գիտէք այս գիշերուայ մեր ներկայացումը բաւական լաւ անցաւ:

— Այո, լսելով՝ հանդիսականները շափաղանց գոհ մնացին: Վերջին տեսարանը մանաւանդ կ'յուզիչ էր կ'խրատական: Լէնգթէմուրը այդ արիւնարբու գազանը, Սերաստիան արիւնով ողողելուց յետոյ, հարցնում է Նադինիկին «Հայրդ կուգես, թէ հայրենիքդ»... Հայրենիքի սիրով վառուած հայ կինը, հօրն ուրանալով, բռնակալից լնդրում է արիւնյուտայ հայրենիքը... Գուք, օրիորդ, այդ տեսարանում շատ լաւ էիք: Նստեալ, թէ ինչպէս ամբողջ դահլիճը զղրգաց: Ոգևորութիւնը շատ մեծ էր. գնդապետ Աղէքսանդր Մելիք Հայկազեանը հօ ինքն իրենից ելաւ:

— Ամեն ինչ զոհել հայրենիքին, իրաւ որ սքանչելի միտք է, նկատեց Եփիմէն ոգևորուած. ապա վշտալի եղանակով աւելացրեց. բայց այժմ այդպիսի բաները թղթի վրայ միայն գոյութիւն ունեն, որոնք ըզպէական ոգևորութիւնից բացի, ուրիշ ազդեցութիւն չեն գործում:

— Զատ ճիշտ էք ասում, օրիորդ, մարդկային կեանքն ապականուած է, մարդիկ նոյնպէս. Վսեմ մարերն ու գաղափարները, որոնք առաջ բնակւում էին մարդկանց սրտերում և ոգևորում էին նրանց, այժմ այնտեղից վտարուած են և կախուած լեզուների և գրչի ծայրից միայն: Այժմ մարդիկ լեզուով ու գրչով ամեն ինչ են, իսկ գործով—ոչինչ, բոլորվին ոչինչ:

— Ոչնչից էլ ստոր, եթէ կարելի է այսպէս ասել... Հնալաւ միաքս եկաւ, ներկայացումը վերջանալուց յետոյ, երբ հան-

գերձարանից ելայ, մի ջեռտլմէն երիտասարդ, ոսկի ակնոցներով մօտեցաւ ինձ և առանց այլևայլութեան ձեռքը մեկնելով ասաց:

«Ես ամբողջ Եւրոպան շրջած և տեսած եմ Սարա Բեր- նարին և ուրիշ շատ յայտնի դերասանուհիներին: Չեմ ասի՛ թէ դուք նրանցից մէկն էք, որովհետև ձեր ասլրած մթնոլորտը բե- մական հանճարներ արտադրել անկարող է, բայց համարձակ կա- սեմ, որ այդ հանճարի սերմից կայ ձեր մէջ: Թողէք դպրոցը և ծառայէք բեմին...»

Չնայելով Եփիմէյի մասին ես էլ նոյն կարծիքն ունէյի, այնու ամենայնիւ նրա խօսքերն ինձ ծանր եկան: Դերասան ու դերասանուհիներին մասին ես լաւ կարծիք չունէի: Իմ կարծի- քով կհանքի մէջ, իրենց վարքով նրանք քանդում էին այն, ինչ որ շինում էին բեմի վրայ: Ի հարկէ ուրիշ բան են սիրողները:

Իմ այս կարծիքի հետ համաձայն էր նաև Եփիմէն: Մինք այս նիւթի մասին երկար, շատ երկար խօսեցինք: Եւ այնքան անձնատուր էինք եղել քաղցր դրոյցներին, որ չէինք նկատել, թէ ինչպէս թռան ժամերը: Արևելեան երկիրն սկսել էր ար- շալուսի հեռաւոր ճառագայթներով գորշանալ: Մի բանի ըտպէից յետոյ առաւօտեան աղջամուղջին, որին տեղացիք «Ադամայ մութ» են կոչում, տեղի տուեց մի տեսակ սառն և դժգոյն լոյ- սի: Կեսնքը հետզհետէ սկսեց դարթնել, արագադները իրենց ծուղրուղուով աղմկեցին շրջակայքը, բնութեան անմեղ թռչնիկ- ները դուրս թռչելով իրենց բոյներից, սկսեցին թռչկոտել ծա- ուերի մէջ և երգել իրենց առաւօտեան քաղցր ու խորհրդաւոր մեղեդին:

Թէչը վերջացրած լինելով, վեր ելանք շաղաթաթախ ծա- ուղիներով շրջելու: Ամեն տեղ աչքի էր դարկում բուսաբանա- կան մեծ ճաշակ ու հմտութիւն: Այս բոլորն առաջին անգամ տեսնելով, ընդհատեցի կարճ լուսթիւնը:

— Ամեն բարիքներով լի մի սիրուն պարտէզ է... լսում էք որքան քաղցր են երգում թռչնիկները:

— Այսօր ամեն ինչ ձեզ քաղցր ու գեղեցիկ են երևում,

ասաց նա ժպտալով ճիշտ այնպէս, որպէս կանաչ տերևներն մի- ջից ժպտում էր նորաբաց լիլիֆ արք:

— Այն, ամեն ինչ... ասն այս երբներանդ ծաղիկները, այս կանաչ ու տերևախիտ ճիւղերի միջից դուրս նայող գոյն- զգոյն պտուղները, այս գգուշութեամբ փշող գեփիււրը, որ կար- ծես ամեն մի ծառից, ծաղիկից ու թփից անոյշ համբոյր է քա- դում... միթէ սրանք իսկապէս գեղեցիկ չեն:

— Ամեն ինչ... ամեն ինչ, կրկնեց նա նոյն կախարդական ժպտով:

— Իսկ դուք, օրիորդ, այս ըտպէիս դուք ձեզ չէք տեսնում, բայց ես տեսնում եմ ու՛ ներեցէք ասել, որ դուք լրումն էք այս բոլոր սքանչելիքների. բնութեան զարդերի այս ծովի մէջ դուք մի հաւերթահարսն, մի թաղուհի էք:

— Հաճոյախօսութիւններ էլ գիտէք... չէի սպասում:

Նա սխալում էր, ստածս արհեստական հաճոյախօսութիւն չէր, այլ խորին համոզմունք: Եւ այդ համոզմունքն այնքան ան- կեղծ ու ուժեղ էր, որ ձայնս սկսեց կամաց կամաց դողալ, սիր- տըս յուզուել և աեսայ, որ իմ մէջ մի անբնական փոթորիկ է կա- տարւում:

— Ես ասացի ճշմարտութիւնը, օրիորդ, և հաւատացէք, որ չեմ կեղծում:

Նա աղօթարանի նման յանկարծ շառագունուեց և թագ- ցրեց երեսն ինձանից:

— Միթէ անդիտակցաբար վշտացրի ձեզ:

— Ոհ, ոչ. բայց չեմ սիրում իմ մասին գովեսաներ լսել:

— Լաւ. այս անգամ ներեցէք ինձ, այլևս չէք լսի, եթէ հաճելի չէ:

Նա նայեց երեսիս, ժպտաց ու թերուեց դէպի ծաղկանո- ցը, ուր փթթել էին աշնանային ծաղիկները:

Արևը ծագելուն արդէն մօտ էր. արևելեան երկիրը կար- մբել էր վաղորդեան արևի ոսկեգոյն ճառագայթներով: Հաւերն ջիւել էին թառից, իսկ թռչնիկները ճիւղից ճիւղ թռչկոտելով

բարձրացրել էին մի շատ ախորժելի աղմուկ: Յամբասանքների տեղիք շտալու համար, պէտք էր հեռանալ, քանի որ դրացիները չէին զարթնել և փողոցը չէր լցուել բազմութեամբ: Մտայ սննեակը գլխարկս ու վերարկուս առնելու, երբ ետևիցս ներս մտաւ Եփիմէն:

— Այդ ինչ էք անում, հարցրեց նա:

— Մտածում եմ գնալ:

Նա տխրեց. ես տեսայ, որ հեռանալս նրան ծանր է գալիս, թէև ինքն էլ գիտէր, որ արդէն ժամանակ էր բաժանուելու

— Դեռ չուտ չէ. քիչ էլ սպասեցէք, ասաց:

— Եթէ ինձ մնար, ես ուրախութեամբ կը մնայի. բայց անկարելի է, պէտք է զզոյշ լինել, պէտք է խոյս տալ անտեղի բամբասանքից:

— Ուրեմն գնում էք:

— Այն բայց... տկամայ:

Նա գլուխը քաշ արած՝ մասներով բրբրում էր փոքրիկ փունջը, ուր կարծես մի բան էր կորցրել: Յետոյ ակներև տխրութեամբ ասաց:

— Դուք նշանակութիւն տալիս էք բամբասանքին:

— Անշուշտ, մինչդեռ ապրում ենք բամբասանքով յագեցող հասարակութեան մէջ: Մեր հասարակութիւնը համ տգէտ է. համ էլ ազատ ժամանակ ունի բամբասանքներին տկանջ գնելու, հենց որոց վրայ էլ կաղմում է իւր գաղափարը բամբասուողի մասին: Այսպիսով է մեղանում կաղմում հասարակական կարծիքը: Իսկ որ այդ կարծիքը ահագին նշանակութիւն ունի— ոչ ոք չի կարող ուրանալ:

— Ճիշտ էք ասում. ուրեմն գնացէք. բայց չը մոռանար, որ այս գիշեր անքուն տանջեցի ձեզ: Ինձ համար գոնէ շատ ուրախ անցաւ այնքան ուրախ, որ երբէք չսլիտի մոռանամ:

— Ես նոյնպէս... մինչև գերեզման...

— Օհ, գերեզմանի անունը մի տուր, դեռ ժամանակ է տպրելու, դուարճանալու:

Ապա մեկնեց ինձ ծաղկի փունջն ու աւելացրեց:

— Ընդունեցէք այս որպէս հուատար իմ անկեղծ զգացումներիս, որ տածում եմ դէպի ձեզ... սրանից բացի ուրիշ բալ չունիմ ձեզ նուիրելու.

— Ունիք և այն ինձ համար աւելի թանկագին բան, քան այս ծաղիկները, որոնք վաղը սլիտի թառամեն ու թափուեն, ասացի ես մաքուր:

— Չատ շնորհակալ եմ,— ասացի իրեն, փունջն ընդունելով. մնաք բարեալ, օրիորդ:

Նա իմ մնաք բարեկին գլխի լուս խոնարհումով պատասխանելով, ձեռքը մեկնեց ինձ: Ես տեսայ, որ յուզուած էր, աչքերն ուրիշ տեսակ էին փայլում, կուրծքն ուրիշ տեսակ բարախում: Ես էլ յուզուած էի. այդ բաժանումն ինձ համար էլ շատ ծանր էր գալիս, այնու ամենայնիւ ջերմագին սեղմեցի նրա ձեռքը, թէև՝ հաւատացէք՝ որ այս անգամ էլ քաջութիւն չունեցայ այն սիրուն ձեռքը շրթունքիս սեղմելու:

2.

Այժմ կարող եմ բացարձակ կերպով խօստովանել, որ Եփիմէին հանդիպած օրից սկսած՝ ես ինձ բոլորովին ուրիշ մարդ էի զգում: Այն աներևոյթ վարագոյրը, որի ետև իրերն ինձ երևում էին ոչ իրենց հարազատ գոյնով ու գեղով,— այն վարագոյրն արդէն պատուել էր: Իմ հայեացքները, իմ մտածումներն ու ըմբռումները կեանքի ամենամանր և հասարակ երևոյթներից սկսած մինչև ամենախոշորն ու բարդը.— այլևս նոյնը չէին, ինչ որ էին առաջ: Այն ամենը ինչ որ առաջ ինձ համար անբացատրելի ու մութն էր, ինչ որ անըմբռնելի էր ու գաղափար, կարծես մի զիւթական զաւազանի հարուածով լուծուել, պարզուել էին: Կեանքը իւր բոլոր թագուն հրապոյրներով ու ծածկուած խորհուրդներով մերկացել էր աչքիս և այժմ ես կեանքի վրայ նայում էի որպէս մի շատ ծանօթ առարկայի վրայ: Ես հասկացել

էի, թէ ինչ էր այն դատարկութիւնը, որ յայտնուել էր իմ մէջ, դէպի ուր և ում էր ձգտում սիրտս կամ ինչ անձանօթ քաղց էր, որին լցնելու, գոհացնելու այնքան մեծ պահանջ էի զգում ես, բայց չգիտէի թէ ինչով կամ ինչպէս:

Եւ որքան յաճախ էի հանդիպում նրան, որքան աւելի էի մօտենում, այնքան աւելի աչքերս բացւում էին, սիրտս փափկում էր, զգացումներս վսեմանում էին և աւելի համարձակ էի նայում կանաքի վրայ ու սիրում, սիրում էի ամենքին և ամեն բան անխափր:

Դէպի Եփիմէն զգացածս բունն սէրը ես միանգամ արդէն խօստովանել եմ: Զգալ՝ որ սիրում ես, դա չի նշանակում նաև գիտնալ, թէ ինչու ես սիրում: Ես նոյնպէս չգիտէի այդ բունն սիրոյ բուն խորհուրդը, նպատակը:

Բայց այժմ ես գիտեմ, գիտեմ որ այդ սիրոյ խորհուրդը, նպատակը սիրելի առարկային ամբողջովին տիրապիտեւն է, նրանով շնչել ու ապրելն է, նրա հետ լալ ու խնդալն է, վերջապէս նրա հետ մի սիրտ, մի հոգի կազմելու և յաւիտենական անխղիւրի կայսրով կապուելու գաղափարն է:

Ամուսնանալ նրա հետ—այս էր բոլորը:

Եւ ես վճռեցի խնդրել նրա ձեռքը, ամուսնանալ, ուսման ընթացքն աւարտելուց յետոյ:

Վճիռս չափած, կշռած ու վերջնական էր:

Այնուամենայնիւ սոյն վճռի մասին մենք ոչինչ չէինք խօսել միմեանց հետ, մտքերի, կարծիքների փոխանակութիւն չէինք ունեցել: Բայց և այնպէս մտքովս անգամ չէր անցնում, թէ կարող եմ մերժում ստանալ, թէ կարող եմ օրիորդի վերաբերմամբ սխալուած լինել: Միթէ միմեանց անկեղծ կերպով սիրող ու պաշտող հոգիները կարող են կասկածներ ունենալ կամ պէտք ունին բացատրութիւն տալու կամ ստանալու: Միթէ նրանց լուռ նայուածքները, նրանց կրծքի բարբառումները և այլ լուռ, խորհրդաւոր նշաններն աւելի պերճախօս չեն, քան լե-

զուն, աւելի ապահով գրաւականներ չեն, քան սովորական խօսք ու երգումը:

Իմ այդ որոշման մասին բնականաբար չէի խօսել և ոչ որի հետ, բայց բանից դուրս էր գալիս, որ ամենքն էլ մի այդպիսի բան արդէն գուշակում էին: Մայրս, ազգական ու բարեկամներս ընկերներս ու ծանօթներս, վերջապէս մեր խումբը ուրիշ տեսակ էին նայում Եփիմէին, մանաւանդ իմ ներկայութեամբ: Ախոյեաններս հրապարակից քաշուել էին, իսկ մեզ ճանաչող հասարակութիւնը, Յովհաննէսի ասելով, մեր մասին խօսում էր, որպէս ապագայ ամուսինների մասին, և այդ միութիւնը շատ տեղին ու օրինաւոր էր գտնում:

Յամենայն դէպս մենք դեռ համարձակութիւն չէինք ունեցել միմեանց կրկնելու ես քեզ սիրում եմ սրբազան երեք բառը:

Բացի թատրոնական բեմից, ես ու Եփիմէն միմեանց հանդիպում էինք նաև զանազան ընկերութիւնների, հանդէսների և ընտանեկան կամ հասարակական երեկոյթների մէջ: Ուր հրաւիրւում էի ես, հրաւիրւում էր և Եփիմէն կամ ուր հրաւիրւում էր նա, հրաւիրւում էի նաև ես:

Եփիմէն այլևս չէր քաշուած ինձնից. վաղուց էր, որ նա բարեկամական ազատութեամբ էր վերաբերւում դէպի ինձ, ի հարկէ չհեղուելով պատշաճի օրէնքից: Ոչ մի բան, ոչ մի շրջան չէր արգելում մեզ ազատ խօսել միմեանց հետ, վիճել և կատակներ անել:

Այս բոլորը զարմանալի յեղաշրջում էին առաջ բերել իմ մէջ: Ես դարձել էի շափսպանց ուրախ, կատակաբան և շատախօս: Այլևս խոյս չէի տալիս մարդկանցից, ընդհակառակը ես ինքս էի աւրիթ որոնում մտնել մարդկանց մէջ, շփուել ամենքի հետ անխափր:

Մի օր մեր ընտանիքի շրջանում շատ դուարճախօսութիւն ու կատակներով ամենքին ծիծաղեցնելուց յետոյ, մայրս լուրջ կերպով հարցրեց:

— Հ՞ր, այդ ի՞նչ է պատահել, բնաւորութիւնդ շապկէ նման ես փոխում:

— Ի՞նչպէս, հետաքրքրուեցի ես նրա միտքը լաւ չհասկանալով:

— Այնպէս, որ այժմ կարծես բոլորովին ուրիշ մարդ լինիս: Առաջ անհոգ անտարրեր էիր, ոչնչով չէիր հետաքրքրուում, խօսքերդ սուղ էիր ծախում, իսկ ծիծաղ՝ նրան պէտք էր կարթով դուրս քաշել, ապա դարձար մտածկոտ, լռակեաց ու ծածկամիտ. ոչ միայն դու չէիր խօսում կամ ծիծաղում, այլ և քո միշտ սեղմուած յոնքերին, ախուր ու մռայլ դէմքին նայողը մոռանում էր իւր խօսքն ու ծիծաղը... Իսկ հիմայ դարձել ես շատախօս, կատակարան. միշտ ուրախ ես և ուրախացնում ես ամենքին: Ի հարկէ այս ամենը առանց պատճառի չեն, դրանք կապ ունին մարդու հոգեկան արամադրութիւնների և այդ արամադրութիւնների փոփոխութիւնների հետ:

— Ի հարկէ, առանց պատճառի յիմարները միայն կարող են խնդալ կամ արտասուել:

— Ուրեմն կ'այ պատճառ:

— Ի հարկէ...

— 2՞ի կարելի որ բացատրես ինձ, որպէս մայր ես իրաւունք ունիմ պահանջելու:

— Հրամայեցէք: Դու գիտես, որ ես արդէն չափահաս եմ տարիքս արտօնում են ինձ ազատութեամբ վայելել իրաւունքներս: Գիտես, որ գործերս գնում են ժամացոյցի ճշտութեամբ և արդէն նիւթական ու բարոյական այնքան պաշար ունիմ, որ կարող եմ առանց քաշուելու մուտք գործել հասարակութեան բոլոր խաւերի մէջ: Սրանցից բացի, ոչ միտքս և ոչ ձեռքերս մինչև այսօր չեն գործել այնպիսի անվայել գործեր, որոնք արատ բերէին պապերիս, ծնողներիս և իմ անուանս... Եւ միթէ սրանք ամենահոգ որ յարգելի պատճառներ չեն:

Մայրս ուշադրութեամբ ինձ լսելուց յետոյ մի քանի րոպէ լռեց. ապա ասաց.

— 2ըգիտեմ, մարդիկ ինձ երանի են տալիս, բայց ինչու...

ինչ էլ որ է, աշխատիր, որ այդ երանիները տեական լինին ինձ համար, և կարողանամ մարսել:

Նա վերջացնելով խօսքը հեռացաւ:

Տարիներ անցնելուց յետոյ միայն հասկացայ թէ այդ խուլ ակնարկներով ի՞նչ էր ուզում ասել մայրս. Հէնց նոյն օրն էլ մասամբ ես հասկանում էի ու գուշակում, որ մայրս խօսում էր ինչ որ նախադպացումների ազդեցութեան տակ. այնուամենայնիւ յամառարար պնտում էի ինքս ինձ թէ նա սխալում է: Գիտէի, որ նա շատ հեռուն էր մտածում և այդ հեռու ասպզան շատ անորոշ ու պղտոր էր տեսնում. Պատճառն՝ ի հարկէ՝ ես չգիտէի, ոչ էլ փորձում էի իմանալ: 2՞ է որ մի անգամ արդէն ասացի, թէ ենթարկուելով կեանքի հոսանքին, զինաթափ էի եղել և ինքս ինձ բոլորովին անզօր էի դաււմ՝ ըստ առաջնոյն, կամքիս և հաճոյքներիս վրայ իշխելու:

Եթէ ամեն ինչ մարդուս մէջ բնազդական է, գոնէ կամքի և հաճոյքի մասին այդպէս կարելի չէ դատել: Որքան ես գիտեմ, կեանքն ինքն է մարդուս կամքի և հաճոյքի ստեղծողը և ձևակերպողը: Եւ սրանք են մարդու թէ ամենամեծ բարեբարները, թէ ամենամեծ թշնամիները նրա գոյութեան ամբողջ ընթացքում: Այդ ի հարկէ կախուած է այն բանից, թէ որպիսի հանգամանքներից են սնունդ առնում նրանք կամ որպիսի պայմաններով ձևակերպուում:

Քանի որ այդ կեանքի գոյութեան և նրա առաջադիմութեան սկզբունքն առ այժմ մեծ մասամբ անբարոյականութիւնն է, և քանի որ այդ կեանքը՝ քաղաքակրթութեան ու լուսաւորութեան դիմակի տակ ծածկուած՝ առաջադիմում է աւելի շուտ գիտի ու մոլի ճանապարհով, — այն ժամանակ հասկանալի է իւրաքանչիւր մի անհատի կամ մի ժողովրդի բարոյական անկման գլխաւոր պատճառը և աղբիւրն այն նախադպացման, որ հայրերն ու մայրերն ունենում են իրենց զաւակների ասպապջի մասին:

Թերևս մօրս նախադպացումն էլ հենց այդ աղբիւրից էր բղխում և նա նայելով ապականուած կեանքի ու այլասե-

առած հասարակութեան վրայ, կասկածանքով էր նայում ապագայիս . . .

է.

Այդ տարուայ թատրոնական սեղոնի վերջին ներկայացումը, որ «Վարդանայ Պատերազմ» ողբերգութիւնն էր, տեղի ունեցաւ բուն բարեկենդան հինգշաբթի օրը, Վարդանանց տօնին: Եղանակը սաստիկ փոփոխական լինելով, ես ցուրտ առայ, այնպէս որ բոլորովին կաղզուրուելու համար, վճուեցի մի քանի օր տանից դուրս չելնել: Սակայն նոյն շաբթի ուրբաթ օրը՝ երեկոյեան տոմսակ ստացայ տեսչից, որով հրաւիրում էր սիրողների պատուին տրուելիք ճաշկերոյթին ներկայ գտնուելու, որ տեղի պիտի ունենար շաբաթ օրը, իւր տան մէջ:

Անշուշտ կը մերժէի այդ հրաւերը, եթէ դա լուրջէֆի համար լինէր և կապ չունենար մեր թատրոնական աշխատանքի հետ: Բայց որովհետեւ նա տրուում էր խմբի պատուին, ուր պիտի քննուէր և վաւերացուէր նաև մի տարուայ ներկայացումների ելեմտից հաշիւը—եւ ստիպուած էի գնալու: Բացի այդ համոզուած էի, որ Եփիմէն էլ այնտեղ կը լինէր, որին հանդիպելու և նրա քաղցր ներկայութիւնը վայելելու համար պատրաստ էի ամեն տեսակ զոհարեցումներու:

Միև օրն առաւօտեան բաւական առողջ էի դուրս ինձ, ուստի սրոշեալ ժամին ճանապարհ ընկայ դէպի տեսչի տունը: Հրաւիրուածները բոլորն էլ այնտեղ էին: Երևում էր, որ ամենքն էլ ուրախ տրամադրութեան տակ էին, որովհետեւ նրանց ազմակալից զրոյցն ու ծիծաղը լսում էր փողոցում:

Մանելով դահլիճը, սովորական բարեի հետ միասին աչքերս անգիտակցաբար սկսեցին փնտրել Եփիմէին: Խմբի երկսեռ բոլոր անդամներն այնտեղ էին, իսկ Եփիմէն չկար: Յանկարծ տխրեցի և երկրորդ անգամ նայեցի շուրջս: Բացի այն, որ սղմկալից խօսակցութիւնը յանկարծ դադարել էր. ես տեսնում էի,

որ ամենքն էլ նայում են ինձ և թէ նրանց նայուածքի մէջ կար ինչ—որ ցաւակցական բան: Ծանր տպաւորութիւնն ինձնից վանելու մտքով մի քանի անկապ հարցեր արի. նոյն իսկ ժըպտացի, բայց տեսայ որ ձայնս կեղծ է հնչում, որ սիրտս ճմբւում է: Առաջին պատահած աթոռն առնելով, նստեցի աղատ անկիւններից մէկում, երբ աչքս ընկաւ Յովհաննէսին: Նա էլ նայում էր ինձ, բայց չգիտեմ ինչու իսկոյն գլուխը քարշ պցեց, թէև տեսայ, որ տխուր էր:

Այդ ժամանակ միւս դրնից ներս մտաւ տեսչի աղջիկը, մատուցարանը ձեռքում,—ուր դրուած էր մի բաժակ խմիչք և այլ քաղցրաւենիք,—մօտեցաւ ինձ և խնդրեց ընդունել: Ես ուղեցի հրաժարուել, որովհետեւ դեռ առաջին տխուր տպաւորութեան տակ էի գտնուում. երբ նա ասաց:

— Լաւ ընդունեցէք... գիտենք ի՞նչու էք տխուր, սակայն հենց հիմայ Ափիկեանը ասում էր, որ խմիչքը մարդուս տըխութիւնը փարատում է:

Օրիորդի անորոշ խօսքերն ինձ տակնուվրայ արին: Կրկին նայեցի շուրջս և նոյն տարօրինակ նայուածքներին հանդիպելով, հարցրի:

— Լաւ, մի ծածկէք, մենք արդէն գիտենք, կրկնեց օրիորդը նոյն ոճով:

— Բայց ի՞նչ է պատահել, ի՞նչ գիտէք կամ ի՞նչ եմ ծածկում. պարզ խօսեցէք, խնդրեմ:

— Որ Եփիմէն նշանուել է...

Կարծես մի կո՛ժ սառը ջուր թափեցին գլխիս: Սիրտս սկսեց արփիկ աչքերս մի տեսակ ամպակալեցին և ծնկներս սկսեցին դողալ: Ինձ այնպէս թւաց՝ թէ ներսս մի շէնք քայքայում է և ինչ—որ մի բան կարուելով սրտիցս վայր է ընկնում:

Բայց այդ բոլորը մի քանի վայրկեան միայն տևեց, դրութեանս անհեթեթունն զգալով, լարեցի բոլոր ուժերս և յաջողուեց ինձ ինքս ինձ տիրապիտել: Ու ուրախութիւն կեղծելով ասացի:

— Ձեր անորոշ խօսքերով ինձ լաւ վախեցրիք, օրիորդ, ես կարծեցի մի մեծ դժբաղդութիւն է պատահել:

— Հապա ի՞նչ է, հարցրեց օրիորդը անփորձ աղջկայ սիւսմութեամբ:

— Դա բաղդաւորութիւն է, որի համար պէտք է ուրախանալ և ոչ տխրել... մեր խմբի անդամուհիներէից մէկը, ինչպէս ասում էք, նշանուել է և պէտք է ամուսնանայ, այսինքն նա հասել է իւր նպատակին, ի՞նչու ուրեմն մենք տխրենք... Ես խմում եմ նրա կենացը առանց պայմանի, իսկ նրա ամուսնացուի կենացը՝ պայմանով, եթէ նա մեր խմբին չի զրկի նրա մասնակցութիւնից:

Ու կեանքիս մէջ առաջին անգամը լինելով դատարկեցի օրիորդի մատուցած ոգելից խմիչքով լի բաժակը:

Այդ բաժակը խմելով, միտք ունէի իմ ներս բռնկուած հըրդէհը մարելու, փոթորիկը խեղդելու: Բայց նա աւելի ևս սաւտկացրեց: Այնուամենայնիւ ամբողջ ժամանակ կարողացայ խեղդուած պահել իմ մէջ դառն զգացումները և աշխատեցի կարելոյն չափ անտարբեր և ուրախ ձեւանալ, որպէս էի սովորական ժամանակ: Եւ այդ ինձ այնքան յաջողեց, որ շատերը սկսեցին համոզուել, թէ վարկենական շփոթումս առաջ էր եկել ոչ թէ Եփիմէի նշանադրութիւնից, այլ օրիորդի խօսակցութեան անորոշութիւնից:

Ի հարկէ այս բանում ես պարտական էի բեմական արուեստին: Եթէ դերասանը իւր հոգեկան տրամադրութեան ամենաուրախ ժամին կարողանում է հասարակութեան առաջ ներկայացնել մի շատ տխուր պատկեր, կամ՝ սրա հակառակ՝ նոյն դերասանը իւր ամենատխուր բոլորում եթէ կարող է հանդէս գալ մի շատ ուրախ դերում, ի՞նչու ուրեմն նա չի կարող թատրոնից դուրս, կեանքի մէջ ևս, ըստ պահանջել հարկին, կատարել իւր տրամադրութեան բոլորովին հակառակ դերեր:

Ճաշը մի փոքր ուշ սկսուած լինելով, բուսական երկար տեկոց: Որքան զինին շատ էր սպառուած, այնքան հիւրերի դէմ-

քերը փայլում էին, այնքան աւելանում էր ուրախութիւնը, քէֆը, զուարճութիւնը: Իսկ սրա հակառակ, որքան ուրիշները ուրախանում էին, այնքան աւելի ես տխրում էի և զրոււմ, որ չպիտի կարողանամ մինչև վերջը տանել, որ ներսս աստիճանաբար սաստկացող փոթորիկը պիտի պայթի: Ուստի հիւանդութիւնս պատճառ բերելով, որի մասին արդէն գիտէին ամենքը, ներսզութիւն խնդրեցի ու դուրս ելայ:

Բայց հիւրերի մէջ կար մէկը, որ կարողացել էր ժամանակին գուշակել, թէ արտաքին խաղաղութեան տակ հոգեկան որպիսի տառապանքներ են թագնուած:— Դա Յովհաննէսն էր, որի տխրութիւնը, ինչպէս առաջ ասացի, ես նկատել էի առաջին բոլորից և որը տեկց մինչև վերջը: Նա իմ ետևից թողնելով ճաշի սեղանը, ճանապարհի կէսին հասաւ ինձ:

— Այդ ի՞նչ էին ասում, Իվան. ասս խնդրեմ, կատանկ էին անում. հարցրի ես առանց նախաբանի:

— Դժբաղդաբար ո՛չ, ասաց նա դողացող ձայնով,—բայց կայ մի բան, որ դու գուցէ չգիտես. թէև այս բոլորիս ամբողջ քաղաքի խօսակցութեան նիւթն է կազմում:

— Ի՞նչ բան է հարցրի անհամբերաբար:

Նա երևի մտքերն ամփոփելու համար իսկոյն չպատասխանեց:

Ես յուզուած կրկնեցի.

— Հը, ի՞նչ բան է. շուտ պատասխանիր, աղաչում եմ... երևակայել չես կարող, թէ այս վարկեանիս ամեն մի քողարկուած միտք կամ բառ որքան ծանր է աղղում վրաս... ես կըխելազարուիմ...

— Խեղքի արի. դժբաղդութիւնների ու արգելքների մէջից կարելի է յողթանակով դուրս գալ պաղարին դատողութեամբ միայն: Դիւրագրգռութիւնը ընկճման նշան է, նա տանում է դէպի կորուստ:

— Հոգեբանական դասախօսութիւն անելու ծամանակ

գտար... լսւ, թող քո ասածը լինի, կաշխատեմ պաղարիւն լսել և պաղարիւն դատել—դէ՛հ ասա՛, մի ուշացնի...:

— Եփիմէի հարսնախօսութեան և նշանագրութեան հարցը վճռուել է երեկ և այդ ճիշտ է, բայց ճիշտ է նոյնպէս, որ այդ բանը կատարուել է հակառակ օրիորդի կամբքին: Նա ծնողներին ու հիւրերի ներկայութեամբ բացարձակ յայտարարել է, որ ինքը քեզնից բացի ոչ ոքի չի գնալ:

— Այդ դու սրտեղից գիտես, ուրախութեամբ հարցրի:

— Ասածս ճիշտ է. ինձ պատմել է նոյն հիւրերից մէկը:

Ես ազատ շունչ առայ, կուրծքս ճնշող ծանր լեռը գլորուեց ցած և գլխիցս փարատուեց այն քօսը, որ այնպէս տակնուվրայ էր արել ուղեղս:

— Գիտես ով է նրա ձեռքը խնդրողը:

— Ապրօն... կարծեմ նրան ճանաչում ես, այն երիտասարդը, որ մի ինչ որ քէֆում, հասարակ հակաճառութեան պատճառով, դաշոյնով վիրաւորեց Բ.-ին և որը երկար տանջուելուց յետոյ՝ վերջապէս՝ մեռաւ:

— Այո՛, ճանաչում եմ, բաւական հարուստ է, բայց խելքով աղքատ, անբարոյական անպիտանների մէկը... խեղճ Եփիմէ...:

— Անպիտանութիւնը, անբարոյականութիւնը, նոյն իսկ ոճրագործութիւնը ոչինչ են, արատներ չեն, բաւական է որ հարուստ է: Ոսկին աւելի մեծ կեղտոտութիւններ է ոսկեգօծում, աւելի մեծ ոճիրներ ծածկում: Հենց այս հարցում էլ գլխաւոր դեր խաղացողը ոսկին է եղել: Հաւաստի տղբիւրից գիտեմ, որ մի քանի օր առաջ Ապրօն երկու հազար բուրբի է տուել Եփիմէի հօրը, իսկ մի քանի օր յետոյ խնդրել է աղջկայ ձեռքը, փոխ առած դրամը յետ շտանալու պայմանով: Այդ լուրը այնքան ճիշտ է, որքան ճիշտ է, որ ես Յովհաննէսն եմ: Արդէն այդ ձևով վարուել է նաև միւս աղջիկների ամուսնութեան ժամանակ: Դրա համար է, որ նրա աղջիկներին «բանկի թիւտ» են կոչում:

— Այդ բոլորը ես գիտեմ, գիտեմ նոյնպէս, որ փեսաներից մէկին էլ հասցրեց խելագարութեան:

— Ուրեմն ի՛նչ կարելի է սպասել այնպիսի մի հօրից, որ ընտանեկան ամենափափուկ խնդիրների մէջ էլ իւր մասնաւոր շահերն ու հաշիւներն է որոնում կամ ի՛նչպէս կարելի չհաւատալ, թէ նա աղջկայ սիրտը, սէրը, կեանքն ու երջանկութիւնը ծախել է երկու հազարով:

Որքան էլ աշխատում էի պաղարիւն մնալ, չվրդովուել— չէր լինում: Լսելով այդ ամենը յիշելով դրանց քսամնիլի արարքները— արիւնը խփում էր դուխս, զանազան չար ու բարի մրտքեր մղում էին ինձ դէպի վրէժխնդրութիւն, ստիպում էին ճակատ առ ճակատ համար ու հաշիւ պահանջելու բռնաւոր հօրից:

Սակայն հարցը դեռ պարզուած չէր, ուստի դարձայ Յովհաննէսին:

— Մի բան ես չեմ կարողանում լաւ մարտել. ախար առանց աղջկայ բացարձակ հաւանութեան հայրն ի՛նչպէս կարող էր խօսք տալ մինչև անգամ թոյլ տալ, որ նշան բերին:

— Եւ դիւրին մարտելու էլ բան չէ, եթէ ընդհանուր մարդկային իրաւունքների տեսակէտից դատելու լինինք, պատասխանեց Յովհաննէսը կանգ առնելով:— Բայց մի մոռանաք որ մեր ժողովուրդը ունի իւր առանձին օրէնքը, առանձին հասկացողութիւնը: Մեղանում հայրը իւր աղջկայ բացարձակ տէրն է. հայրը աղջկայ վրայ նայում է որպէս մի առարկայի վրայ, իսկ առարկաները կարող չեն կամք ու իրաւունք ունենալ: Մեղանում հայրը իւր աղջկան կարող է տալ մի աղամարդի, թէև աղջիկը նրան ատելիս լինի կամ սրա հակառակ կարող է չտալ նրա սըրտի սիրածին: Թէև հարցը վերաբերում է բացառապէս աղջկան, թէև դա նրա համար կեանքի ու մահու խնդիր է, այնուամենայնիւ երկու դէպքում էլ իրաւունք չունի ընդդիմանալու հօր կամբքին: Աղջիկը պարտական է սիրելու մէկին, եթէ հայրն այդպէս է կամենում է կամ խեղդելու իւր մէջ դէպի մի ուրիշն ունեցած սիրոյ զգացումը, եթէ հօրն այդ հաճելի չէ կամ հակա-

ուակ է նրա շահերին, նրա ինչ-ինչ հաշիւներին: Մի խօսքով մեր աղջիկները ոչնչով տարբեր չեն հրապարակում վաճառուող ձիերից, էշերից և այլ անասուններից, որոնց տէրերը կարող են ծախել ումն էլ կամենան:

— Իսկ եթէ աղջիկը՝ գուրս գալով առարկայական կամ անասնական դրուժիւնից, մտածէ իւր արդար իրաւունքները պաշտպանել, ինչպէս՝ քո ասելով՝ արել է Եփիմէն... բարկութիւնս դսպել չկարողանալով նկատեցի ես:

— Դա բացառութիւն է... Որքան յիշում եմ մեղանում մի այդպիսի դէպք դեռ չի պատահել,—պատասխանեց նա մտադրազ ձևով:

— Կարող է մինչև այսօր չպատահած լինել, բայց այսօր՝ ահա պատահում է... Դու շատայնիք թէ օրիորդը բացարձակապէս մերժել է ինձնից բացի մի ուրիշի հետ ամուսնանալ. ուրեմն այս դէպքում ի՞նչ կարող է անել հայրը:

Յովհաննէսը գառն ժպիտը շրթուներին կրկնեց.

— Հայրը...

Ապա ձեռքերը արորելով ասաց.

— Հայրը շատ բան կարող է անել, մինչդեռ նրա հետ է ամբողջ քաղաքը, հասարակութեան կարծիքը: Հայրը կը բռնադատի նրան, կը տայ զօրով, ամեն ներկի ու աններկի միջոցներով կտտիպէ. հակառակ դիպուածում կը տանջի, քաղցած՝ ծարաւ կը պահի, մինչև որ խելքի կը գայ, մինչև որ կը հնազանդի հօր կամքին...

Յովհաննէսը խօսելու ժամանակ միշտ քջջում էր գլխի մագերն ու շիկագոյն նօսը մորուքը, որպէս սովոր էր անել բարկացած կամ որևէ մի ծանր խնդրի մասին խօսելիս:

Նա լուրթեամբ մի բանի քայլ անելուց յետոյ, շարունակեց.

— Ենթադրենք թէ աղջիկը՝ գուրս գալով առարկայական դրուժիւնից, իւր իրաւունքները պաշտպանելու հաստատ որոշմամբ, դիմանալով տանջանքներին ու գրկանքներին, չուզեց հնազանդել հօր կամքին, այլ՝ այսպէս ասենք՝ մտածեց բողոքել

այդ բոլորի դէմ: Չատ լաւ, բայց սում կարող է բողոքել նա: Հասարակութեան, չէ՛ որ հասարակութիւնը ոչնչով տարբեր չէ նրա հօրից: Դատարանին,—չէ՛ որ այնժամանակ ամբողջ քաղաքը կը թքէ նրան, կը խայտառակի, ծաղր ու ծանակի առարկայ կը դարձնի...

Նա կրկին սկսեց մազերն ու մօրուքը քջջել և վերջը եզրակացրեց.

— Չէ, աղջիկն անգոր է, ամեն իրաւունք հօր ձեռքին է, որին ակներև կերպով պաշտպանում ու քաջալերում է հասարակութիւնը, որովհետև բոլորն էլ մի ապականուած օդի ծնունդ են, մի սանրի կտաւ:

Ես էլ լաւ ճանաչում էի մեր հասարակութիւնը և սկսեցի համոզուել, որ Յովհաննէսի կարծիքը ճիշտ էր, որ հակառակ դիպուածում կարող էին օրիորդին բռնադատել, կարող էին ճնշում բանեցնել, տանջել, մինչև որ նա կը համաձայնէր:

— Եթէ այդպէս է, էլ ինձ համար ի՞նչ օգուտ ունի օրիորդի ընդդիմութիւնը, որով առաջ այնքան յուսադրեցիք ինձ:

— Այն օգուտը, որ դու կաս, իսկ քո հետ կը լինին և շատերը, եթէ չստեմ ամբողջ երիտասարդութիւնն ու մամուլը: Երիտասարդութիւն և մամուլ—սրանք ամբոխի ինստիւթաներով չեն առաջնորդում, սրանք ամբոխի խաւից բարձր են և ամբոխի տեսակէտից չեն նայում ամուսնական խնդրի ու իրաւունքների վրայ: Ասել է թէ Եփիմէն գտնում է բացառական պայմանների մէջ, նա անպաշտպան չէ: Ի հարկէ ինչ էլ որ լինի, հասարակութիւնը այդ ըմբոստութեան վրայ հաշտ աչքով չի նայի, սակայն այդ հասարակութիւնը ինչ անուն ուզում է, թող տայ օրիորդին, այնուամենայնիւ նա քո տան մէջ, քո շրջանում միշտ կը վայելի ամենապատուաւոր կնոջ պատիւը...

Յանկարծ խօսքը փոխելով դարձաւ ինձ ու հարցրեց:

— Հայրը երբ և իցէ աղջկայ ամուսնութեան մասին խօսել է քո հետ կամ դու մերժել ես ամուսնանալ:

— Ո՛չ. նա բացարձակ ոչինչ չի խօսել հետս... Հա՛, որ-

քան յիշում եմ, սրանից մօտ մի ամիս առաջ, այն էլ միջանկեալ, խօսք բացեց և ասաց թէ Եփիմէի ձեռքը խնդրողներ կան ու յիշեց մի քանի անուններ... Ենթադրելով թէ նա խորամանկութեամբ ուզում է ինձնից խօսք դուրս քաշել և քաղաքում տարածուած լուրերն ստուգել—չատ անորոշ պատասխան տուի, ես ասացի՝ թէ իզուր է շտապել, թէ օրիորդը դեռ փոքր է, ուսումը չի վերջացրել, թէ պէտք է թողնել, որ նա մտաւարապէս ու ֆիզիքապէս հասունանայ, թէ այնժամանակ գուցէ լոյս ընկնին աւելի համապատասխան երիտասարդներ... Ապա աւելացրի, որ ես օտար մէկն եմ և կարծիքս չի կարող իրենց համար մի մեծ հեղինակութիւն համարուել, որ ինքը որպէս հայր ի հարկէ կարող է իւր աղջկայ ապագայի մասին աւելի նպաստաւոր կարգադրութիւն անել...

— Ուրիշ...

— Ուրիշ ոչինչ...

Նա շարժեց գլուխը, ապա ասաց.

— Իսկ նա հաւատացնում է աղջկան, թէ դու բացարձակապէս մերժել ես և այդ լուրը. ի հարկէ կողմնակի միջոցներով, աշխատում է տարածել քաղաքի մէջ:

Այդ ժամանակ մենք թեքուեցինք մեր փողոցը: Մեր բակի դրան առջև, որ շատ էլ հեռու չէր, կանգնած էր մի անծանօթ մարդ: Ինչպէս երևում էր, նա ճանաչում էր ինձ, որովհետև տեսնելուն պէս իսկոյն շտապեց դէպի ինձ: Խորին կերպով գլուխ իջեցնելով, նա կանգնեց մեր առաջ, ու ձեռքը ծոցը տանելով ինչ-որ դուրս հանեց: Ապա հանդարտ ու մեծ զգուշութեամբ բաց արեց փաթեթը, ապա մի ուրիշ փաթեթ, վերջը բաց արեց մի թղթի կտոր և միջիցը փակ ծրար դուրս քաշելով մեկնեց ինձ:

— Յանձնարարութիւնից էլ ծանր բան չկայ, ասաց նա, փառք Աստծու որ պարտականութիւնս սրբութեամբ կատարեցի, այժմ գնում եմ խաղաղ սրտով:

Եւ գնաց, առանց պատասխանի կամ շնորհակալութեան սպասելու:

Բ.

Երեկոյեան ժամը երեքն անց էր. Հիւսիսից փշում էր բաւական ցուրտ քամի և թափանցում մինչև մարդուս ոսկրները: Ես մրսում էի և զգում, որ երեսիս մորթը զգալի կերպով ձրգ-ձրգում է, իսկ երբեմն ամբողջ մարմնով սարսուում:

Նախորդ օրուայ հիւանդութեան բոլոր նշաններն էին, որ կրկնում էին: Բայց ես առաջուայ նման այլևս ուշադրութիւն չէի դարձնում. ինձ կրանել էր մի ուրիշ հոգս, ուրիշ մտածում, որ աւողջութիւնիցս աւելի ծանրակշիւ էր: Մտանք տուն: Մայրս զբաղուած էր երեկոյեան ընթրիքի պատրաստութեամբ: Նա հազիւ ժամանակ գտաւ մեզ դիմաւորելու և Յովհաննէսի հասցէին մի քանի նախատական խօսք ուղղելուց յետոյ, որ նա շատ ուշ-ուշ էր գալիս մեզ մօտ, իրեն թանկ էր ծախում,—կըրկին գնաց իւր գործին: Մենք մնացինք մենակ:

— Ի՞նչի մասին էինք խօսում,—ընդմիջուած խօսակցութիւնը շարունակելու մտքով հարցրի:

Յովհաննէսը մի շատ տարօրինակ ձևով նայեց ինձ, որք մէջ կար և՛ կասկած և՛ դարմանք:

Յիշելով ընդմիջուած խօսակցութիւնն ասացի.

— Հա՛, իրբ թէ ես մերժողական պատասխան եմ տուել հօրը և...

— Զարմանալի բան խօսքս կրկին ընդմիջելով ասաց Յովհաննէսը ուսերքը վեր քաշելով:

Յետոյ հարցրեց.

— Դու նամակաբերին չճանաչեցիր:

— Ո՛չ. ի՞նչ կայ որ... բայց թողնենք այդ. ով ուզում է, թո՛ղ լինի, ինձ համար միևնոյնն է. այս ըոպէիս զբանցով հետաքրքրուելու և մասնաւոր նամակներ կարդալու գլուխ չունիմ...

— Ստացածդ մասնաւոր նամակ չպիտի լինի. բերողը նրանց այգեպանն էր: Ես նրան լաւ եմ ճանաչում և յիշում եմ

նրա խօսքերը նամակը քեզ տալու ժամանակ: Կարծում եմ, որ այդ նամակը շատ բան պիտի պարզի:

Ես կարծես սթափուեցի խոր քնից և շտապեցի դուրս հանել ծրարը:

— Իրաւունք ունիս, Յովհաննէս, սա նրա ձեռագիրն է,— բացականչեցի ես և ծրարը պատռելով խորին երկիւղով դուրս քաշեցի նամակը:

Սիրտս այդ բովանդակն տրոփում էր անսովոր արագութեամբ ուրախութիւն և վիշտ, յոյս ու յուսահատութիւն, քաջութիւն և վեհերոտութիւն— այս բոլորը խառնուել էին միմիեանց, կուռւմ, պատերազմում էին, առաջ բերելով զգացումների մի կատարեալ քառ:

«Արդեօք ինչ է բերում ինձ այս նամակը, ինչ պիտի ափսոսանք, թէ՛ շառ» մտածեցի ես և բոլոր քաջութիւնս ժողովելով, սկսեցի կարգալ:

Նամակի սկիզբն այնքան էլ չէր հետաքրքրում ինձ, որովհետև օրիորդը Յովհաննէսի տեղեկութիւններն էր հաստատում: Նա գրում էր երկու հազար բուրբու մասին, որ ստացել էր հայրը փեսացուից, յիշում էր իբր իմ մերժողական պատասխան սոււած լինելու մասին և ի միջի այլոց գրում էր:

«Հայրական տան մէջ, ուր ծնուել ու սնուել եմ, այդ տան մէջ բանաւարկուած եմ ես, որպէս յանցագործ: Յանցանքս կայանում է նրա մէջ, որ պաշտպանելով իրաւունքներս ամուսնութեանս խնդրում, ընդգիմանում եմ հօրս կամքին, չեմ ուզում գնալ նրան, որին չեմ կարող սիրել: Արաքին բոլոր յարաբերութիւններից զրկուած եմ. եթէ մօտս եկողներ էլ լինում են, գալիս են նրա համար միայն, որ նախատեն, թքեն, մրեն և ստիպեն ինձ զիջանել հօրս կամքին: Ինչեք առես չեն ասում. և՛ աղաչում, ինդրում են, և՛ սպառնում ու տանջում են: Այսպէս են վարում հետս և՛ կանայք և՛ տղամարդիկ... բոլորը միացած ձգտում են մի բանի միայն—խլել սիրտս մէկից, որին վաղուց, շատ վաղուց տուել եմ և տալ սէկին, որի անունն իսկ զրուանք

է բերում ինձ... Սակայն թող ինչ կուզեն անեն. եթէ նրանց ոյժերը բաւական չեն, թող օգնութեան կանչեն սատանաներին, այնուամենայնիւ որոշմանս վրայ հաստատ եմ և նրան քանդել չի կարող ոչ որ: Տանջանքի ու տառապանքի մէջ, վշտի ու յուսահատութեան մէջ՝ կայ մի բան որ սիրտ է տալիս ինձ—գա այն համոզումն է, թէ արգար եմ, թէ պաշտպանում եմ իմ իրաւունքը: Չէ որ ես եմ ամուսնացողը, իմս պիտի լինի ամուսինը, մինչև գերեզման ես պիտի սպրեմ նրա հետ, ուրեմն ինչ են կամենում այդ մարդիկ... Հայրս ասում է, որ դուք մերժել էք... նոյնը հաստատում են ինձ մօտ եկող ամենքը... ես չեմ հաւատում, ո՛չ, չեմ հաւատում: Եւ տանջում է ինձ այն միտքը, թէ ինչ են ուզում ձեզնից, ինչու կամենում են անպատճառ ցելստել ձեզ իմ առաջ, կարել սիրտս ձեզանից...»

Գրիչ առայ ձեռքս միմիայն երկու սող գրելու. բայց սիրտս այնքան լիքն է, այնքան լիքը, որ սկսմայ երկարեց նամակս, այնինչ բուն խնդրի մասին դեռ չեմ գրել: Ես հաւատացած եմ, որ լսելով ինձ հետ պատահած գէպքը, չէիք կարող անտարբեր մնալ, կրփութայիք պաշտպանել ինձ: Աղաչում եմ, չլինի թէ մի այդպիսի փորձ անէք: Նա (որի անունը զրուանք է բերում ինձ) իմ ներկայութեամբ սպառնաց սպանել ձեզ, եթէ այստեղ աեսնէ... Ո՛հ, ես վախենում եմ, բնագղումս ինձ ասում է, որ նա չար է, վատ է, ընդունակ է ձեր կեանքի դէմ սուր շարժելու: Այդ պատճառով էլ շտապում եմ գրել ձեզ, որ ոչ մի փորձ չանէք... յոյս ունիմ թէ ես ինքս պիտի կարողանամ դուրս խրկել անկող փեսացուին: Հաւատացէք, որ ոչ մի հանդամանք ինձ չպիտի կարողանայ ընկճել: Թերևս շուտով առիթ ունենաք այս բոլորը երազ կարծելու...»

Նախ քան սոյն նամակն ստանալը, Յովհաննէսի հաղորդած լուրերի վրայ հիմնուելով, վճուել էի օրէնքով պաշտպանել օրիորդին նրա հօր և անկոչ փեսացուի բռնութիւնների դէմ: Ինձ այս պատասխանատու քայլն անել զրգողը լով սէրը չէր, ալ աւելի մեծ բան: Իմ պարտականութիւնը անձնական սիրոյ սահ-

մանից դուրս գալով, տարածւում էր բոլոր օրիորդների վրայ, որոնք նոյնքան հլու զոհ էին տիրապիտող կարգերի առաջ: Ես ի հարկէ չէի կարող ուրանալ ծնողների իրաւունքը դէպի իրենց զաւակները: Ծնողների պարտականութիւնը ծանր է որպէս իրենց զաւակներին, նոյնպէս ազգի և ամբողջ մարդկութեան առաջ: Բացի այդ հայրը որպէս փողոցի մարդ, նա աւելի ձեռնհաս է ճանաչելու մարդկանց, որով իրաւունք ունի արգելք դառնալու այճկայ ընտրութեանը եթէ աղջիկը սխալուած է, բայց ոչ մի հայր իրաւունք չունի աղջկանը վաճառելու, վարուելով նրա հետ որպէս մի առարկայի հետ: 2է որ սա գերեզմանութիւնից աւելի քստմնելի է:

Աչքի առաջ ունենալով այս ընդհանուր նշանակութիւն ունեցող հանգամանքը, ես մտածել էի արձագանք տալ Եփիմէի օրինաւոր բողոքին, որով թերևս կարելի լինէր օրիորդական դասակարգը առարկայական դրութիւնից հանելով, հասցնել մարդավայել դիրքի, ճանաչել տալ այդ անզօր տարրի սեփական իրաւունքները: Իմ վճիռն աւելի յանդուգն էր, հաստատ որոշել էի կանգ չառնել ոչ մի արգելքի առաջ, ոչ մի խոչնդոտի առաջ, մինչև անգամ զոհել կեանքս, եթէ բռնաբարուած իրաւունքների վերականգնումն ինձնից պահանջելու լինէր մի այդպիսի զոհ:

Այո ես այդպէս էի վճռել:

Բայց Եփիմէի նամակը քանդեց ամեն ինչ: Ես ստիպուած էի օրիորդի թախանձանքին զիջանելու, ստիպուած էի տեղի տալու, առժամանակեայ կերպով յետաձգելով ծրագրիս իրագործումը, մինչև որ հանգամանքները ցոյց կըտային ինչ անելիքս: Որքան էլ յուսահատական լինէին Յովհաննէսի կարծիքները, այնուամենայնիւ ես գալիս էի այն համոզման, որ խաղը դեռ տանուլ տուած չէ: Հայրը այճկայ վրայ բռնութիւն գործ գնելով հանդերձ, դժուար թէ ծայրահեղ միջոցների դիմէր այն համոզմամբ, թէ ես կարող եմ միջամտել և գործին սուր կերպարանք տալ: Բացի այդ կար նաև ուրիշ մխիթարիչ հանգամանք,

այն է մինչև մեծ պաս, երբ սլտակակատարութիւնը դադարում է, մնացել էր մի երկու տասնեակ ժամ միայն: Ինչ կարող էին անել այդ մի քանի ժամում, մանաւանդ որ օրիորդը հակառակ էր այդ բանին և ըստ իւր նամակի, հակառակ էլ պիտի մնար մինչև վերջը...

Իմ կարծիքի հետ համաձայն գտնուեց նաև Յովհաննէսը: Արդէն մութը կոխել էր, երբ նա դուրս գնաց, խօստանալով միւս օրը աւելի մանրամասն տեղեկութիւն բերել: Նա աւելացրեց նոյնպէս, որ եթէ հանգամանքները դէպի վատը փոխուելու լինին, անշուշտ օրիորդը կըշտապի հաղորդել:

Ես մնացի մենակ, ամեն բոպէ սպասելով մի նոր նամակի կամ տեղեկութեան: Յուսահատութիւնը կրկին սկսեց պաշարել ինձ, ժամերն անցնում էին աւելի դանդաղ, աւելի երկար, բան յաւիտենականութիւնը: Բայց ոչ մի տեղեկութիւն, ոչ մի նոր լուր: Գիշերուայ մեծ մասն անցրի անքուն, կեղեքիչ մտածումներով պաշարուած, իսկ միտ մասը սոսկալի երազների ու հոգեկան տանջանքների մէջ: Ի՞նչեր էի երազում, ինչ հրէշաւոր պատկերներ ասես, որ չէի տեսնում: Գնում եմ ես, ճանապարհը երկայն է ու անծայր. բայց նա ծանօթ է. հանդիպում են և ծանօթ դէմքեր: Ես մտնում եմ մի սիրուն պարտէզ, ինձ թւում թէ այդ պարտէզը Եփիմէինց պարտէզն է ուր մի ամբողջ գիշեր լուսացրի: Չտապում եմ դէպի ծայրը, որտեղից քըջալով անցնում է առուակը: Յոյս ունիմ այնտեղ գտնել Եփիմէին: Եւ ահա նա առուակի միւս ափին կանգնած: Գժգոյն է նա որպէս մահ, տխուր՝ որպէս մթին գիշեր: Բայց որքան լայնացել է այդ առուակը: Նա դարձել է մի հսկայական գէտ փրփրալից ու պղտոր ուր լողում են անթիւ ճճիներ, զեռուններ, օձ ու կարիճներ, կարծես դեռ կաղմուած է հէնց դրանցից: Իսկ այն կողմից կանչում է Եփիմէն: Նրա ձայնը չեմ լսում, բայց տեսնում եմ ձեռքի շարժումները: Նա օգնութիւն է կանչում: Ի՞նչ կայ... ինչ է պատահել... Ու ինքս ինձ նետում եմ այդ թունաւոր զեռուններով լի գետի մէջ և զարթնում եմ... Գիշերուայ ժամը եր-

կուսն է, գլուխս բոցերի մէջ այլուում է, ուղեդս հայուում, խաշող քրանքի մէջ ողողուած եմ: Այնուամենայնիւ կրկին քուսս տա- նում է և... ինքս ինձ գտնում եմ թունաւոր զեռուններով ու սո- դուններով լի գետի միւս ափին: Դա այլևս պարտէզ չէ, այլ մի անծանօթ անապատ ուր կարծես մարդկային ոտք դեռ չի կո- խել: Եփիմէն այնտեղ չէ: Կոկորդիս ամբողջ լայնութեամբ կան- շում եմ «Եփիմէ»... Ու զարթնում եմ, աւելի ճիշտն ասած մայրս զարթնացնում է ինձ: Մի քառուրդ ժամի չափ անկողնում տապակուելուց յետոյ դարձեալ քնում եմ ու կրկին ինքս ինձ զգում նոյն ամայի անապատի մէջ: Ես չեմ մոռացել, որ կան- չել եմ Եփիմէին ու վազ եմ տալիս անապատի արածութեան մէջ նրան գտնելու մտքով, բայց յանկարծ առջևս ցցում է մի կանացի դէմք: Ինձ թւում է թէ նա գետնից բուսաւ ու ուզում եմ յետ դնալ: Նա կարում է առջևս և ասում.

— «Դու կանչեցիր...

— «Ես կանչեցի Եփիմէին:

— «Կուղեն քեզ տանեմ նրա մօտ... գնանք:

Ու ուրուականը բռնում է թևերս: Նրա հպարտութիւնը կարծես թունաւորում է ինձ, նա սառն է ինչպէս սառոյց:

— «Դու սիլ ես, հարցնում եմ ակռաներս կափկափելով:

— «Դազաղը... պատասխանում է դժոխային ձայնով:

Ես ճշացի ու զարթնեցի, բայց երկար ժամանակ չէի կա- բողանում ինքս ինձ գտնել: Վերջապէս դա մի տաժանելի դիշեր էր ինձ համար: Խեղճ մայրս մի քանի անգամ ստիպուած եղաւ ինձ զարթնացնելու, միշտ կրկնելով, «Եխար ի՞նչ պատահեց քեզ այս գիշեր»... Նա միամիտ էր ոչինչ չգիտէր, ոչ էլ ես մտածում էի պատմիւ այն դժբաղդութեան մասին, որ պատա- հել էր ինձ:

Առաւօտեան զարթնելով տեսայ որ գլուխս ծածրուցել է, բարձից չի բարձրանում, կարծես կապարով յցուած լինէր: Ամ- բողջ մարմինս ցաւում էր, ոսկրներս փշրւում էին և ինքս ինձ

սաստիկ յոգնած էի զգում, կարծես մի անապատի բարձրութիւ- նից ընկած, ջախջախուած լինէի:

Բուն բարեկենդանի կիրակի օրը լինելով, հետզհետէ մեզ մօտ էին գալիս մեր մերձաւոր ազգականները, ըստ սովորու- թեան, բարեկենդանը, միասին, մի ընդհանուր սեղանի վրայ ա- նելու և մեծ պասին միասին դիմաւորելու: Դուրսն էլ մեծ ոգևորութիւն էր տիրում, չորս կողմից դափ ու զուռնայի, երգ ու ուրախ աղաղակներ էին լսուում: Բայց այդ բոլորը ոչ միայն ինձ չէին զբաղեցնում, այլ՝ ընդհակառակը՝ աւելի ձանձ- րացնում, բարկացնում էին: Թւում էր թէ այդ բոլորն ինձ ծաղրելու, այսպէս ինչպէս համար են սարքուած, որ մահու չափ ծանր էին ազդում:

Ինձ վրայ ծանր էին ազդում և ազգականների հարցու- փորձը: Ամենքն էլ սնդում էին, որ չափազանց գունատ եմ և աչքերս կորցրել են իրենց փայլը: Ապա խումբ խումբ ժողո- վուած, ինչ-որ խորհրդաւոր ակնարկներ էին անում ու քչիչում որոնք աւելի ևս յուսահատեցնում էին ինձ: Դրանցից խոյս տա- լու մտքով մտածեցի դուրս գալ փողոց, բայց երբ հայելու մէջ դէմքս տեսայ, զգուանքս եկաւ, կարծես գերեզմանից դուրս բա- շած մեռել լինէի կամ քսան տարով ծերացած: Ուստի քաղաք դուրս գալու միտքը թողեցի և մտայ առանձնասենեակս:

Մրանից մի կէս ժամ շանցած ներս մտաւ Յովհաննէսը: Նա սաստիկ մտայլ էր, յօնքերն ու բռունցքը սեղմած, աչքերը փայ- լում էին վայրագ գազանի կատաղութեամբ: Նա այնքան յու- գուած էր, որ «բարի լոյս» տալիս չթունալը ցնցում էին, իսկ ձայնը դողում:

— Ի՞նչ լուր ունիս Եփիմէից, հարցրի եո տնհամբերու- թեամբ, թէ և նրա դէմքի արտայայտութիւնից գուշակում էի, որ նա ինձ համար բարի լուր չէր բերել, որ ինչ-որ աւելի ծանր դժբաղդութիւն է պատահել:

Յովհաննէսն իսկոյն չպատասխանեց, նա նախ գլուխը քարշ գցեց ու սկսեց ժամացոյցի շղթայի հետ խաղալ, ապա նայեց

ինձ, ուղիղ աչքերիս մէջ, կարծես ուզում էր գուշակել թէ կարող եմ դիմանալ հարուածին: Յեռոյ տարօրինակ, անընական ձայնով պատասխանեց:

— Նա ամուսնացաւ...

Վ Ե Ր Զ Ա Բ Ա Ն:

2գլխեմ քանի օր կամ շաբաթ էր անցել այդ օրից, բայց գիտեմ որ աչքս բանալով ինքս ինձ գտայ անկողնում, ազգականներով շրջապատուած, ձեռքս մի ակնոցաւոր երիտասարդի ձեռքի մէջ, որ զարկերակս էր քննում: Յիշում եմ նոյնպէս, որ նա՛ այդ ակնոցաւոր երիտասարդը դարձաւ Յովհաննէսին և ցածրը ձայնով ասաց:

— Այժմ կարող եմ ասել, որ տաղնապն անցած է:

Իսկ մայրս ուրախութիւնից լաց եղաւ:

Այդ օրից սկսած ես սկսեցի ապաքինել, բայց ապաքինումս աւելի ֆիզիքական էր: Ես ոչ միայն անցեալից ոչինչ չէի յիշում և չէի մտածում, այլև ոչ մի բան ինձ չէր հետաքրքրում: Ի հարկէ ես տեսնում էի այն բոլորն ինչ որ անցնում էր շուրջս և ինչ որ գտնուում էր աչքիս առաջ, բայց ուղեղս չէր գործում, կարծես նա մեռած լինէր կամ կտրուած այն հաղորդակցութեան թելը, որով աչքը հաղորդում է ուղեղին: Սակայն այս գրութիւնը երկար շտեպ կամաց կամաց գլուխս էլ սկսեց կազդուրուել, հետաքրքրութիւնս գարթնեց. զարթնեց և յիշողութիւնս: Մի առաւօտ, գիշերուայ խաղաղ քնից զարթնելով յիշեցի Եփիմէին. սակայն թւաց ինձ, թէ այդ անունը ես լսել եմ երկար, շատ երկար տարիներ առաջ, ինչպէս մէկը յիշում է տասնեակ տարիներ առաջ մեռած իւր թէկուղ ամենաթանկագին անձին:

Մի կիրակի օր, երբ այնքան կազդուրուել էի, որ բժիշկի թոյլտուութեամբ դուրս էի եկել գարնան ազատ օդը շնչելու, խօսք բաց արի Եփիմէի մասին:

— Միթէ դեռ չես մոռացել, հարցրեց Յովհաննէսը:

— Չեմ մոռացել, բայց թւում է ինձ, թէ նրա յիշատակը տեսնում եմ ես մի տեսակ թանձր վարպտոյրի ետև:

— Եւ յիշում ես ամեն բան:

— Այն, մի քանի օր է, որ յիշում եմ և հենց այդ է պատճառը, որ հետաքրքրում եմ:

Յովհաննէսը ըստ երևոյթին չէր ուզում այդ մասին երկար խօսել հետս: Նկատելով այդ, աւելացրի:

— Գիտեմ, դժուարանում ես խօսել, բայց միամիտ կաց: Ամենագլխաւորը՝ նրա ամուսնութիւնը յիշում եմ և տեսնում ես, որ այլ ես ազդեցութիւն չի գործում վրաս: Սրանից բացի ուրիշ ինչ կարող է պատահած լինել, որ ես չկարողանամ տանել:

— Իսկպէս ոչ մի առանձին բան էլ չի պատահել, որ կարողանար հետաքրքրել քեզ:

— Ինձ հետաքրքրում է այն, թէ ինչպիսի պայմանների մէջ տեղի ունեցաւ այդ բռնի ամուսնութիւնը, որ Եփիմէն ստիպուեց հնազանդելու:

— Ահա թէ ինչպէս. բարեկենդան շաբաթ օրը ամեն միջոց գործադրելուց յետոյ, երբ Եփիմէն չի զիջանում, կասկած է գարթնում նրանց մէջ, թէ քո և նրա մէջ գաղտնի հաղորդակցութիւն կայ յաջողեցնում են լոյս հանել Եփիմէի քեզնամակ գրած լինելու գաղտնիքը: Այն ժամանակ վճռում են ամուսնութիւնը չյիտաձգել: Եւ նոյն գիշերը նստեցնելով կառքը, իսկ կառքը շրջապատելով մի խումբ դիմուած մարդկանցով, տանում են եկեղեցի: Եկեղեցում նա բողոքում է այդ իւր կամքի հակառակ ամուսնութեան դէմ, յուսալով, թէ գէթ Աստուծոյ պաշտօնեան, սրբաթեան դէմ, յուսալով, թէ գէթ Աստուծոյ պաշտօնեան, սրբաթեան տաճարի մէջ կըլսի իւր բողոքը և ըստ օրինի կըպաշտպանի իւր իրաւունքը: Բայց կաշառուած քահանան ոչ միայն չի

լսում նրան, այլ և ստիպում է լռել և հնազանդել հօր կամ-
քին . . .

— Բռնութեամբ ամուսնացնում են ու ապրում է այն
տղամարդի հետ, որի անունը զգուանքով էր յիշում:

— Այն, ամուսնացնում են բռնութեամբ, բայց նա քո ա-
սածի նման չի ապրում ատելի տղամարդի հետ:

— Հապա... թողեց...


— Ամուսնութիւնից մի շաբաթ յետոյ հողին յանձնեցինք
նրա մարմինը... թոյն էր ընդունել և մեռաւ:

— Մեռաւ... ինձ չեփիմէ:

Ու աչքերս լցուեցին արտասուներով:

— Նա ազատուեց. յաւիտեանական տանջանքից ազատուեց,
ստաց Յովհաննէսը երևի ինձ սփոփելու համար:

Բայց ես սփոփանքի պէտք չունէի, տաժանելի հիւանդու-
թիւնը անյետ ջնջել էր այն զգացումը, որի շնորհիւ անկարող
գտնուեցի տանելու նրա ամուսնութեան հասցրած ծանր հա-
րուածը:



Վ Ե Ր Զ:



« Ազգային գրադարան



NL0350504

42

